

বিহারীলাল চন্দ্রবর্তীর  
শ্রেষ্ঠ কবিতা



বিহারীলাল চক্রবর্তীর

---

শ্রেষ্ঠ কবিতা

অলোক রায়

সম্পাদিত

ভারবি

১৩।১ বঙ্কিম চাট্‌জ্যে স্ট্রিট। কলকাতা-৭৩

প্রথম প্রকাশ : আশ্বিন ১৪০৮, সেপ্টেম্বর ২০০১

অঙ্কন : রঞ্জন মুখোপাধ্যায়

প্রকাশক : গোপীমোহন সিংহরায়। ভারি। ১৩।১ বঙ্কিম চাট্জ্যে স্ট্রিট।

কলকাতা-৭৩। অক্ষরবিন্যাস : ভারি। মুদ্রক . দীপঙ্কর ধর।

রাজেন্দ্র অফসেট। ১১ পঞ্চানন ঘোষ লেন। কলকাতা-৯।





রবীন্দ্রনাথ বলতেন, মহাপুরুষের জীবনচরিত হয়, মহাকবির জীবনচরিতের দরকার নেই—কাব্যই যথার্থ কবিজীবনী। তাই বলে কবির জীবনচরিতের প্রয়োজন নেই তা নয়। বিহারীলাল চন্দ্রবর্তীর জীবনী আজও লেখা হয়নি। কৃষ্ণকমল ভট্টাচার্য তাঁর ঘনিষ্ঠ বন্ধু ছিলেন। কৃষ্ণকমল স্মৃতিচারণ-উপলক্ষে পুরাতন-প্রসঙ্গ গ্রন্থে বিহারীলাল-সম্বন্ধে যেটুকু বলেছেন, কবি-সম্বন্ধে তার বেশি-কিছু জানবার উপায় নেই। সুবর্ণবর্ণিক সমাজে পৌরোহিত্য গ্রহণ করার জন্য তাঁরা ছিলেন সমাজে ‘পতিত’। পিতাপুত্র দু’জনেরই জীবিকার্জনের একমাত্র উপায় ছিল, কয়েকটি বাঁধা-পরিবারে যজন-যাজন। অর্থ-খ্যাতি-প্রতিপত্তি কোনো-কিছুর প্রতি বিহারীলালের লালসা ছিল না। অদ্ভুত লাগে ভাবতে, কৃষ্ণকমল বন্ধুকে ‘নাস্তিক’ বলেছেন এবং বঙ্গসুন্দরী কাব্যে কৌতের চিন্তাভাবনার প্রকাশ দেখেছেন।

বিহারীলাল তাঁর সমসাময়িক প্রধান কবিদের মতো ইংরেজি-স্কুল-কলেজে পড়াশোনার সুযোগ পাননি। কৃষ্ণকমল জানিয়েছেন, ‘বিহারীর লেখাপড়ার সম্বন্ধে বলিতে হয় যে, দিনকতক সে সংস্কৃত কলেজে ভর্তি হইয়া মুগ্ধবোধ পড়িতে গিয়াছিল। কিন্তু ইংস্কুল-কলেজে বাঁধাবোধ নিয়মের বশবর্তী হইয়া থাকা তাহার স্বভাবের সহিত মিলিল না। ...অল্পকাল-মধ্যেই সংস্কৃত কলেজ ত্যাগ করিয়া সে বাড়িতে পণ্ডিতের নিকট মুগ্ধবোধ কিছুদিন পড়িয়াছিল ; সাক্ষ্য করা হইয়াছিল কিনা বলিতে পারি না। ...মুগ্ধবোধ সাক্ষ্য হউক আর না-হউক, বিহারীর সংস্কৃত-ব্যাকরণে এতটুকু অধিকার জন্মিয়াছিল যে, তিনি সাহিত্যশাস্ত্র অধ্যয়ন করিতে সমর্থ হইয়াছিলেন। সাহিত্য-শাস্ত্রের কয়েকখানি গ্রন্থ যথা—রঘুবংশ, কুমারসম্ভব, আর বোধহয় ভারবি, মুদ্রারাক্ষস, উত্তরচরিত এবং শকুন্তলা আমি তাঁহাকে পড়াইয়াছিলাম। ..বোধহয় বিহারীর তখন ইংরাজি ব্যাখ্যা বুঝিবার ক্ষমতা হয় নাই, কিন্তু পরে হইয়াছিল। ইংরাজিও তিনি কতকদূর আমার কাছেই পড়িয়াছিলেন। আমার মনে আছে, বায়রনের চাইল্ড হ্যারল্ড এবং শেক্সপিয়রের ওথেলো, ম্যাকবেথ, জিয়ার-প্রভৃতি দু-পাঁচখানি নাটক একত্রে পাঠ করা হইয়াছিল। ...বাংলা সাহিত্যটা তিনি অতি উত্তমরূপে আয়ত্ত করিয়াছিলেন। রামায়ণ, মহাভারত, ঈশ্বর গুপ্ত, দাশ রায়-ইত্যাদি তৎকাল-প্রচলিত অনেক বাংলা গ্রন্থ তাঁহার ভালরূপ পড়া ছিল।’ বিহারীলালের পড়াশোনার বিশদ পরিচয় দেওয়ার কারণ তিনি সংস্কৃত ও ইংরেজি জানলেও বাংলা সাহিত্যের সঙ্গে সুনিবিড় যোগ তাঁর কবিতাসৃষ্টিতে বেশি প্রভাব বিস্তার

করেছে। বিহারীলালের প্রথম কাব্যগ্রন্থ সঙ্গীত-শতক (১৮৬২) প্রকাশিত হওয়ার আগেই বঙ্গলাল-মধুসূদনের কাব্যগ্রন্থ পাশ্চাত্য কাব্যধারার অনুসরণে তথাকথিত নব্যযুগের সূচনা করেছে। সঙ্গীত-শতকে বিহারীলাল এই নব্যধারার কাব্যরীতি অনুসরণ না করে 'টগাগান' অর্থাৎ ক্ষুদ্র প্রণয়সংগীতের ধারাই অনুসরণ করেছেন। এখানে তাঁর আদর্শ নিধুবাবু, শ্রীধর কথক, রাম বসু। বঙ্গসুন্দরী থেকে তাঁর নিজস্ব প্রকাশ পেতে থাকে এবং তিনি যখন সারদামঙ্গল (১৮৭৯) লিখছেন ততদিনে তাঁর নিজের কাব্যাদর্শ গড়ে উঠেছে। অবশ্য সারদামঙ্গলের উপহার-গীতি (নয়ন-অমৃতবাশি প্রেমসী আমার) যদি কাউকে নিধুবাবুর গান মনে করিয়ে দেয় তাহলে অবাক হওয়ার কিছু নেই।

যে দিকে চাই, সেই দিকে পাই, দেখিতে তোমারে।

কি জানি কি গুণে, ভুলালে নয়নে, তোমার বিহনে,

না দেখি কাহারে।

যখন থাকি শয়নে, তোমারে দেখি স্বপনে,

পুনু জাগরণে, নয়নে নয়নে, থাকি সেই মনে,

কি হল আমারে ॥

বিহারীলাল অনাথবন্ধু রায়কে লেখা চিঠি ছাড়া অন্য-কোথাও স্বতন্ত্রভাবে নিজের কাব্যভাবনার কথা বলেননি। তাঁর কবিতা থেকে তাঁর কাব্যাদর্শ আমাদের বুঝে নিতে হয়। কাব্যগ্রন্থাবলীতে শরৎকাল নামে যে কবিতাগুচ্ছ সংকলিত হয়েছে, তার অংশবিশেষ বহুল উদ্ধৃত হলেও, তাঁর কাব্যচিন্তার পরিচয় গ্রহণে সবচেয়ে মূল্যবান :

এখন ভারতে ভাই, কবিতার জন্ম নাই,

গোরে বোসে অট্ট হাসে করে কার ছায়া?

হা ধিক্! ফেরঙ্গ বেশে এই বান্দীকির দেশে

কে তোরা বেড়াস্ সব উষ্কি-মুখী আয়া?

উনিশ শতকে বাংলা কাব্যে পাশ্চাত্য ভাবপ্রেরণা যে-নব্যযুগের সৃষ্টি করে, বিহারীলাল তার সঙ্গে মানসিক যোগ অনুভব করেননি। তাঁর কাছে 'ফেরঙ্গ-বেশে' এই 'উষ্কিমুখী' আয়াদের আবির্ভাব কৌতুককর মনে হয়েছে :

নেকড়ার গোলাপ ফুলে বৈধে খোঁপা পরচূলে

ছিটের গাউন পোরে আহ্লাদে আকুল!

পরস্পরে গলা ধরি' নাচিছেন যেন পরী!

কি আশ্চর্য বিধাতার বুঝিবার ভুল!

এই প্রাণহীন কৃত্রিম কাব্যধারা বিহারীলালের কাছে পরিত্যাজ্য। তিনি সঙ্গীত-শতকের শেষ-দুটি গানে তাঁর নিজের কাব্যাদর্শের কথা বলেন : 'অয়ি হা প্রকৃতি দেবি! /তোমারে নির্জনে সেবি,/বড় সুখী হইয়াছে আমার হৃদয়' এবং তাঁর বিশ্বাস : 'বুঝিলে ইহার ভাব,/পাইবে আমার ভাব,/প্রেম, ধর্ম, প্রকৃতির/হবে উদ্দীপন।' নব্য বাঙালি কবিরা প্রেম, ধর্ম, প্রকৃতির উদ্দীপনে অসমর্থ! তাই কবি বলেন,



এর সঙ্গে খুব সহজই সঙ্গীত-শতক বা বাউল-বিশ্ণুভির গানগুলিকে মিলিয়ে নেওয়া যায়। আসলে বিহারীলাল পূর্বতন কাব্যধারারই অনুসরণ করেছেন (তিনি কবিগানের আসরে নিয়মিত উপস্থিত থাকতেন, এবং বিন্মৃত গানের পাদপূরণ করে আনন্দ পেতেন)। যেখানে বিহারীলাল গান লেখেননি, সেখানে কবিতায় সাময়িক ঘটনা বা কাহিনী প্রাধান্য পেয়েছে—নবীনচন্দ্র সেন যাকে বলতেন, ‘ছদ্মুগে কবিতা’। বিহারীলালের একমাত্র গদ্যগ্রন্থ স্বপ্নদর্শনে বাংলা দেশে দুর্ভিক্ষের কারণ ও স্বরূপ-নির্দেশ ; নিসর্গ সন্দর্শনে ১২৭৪ সালের কার্তিকের ঝড়ের বর্ণনা ; বন্ধু-বিয়োগে পূর্ণচন্দ্র, কৈলাস, বিজয় ও রামচন্দ্র-নামে চারবন্ধু এবং প্রথমা পত্নীর মৃত্যুতে শোকপ্রকাশ ; বঙ্গসুন্দরী পরিচিত কয়েকজন মহিলাকে উপলক্ষ করে লেখা। ধুমকেতু কবিতাটি ১২৮৯ সালের আশ্বিন মাসে ধুমকেতু-দর্শনের অভিজ্ঞতা। তাহলে একদিকে প্রচলিত কবিসংগীতের ধারানুসরণ, অন্যদিকে উপলক্ষ-প্রধান কবিতা। ‘যুদ্ধবর্ণনাসঙ্কল মহাকাব্য’ না লিখলেও ‘উদ্দীপনাপূর্ণ দেশানুরাগমূলক কবিতা’ তিনি লিখেছেন : ‘যখন জনমভূমি ছিল স্বাধীন,/কেমন উজ্জ্বল ছিল তাঁহার বদন! /এখন হয়েছে মা’র সে মুখ মলিন! /মন-দুখে পরেছেন তিমির বসন! /হায়, জননীর হেন বিষম দশায়,/কভু কি প্রফুল্ল রয় সন্তানের মন? /যেমন বিদ্যুৎ খেলে মেঘের মালায়,/বিমর্ষ মেজাজে বুদ্ধি খেলে কি তেমন? ... স্বাধীন দেশের লোক, স্বাধীন অন্তর,/অবাধে ছুটায় দেয় বুদ্ধি আপনার,/ঘরে বোসে তোলপাড় করে চরাচর,/যে বাধা বিষম বাধা তা নাই তাহার।’ পৌরাণিক উপাখ্যানের দিকে না গেলেও আখ্যান-রচনায় আগ্রহের অভাব ছিল না— যার দৃষ্টান্ত নিসর্গ-সন্দর্শনের তৃতীয় সর্গ বীরাসনা : ‘এক চোটে মুণ্ড তার হল দুই চীর,/খিচিয়ে উঠিল দাঁত চিতিয়ে পড়িল,/ধড়ফড় করে ধড়, নিকলে রুধীর,/ভিত্তির মতন পড়ে গড়াতে লাগিল।/যারা ছিল, ছুট দিল বাঁচাইতে প্রাণ,/তাড়িলেন মুক্তকেশী পিছনে পিছনে,/মাঝপথে করিলেন কেটে খান খান/লাগিলেন চিৎকার করিতে ক্ষণে ক্ষণে।’

সারদামঙ্গল ও সাধের আসন অবশ্য একটু অন্য-ধরনের রচনা। কবিগানের প্রতিধ্বনি সেখানেও শোনা যায়। কিন্তু অনেকে সেখানে দেখেছেন শেলির কবিতার ভাবনাদৃশ্য। রবীন্দ্রনাথের মনে হয়েছে, শেলির বিশ্বব্যাপিনী সৌন্দর্যলক্ষ্মী হলেন বিহারীলালের সরস্বতী—‘এই সারদাদেবীর, এই Spirit of Beauty-র নব অভ্যুদিত করুণা-বাণিকামূর্তি এবং সর্বত্রব্যাপ্ত সুন্দরী ষোড়শীমূর্তির বর্ণনা সমাপ্ত করিয়া কবি গাহিয়া উঠিয়াছেন—তোমারে হৃদয়ে রাখি/সদানন্দ মনে থাকি, শাশান অমরাবতী

দুই ভালো লাগে.....’। কিন্তু শেলির রাজনৈতিক চেতনা, দার্শনিক জিজ্ঞাসা ও কাব্যভাবনা বিহারীলালকে কোনোভাবে প্রভাবিত করেছে বলে মনে হয় না। প্রসঙ্গত ‘প্লেটোনিক’ প্রেম সম্বন্ধে বিহারীলালের শ্লেষাত্মক মন্তব্যের কথাও মনে পড়বে : ‘থিক্ রে অথম থিক্/ভালোবাসা “প্লেটোনিক”/ছদ্মবেশী রসিকমধুর “মিয়ু মিয়ু”।’

আসলে কৃষ্ণকমল ভট্টাচার্যের কথামতো বিহারীলালকে যেমন পজিটিভিস্ট-নাস্তিক বলা যায় না, তেমনি ‘পেশাদারি’ কাব্যধারার প্রতিক্রিয়ায় ইংরেজ রোমান্টিক কবিদের সঙ্গে তুলনা করা যায় না। কৃষ্ণকমল ইংরেজি সাহিত্যের ইতিহাসের সঙ্গে বাংলা সাহিত্যের ইতিহাসকে খাপে-খাপে মেলাতে চেয়েছেন, আর তাই তাঁর মনে হয়েছে, ‘ইংরাজি সাহিত্যে পোপ কবির আবির্ভাবের পর কবিতা-সাম্রাজ্যে যে-একটা পেশাদারি ভাব বদ্ধমূল হইয়া আসিতেছিল, ক্র্যাব ও কাউপারের আবির্ভাবে সেইটি খণ্ডিত হইল, পরে কিট্‌স, বায়রন, শেলি, ওয়ার্ডসওয়ার্থ এই পেশাদারি ভাবের খণ্ডন ব্যাপারের চূড়ান্ত করিয়াছেন। আমার মনে হয়, বঙ্গ-কবিতারাজ্যে বিহারীর আবির্ভাব কতকটা তদ্রূপ। পেশাদারি কবিতার লেশমাত্র তাঁহার প্রতিভাতে ছিল না। যাহা তিনি নিজে দেখিতেন, শুনিতেন, অনুভব করিতেন, যেন কোন-এক দুর্দম প্রবৃত্তি তাঁহাকে সেইগুলি কবিতাকারে লিপিবদ্ধ করিতে প্রবর্তিত করিত। যে-শব্দটি সম্পূর্ণভাবে তাঁহার মনের ভাবের প্রখরতা ব্যঞ্জক হইত, এবং আপনা হইতেই তাঁহার মনে জাগিয়া উঠিত, সেই শব্দটি ভাষা হউক, অপভাষা হউক, সংস্কৃত হউক, অপভ্রংশ হউক—তিনি প্রয়োগ করিতে কুণ্ঠিত হইতেন না। অথচ তাঁহার শ্লোকগুলি পড়িয়া দেখ, এমন খাঁটি বাংলা আজকাল কোত্রাপি পাইবে না।’ কিন্তু বিহারীলালের কাব্যরচনার অব্যবহিত পূর্বে মধু-হেম-নবীনের কাব্যকে পেশাদারি কবিতা বলা যায় না। (কবিগানকে অনেকসময়ে আমরা পেশাদারি কবিতা বলি বটে, কিন্তু এখানে কবিগানের কথা বলা হচ্ছে না)। অন্যদিকে বাংলা গীতিকবিতার ধারা মধ্যযুগ থেকে উনিশ শতক পর্যন্ত বাধা-বদ্ধহীনভাবে প্রবাহিত হয়েছে। বিহারীলালের কাব্যে ‘কবির নিজের কথা’ প্রথম শোনা গেল—এমন কথাও বোধহয় বলা যায় না। চতুর্দশপদী কবিতাবলীর প্রকাশের আগেই মধুসূদন রচনা করেছেন আত্মবিলাপ (১৮৬১) এবং বঙ্গভূমির প্রতি (১৮৬২)। বিহারীলালের সমকালে হেমচন্দ্রের ঋণকবিতাবলী (১৮৭০) ও নবীনচন্দ্রের অবকাশরঞ্জিনী (১৮৭১) কাব্যে কবিচিন্তের প্রকাশ ঘটেছে। এ-সময়ে মহাকাব্য লেখা হয়েছে সত্য ; কিন্তু শুধুই মহাকাব্য লেখা হয়নি। তবে সর্বাবস্থায় কাব্য লেখার দিকে কবিদের একটা ঝোঁক ছিল ; বিহারীলালও সেই প্রথা অগ্রাহ্য করতে পারেননি।

কৃষ্ণকমল ভট্টাচার্য বলেছেন, ‘সারদামঙ্গল বিহারীর শেষাংশেই সময়ের রচনা। আমার বোধ হয়, তাঁহার জীবনের এই অংশে তাঁহার হৃদয়ে জার্মান-ধরনের একটু অস্পষ্টতার ভাব (Vagueness) আসিয়াছিল।’ এই Vagueness সাধের আসনে আরও বেড়েছে—তবে তার কারণ স্বতন্ত্র। বিহারীলাল পরিণত বয়সে ক্রমশ একটা আধ্যাত্মিক ভাবোপলব্ধির মধ্যে আচ্ছন্ন হয়ে পড়েন। এর সঙ্গে ধর্মের কোনো যোগ ছিল না। জ্যোতিরিন্দ্রনাথ ঠাকুর তাঁর এই সময়ের সদাসর্বদা ভাববিহীন মূর্তির কথা

বলেছেন—‘তাহাকে দেখিলেই মনে হইত—একজন খাটি কবি। সর্বদাই তিনি ভাবে বিভোর হইয়া থাকিতেন। ...যখন কোনও সাহিত্যবিষয়ক আলোচনা হইত, অথবা গভীর বিষয় চিন্তা করিতেন, তখন... তাঁহার চক্ষু-দুইটি বুজিয়া আসিত, তিনি ভাবে আত্মহারা হইয়া যাইতেন।’ বিহারীলাল নিজে সারদামঙ্গল কাব্য রচনার সময়ে তাঁর মনোজগতের যে পরিচয় দিয়েছেন, তার মধ্যেও এই আত্মহারা-আত্মবিস্মৃত অবস্থার উল্লেখ আছে—‘মৈত্রীবিরহ, প্রীতিবিরহ, সরস্বতীবিরহ যুগপৎ ত্রিবিধ বিরহে উন্মত্তবৎ হইয়া আমি সারদামঙ্গল সংগীত রচনা করি।’ এই উন্মত্ততা মরমিয়া সাধকদের মধ্যেও দেখা দেয়। উনিশ শতকে ছন্দমহাকাব্য ও সাংবাদিকতার যুগে এই উন্মত্ততা বেশি দেখা যায় না। সে কালে গীতিকবিরও যেন কিছুটা যুক্তিবাদী, তত্ত্বমুখী, চিন্তাকুল। বিহারীলাল সেখানে ‘অর্থভেদী অভ্রভেদী সংগীত উচ্ছাস’ প্রকাশ করতে চেয়েছেন। এইখানে তাঁর অনন্যতা।

প্রত্যেক কবিকেই বাহির এবং অন্তর, প্রথা এবং প্রেরণা, রূপ এবং ভাবের দ্বন্দ্ব কম-বেশি বিচলিত হতে দেখি। মধুসূদন-হেমচন্দ্র-নবীনচন্দ্রের মধ্যে এই দ্বিধা প্রবল—ফলে প্রায়শ তাঁরা সর্বাঙ্গীণ কাব্যসিদ্ধি অর্জনে ব্যর্থ। বিহারীলাল বড় কবি নন। কিন্তু শিক্ষা ও সংস্কার, কাব্যরুচি ও উপলব্ধি তাঁকে একমুখী করেছে। তিনি যে সৌন্দর্যলক্ষ্মীর সন্ধান করেন, তিনি একই সঙ্গে লোকায়ত ও ঐতিহ্যানুমোদিত। বিমূর্ত সৌন্দর্য-কল্পনা তাঁর লক্ষ্য নয়। তিনি খুব সহজে বলেন,

স্বপন নগরে বেড়িয়ে বেড়াই ঢুলিয়া-ঢুলিয়া আপন মনে,  
কখন বিহরি শিখরী শিখরে, কখন বা ভ্রমি বিজন বনে।

কখন কখন কল্পনা যানে আরোহণ করি আকাশে ভাসি,

দেখি বোঁ বোঁ কোরে ঘোরে গ্রহতারা, ঘোরে দূরে দূরে অনলরাশি।

তাঁর সারদা জায়া-জননী ও প্রণয়িনীর সমন্বয়ে গড়ে ওঠে—ফলে সারদার ধ্যান লৌকিক স্মৃতির জগতে সীমাবদ্ধ। তিনি লেখেন, সারদামঙ্গলের ‘মৈত্রী ও প্রীতিবিরহ যথার্থ সরল-সহজভাবে বুঝাইতে হইলে আমার সমস্ত জীবনবৃত্তান্ত লেখা আবশ্যক করে, এবং সরস্বতীর সহিত প্রেম, বিরহ ও মিলন বুঝাইতে হইলে অনেকগুলি অসর্ববাদীসম্মত কথা কহিতে হয় ...কেবল জীবনবৃত্তান্ত এখন লিখিতে পারিব না।’ (৪ কার্তিক ১২৮৮)। এই কথা চিঠিতে যখন লেখেন, তখন সাধের আসন কাব্য লেখা হচ্ছে। সাধের আসন কবির আত্মজৈবনিক রচনা। এদিকে থেকে কাব্যটি মূল্যবান হলেও, বিষয়ের সঙ্গে বিষয়ীর প্রত্যাশিত দূরত্ব রক্ষা করা সম্ভব না হওয়ায়, বিহারীলালের বিমূর্ত সৌন্দর্যকল্পনা সাধের আসন কাব্যে অনেকাংশে খণ্ডিত। জায়া-জননী এবং কখনও কাদম্বরী দেবী কাব্যে অধিকার প্রবেশ না করলেও অতিরিক্ত প্রাধান্য পেয়েছেন। এ-অবস্থায় বিহারীলালের সারদার ধ্যান লৌকিক স্মৃতির জগতে সীমাবদ্ধ এবং কবির কল্পনা প্রায়ই উন্মার্গগামী হয়েছে।

বিহারীলাল যেখানে সাময়িক প্রসঙ্গ অবলম্বন করেন বা বস্তুসমূহের বর্ণনা করেন সেখানে তাঁর কাব্যে একধরনের সাফল্য প্রত্যাশিত। অন্যত্র যেখানে তিনি তীব্র ভাবাবেগ-চালিত হয়ে হৃদয়োৎসারিত আনন্দ-বেদনা প্রকাশ করেন সেখানেও তাঁর কৃতিত্ব স্বীকার্য। কিন্তু যেখানে তিনি রূপকের আশ্রয় গ্রহণ করেন বা কিছুটা আত্মসচেতন, সেখানেই তিনি বিপন্ন বোধ করেন। সাধের আসনে এই ধরনের বিপদ ঘটেছে। সারদামঙ্গল এদিক থেকে কল্পনার অসংযম ও সংগতির অভাব সত্ত্বেও কাব্যোৎকর্ষলাভে সক্ষম।

বিহারীলালের কবিতা একসময়ে দুর্বোধ্যতার জন্য নিন্দিত হয়েছে। দ্বিজেন্দ্রলাল রায় সারদামঙ্গল পড়ে মন্তব্য করেন, ‘উহা কাব্যই নহে, উহার কোন উদ্দেশ্য নাই, উহা পাঠ করিয়া মনে কোনো স্থায়ী উচ্চভাবের উদয় হয় না।’ (দ্র : মন্থনাথ ঘোষ, বিহারীলাল, উদয়ন, চৈত্র ১৩৪০)। মনে হয়, হেম-নবীনের বক্তব্য-সোচ্চার, তত্ত্বপ্রতিপাদনে আগ্রহী, নৈতিক আদর্শ-প্রচারে সচেতন কবিতার প্রতিক্রিয়ায় বিহারীলাল সম্ভবত সারদামঙ্গল প্রসঙ্গে বলেন, ‘এখন বোধ করি বুঝিতে পারিলেন যে, আমি কোন উদ্দেশ্যেই সারদামঙ্গল লিখি নাই।’ তাঁর কাব্যের মূলসুর, ‘তোমারে হৃদয়ে রাখি, সদাই আনন্দে থাকি/আমার প্রাণে পূর্ণচন্দ্রোদয় সারা দিবা-রজনী।’ সে সময়ে একদিকে যেমন একদল কবি, ঈশ্বর গুপ্তের অনুকরণ করেছেন—শ্লেষ-যমকের চমকে সামাজিক কবিতা লেখার পথ গ্রহণ করেছেন, তেমনি অন্যদিকে রঙ্গলাল-মধুসূদনের অনুকরণে ঐতিহাসিক-পৌরাণিক আখ্যানকাব্য লেখার প্রয়াস আর-একদল কবির রচনায় দেখা গেছে। বিহারীলালের ধারা একসময়ে অনুসরণ করেছেন সুরেন্দ্রনাথ মজুমদার, দেবেন্দ্রনাথ সেন, অক্ষয়কুমার বড়াল, গিরীন্দ্রমোহিনী দত্ত এবং রবীন্দ্রনাথ। কিন্তু রবীন্দ্রনাথ কৈশোরে বিহারীলালের কবিতার প্রতি আকর্ষণ অনুভব করলেও অনতিপরে সম্পূর্ণ নিজস্ব কাব্যজগৎ নির্মাণ ও সৃষ্টি করেন। এখন প্রায় অনুবীক্ষণযন্ত্রের সাহায্যে বাংলা কাব্যে বিহারীলালের প্রভাব সন্ধান করতে হয়।

তবু বাংলা কবিতার ইতিহাসে বিহারীলাল সন্ধিক্ষণের কবি—একদিকে কবিগানের দেশজধারা, মাটির সঙ্গে যোগ, অন্যদিকে রোমান্টিক দীপ্তিকবিতার বিদেশি ধারা, ভোরের পাখি—দুই ধারার মিলন-মিশ্রণে স্বাতন্ত্র্যমণ্ডিত কবি। সারদামঙ্গল-সাধের আসন পড়তেই হবে তাঁকে জানতে—সেই সঙ্গে অন্য-কিছু কবিতার নির্বাচিত অংশ। হয়তো ছোট এই সংকলনটির মধ্য দিয়ে বিহারীলালের কবিতার সঙ্গে একালের পাঠকের নতুন করে পরিচয় হবে। পাঠক সম্পূর্ণ নিরাশ হবেন এমন মনে হয় না। পুনরাবিষ্কারেরও একটা আনন্দ আছে।

## সূ চি প ত্র

### সঙ্গীত শতক (১৮৬২)

নির্বাচিত অংশের প্রথম পংক্তির সূচি :

কোথায় রয়েছে প্রেম ১৭ এই যে সমুখে প্রেম ১৭ প্রাণ প্রেমসি আমার ১৮ কেন কেন প্রাণ  
প্রিয়ে ১৮ হায়, সুখময় ফুলবন ১৮ এস লো প্রেমসি ১৮ না দেখিলে দহে প্রাণ ১৯ যত দেখি,  
ততই যে ১৯ বুঝাতে হবে না আর ২০ আহা প্রাণ জুড়াইল ২০ কেন আজি নিদ্রাদেবী ২১  
কেবল অন্তরে দেখে ২১ ভুলি ভুলি মনে করি ২২ কেন রে হৃদয় কেন ২২ কেন মন হইল  
এমন ২২ এসেছি বা কোথা হতে ২৩ আহা কি মধুরতর ২৩ বুথায় ভ্রমিনে আর ২৪ প্রণয়  
করেছি আমি ২৪ “সংগীত-শতক” প্রিয়ে ২৬

### বঙ্গসুন্দরী (১৮৭০)

নির্বাচিত অংশের প্রথম পংক্তির সূচি :

প্রথম সর্গ : উপহার	সর্বদাই হৃৎ করে মন	২৮
দ্বিতীয় সর্গ : নারীবন্দনা	জগতের তুমি জীবিত-রাগিনী,	৩২
তৃতীয় সর্গ : সুবাবলা	একদিন দেব তরুণ তপন,	৩৮

### নিসর্গ সন্দর্শন (১৮৭০)

নির্বাচিত অংশের প্রথম পংক্তির সূচি .

সমুদ্র দর্শন	একি এ প্রকান্ত কাণ্ড সম্মুখে আমার	৪৪
নভোমণ্ডল	ওহে নীলোজ্জ্বল রূপ গগন মণ্ডল,	৫১

### বঙ্কু বিয়োগ (১৮৭০)

রামচন্দ্র	যখন সকলে তাজে গেল ক্রমে ক্রমে,	৫৪
-----------	--------------------------------	----



: গীত ৪ : কি হল কি হল হল রে, কি হল আমার ১৩৭  
 : গীত ৫ : সারদা—সারদা—সারদা কোথা রে আমার ১৩৮

মায়াদেবী (১৮৮২) :

নির্বাচিত অংশের প্রথম পংক্তির সৃষ্টি :

“সাগর তরঙ্গে নাচিয়া বেড়াই, ১৩৯  
 গীতি : কে রে বালা কিরণময়ী ব্রহ্ম-রঞ্জে বিহরে! ১৪৩

শরৎকাল (১৮৮২)

মধ্যাহ্ন সংগীত চরাচরব্যাপী অনন্ত আকাশে ১৪৪  
 সন্ধ্যা সংগীত ডুবেছে ববির কায়া, দিবা বল অবসান ১৪৫

ধুমকেতু (১৮৯৯) এই যে উঠেছে ধুমকেতু! ১৪৮

দেবরানী (১৮৮২) স্বপন নগরে বেড়িয়ে বেড়াই ১৫১  
 গীতি : এমন অপরূপ রূপ কভ হেরি নাই নয়নে ১৫৩

বাউল বিংশতি (১৮৮৭) ভবে কেউ দূখী নয়, আমিই দূখী ১৫৪





রাগিণী সোহিনীবাহার—তাল আড়াঠেকা

কোথায় রয়েছ প্রেম!

দাও দরশন।

কাতর হয়েছি আমি

করে অন্বেষণ ;

কপটতা—ঐশ্বর্যমতি,

বিষময়ী, বক্রগতি,

দংশিয়ে তোমারে বুঝি

করেছে নিধন? ॥ ৪ ॥

রাগিণী সোহিনীবাহার—তাল আড়াঠেকা

এই যে সমুখে প্রেম

মানসমোহন!

আভাসময় প্রভাজালে

আলো ত্রিভুবন ;

সারল্যের স্বচ্ছ জলে,

প্রত্যয়ের শতদলে,

সুখেতে শয়ন করি

সহাসবদন ;

সন্তোষ অনিল বায়,

আনন্দ-লহরী ধায়,

চিত-মধুকর গায়

সুধা বরিষণ—

চারিদিকে সুধা বরিষণ ;

এই যে সমুখে প্রেম

মানসমোহন! ॥ ৫ ॥

রাগিণী ঝিঝিট্—তাল আড়াঠেকা

প্রাণ প্রেয়সি আমার !  
হৃদয়-ভূষণ,  
কত যতনের হার ;  
হেরিলে তব বদন,  
যেন পাই ত্রিভুবন,  
অন্তরে উথলে ওঠে  
আনন্দ অপার ॥ ৬ ॥

রাগিণী মূলতান—তাল আড়াঠেকা

কেন কেন প্রাণপ্রিয়ে  
হয়েছ-এমন !  
নিতান্ত উদাসপ্রায়,  
ভাঙা ভাঙা মন ;  
  
কপোল হয়েছে লাল,  
ঘামিছে মোহন ভাল,  
নিশ্বাসে অধর ঝলে,  
নেত্র জ্বলে হুতাশন ॥ ৮ ॥

রাগিণী বাহার—তাল আড়াঠেকা

হায়, সুখময় ফুলবন  
হয়েছে দাহন !  
নীরব এখন—  
কোকিলের কুহুরব,  
অলির গুঞ্জন ;  
  
আর পূর্ণিমার ভাসে  
ফুল ফুটে নাহি হাসে,  
করে না মধুর বাসে  
প্রমোদিত মন ॥ ৯ ॥

রাগিণী বসন্তাহার—তাল ধামাল

এস লো প্রেয়সি  
এস হৃদি মাজে !  
রতন, পতন পদে,

নাহি সাজে ;  
 কিছুতো করনি দোষ,  
 কি জন্যে করিব রোষ,  
 কাতর দেখিলে তোরে,  
 ব্যথা বাজে—  
 প্রাণে ব্যথা বাজে ;  
 এস লো প্রেয়সি এস  
 হৃদি মাজে ! ॥ ১০ ॥

....

রাগ মালকোশ—তাল মধ্যমান

না দেখিলে দহে প্রাণ,  
 দেখিলে দ্বিগুণ দয়.  
 কিছুই বুঝিতে নারি  
 কেনই এমন হয় ;

হেরে প্রিয় চন্দ্রানন  
 যখন মোহিত মন,  
 তখনি অমনি হৃদে  
 জাগে অদর্শন ভয় ;

ক্ষণমাত্র ক্ষণপ্রভা  
 প্রকাশে আপন প্রভা,  
 আঁধার কি যায় তায়?  
 আরো অন্ধকার হয়। ॥ ১২ ॥

রাগ মালকোশ—তাল মধ্যমান

যত দেখি, ততই যে  
 দেখিবারে বাড়ে সাদ,  
 নির্মল লাবণ্য-রসে  
 না জানি কি আছে স্বাদ!  
 কে যেন বাঁধিয়ে মন  
 বলে করে আকর্ষণ,  
 ফিরেও ফিরিতে নারি,  
 বিষম প্রমাদ! ॥ ১৩ ॥

রাগিনী ভৈরবী—তাল আড়াঠেকা

বুঝাতে হবেনা আর  
বুঝি আমি সুমদায়,  
পরে যাহা হবে, তাহা  
প্রথমেই জানা যায়,

সকলেরি আছে চিহ্ন,  
কিছু নাই চিহ্ন ভিন্ন  
উঠন্তি গাছের আগে  
পাতায় প্রকাশ পায় ;

যামিনী যখন আসে.  
অঙ্ককার হয়ে আসে,  
উষার আসার আগে  
শুকতারা দেখা দেয় ;

হইলে কমলকলি,  
পরে মধু লভে অলি,  
আকন্দ মুকুল হতে  
কভু কি লভেছে তায় ? ॥ ৩৬ ॥

....

বাগ মালকোশ—তাল আড়াঠেকা

আহা প্রাণ জুড়াইল  
ছাতে এসে এ সময়ে!  
উঃ কি গুমোট! গেহে  
কার সাধ্য থাকে সয়ে,

অম্বরেতে নিশাকর  
প্রসারি বিশদ কর,  
নিস্তন্ধ ধরায় দেখে  
বিস্মিতের প্রায় হয়ে,  
প্রকৃতি লাভণ্যে ভাসে,  
সুখিনী যামিনী হাসে,  
সুশীতল সমীরণ  
ধীরে ধীরে যায় বয়ে? ॥ ৪০ ॥

রাগিণী বেহাগ—তাল আড়াঠেকা

কেন আজি নিদ্রাদেবী  
হয়েছ নিদয় ?  
তোমার বিরহে আমি  
ব্যাকুল-হৃদয় ;

যদিও মালতীমালা  
বুকে-মুখে করে খেলা,  
যদিও মলয়ানিল  
ঝর ঝর বয়,

সকলি বিষের বাণ,  
ছটফট করে প্রাণ,  
শয্যা যেন শত শূল,  
কত আর সময় ?

জগতের জ্বালা হতে  
কিছু অবসর লতে,  
প্রতিদিন এ সময়ে  
তব আলিঙ্গনে—

আসিয়ে মজিয়ে রই,  
নব বলে বলী হই,  
কোথা দিয়ে কেটে যায়  
ক্লান্তির সময় । ॥ ৪১ ॥

রাগ মালকোশ—তাল আড়াঠেকা

কেবল অন্তরে দেখে  
তৃপ্ত নাহি হয় মন,  
দরশন-সুখা বিনে  
কাঁদে কাতর নয়ন ;  
যদিও প্রেয়সি তোরে  
ঐকৈছি হৃদি মাঝারে,  
গুধু ছবি সাস্থনা কি  
পারে করিতে কখন ?

বটে পূর্ণিমার শশি  
হৃদয়ে রয়েছে পশি,  
তবু এলে অমানিশি  
পরাণ করে কেমন! ॥ ৪২ ॥

....

রাগিনী ভৈরবী—তাল আড়াঠেকা

ভুলি ভুলি মনে করি  
ভুলিতে পারিনে তারে!  
ক্ষণে ক্ষণে দেয় দেখা  
আসিয়ে হৃদিমাঝারে ;

এত সাধের ভালোবাসা,  
এত সাধের তত আশা,  
সকলি ফুরায়ে গেল  
হায় হায় একেবারে! ॥ ৫৭ ॥

রাগিনী ভৈরবী—তাল আড়াঠেকা

কেন রে হৃদয় কেন  
হয়েছ এত কাতর!  
সকলেতে স্পৃহাশূন্য,  
কাদিতেছ নিরন্তর!

ক্ষুধা, তৃষা, নিদ্রাহীন,  
দেহ, মন, প্রাণ ক্ষীণ,  
অন্তরে অনল লীন,  
তাপে মর্ম জ্বরজ্বর! ॥ ৫৮ ॥

রাগিনী বেহাগ—তাল তিওট

কেন মন হইল এমন!  
অকারণ সদা জ্বালাতন,

কিছুই লাগেনা ভালো  
প্রেম, স্নেহ, সুখ, আলো,  
প্রকৃতির শোভা বিমোহন ;

সে সব, সে সব নয়,  
যেন সব শূন্যময়,  
চারিদিক জ্বলন্ত দহন! ॥ ৬৩ ॥

....

রাগিণী বাগেত্রী—তাল আড়াঠেকা

এসেছি বা কোথা হতে  
এখানে আমি,  
কোথা করিব গমন?

হাসে খেলে বন্ধু ভাই,  
এই দেখি, এই নাই,  
কোথায় অদৃশ্য হস্ত  
করে আকর্ষণ?

তিমিরসংঘাতদ্বয়  
রুদ্ধেছে নয়নদ্বয়,  
কোনো মতে নাহি হয়  
দৃষ্টি প্রসারণ ;

নাহি জানি আদি অন্ত,  
মৃষা-ভ্রমে হয়ে ভ্রান্ত,  
কল্পনা-সাগরে পড়ে  
দিই সন্তরণ! ॥ ৮৩ ॥

....

রাগিণী ললিত—তাল কাওয়ালি

আহা কি মধুরতর  
সরল হৃদয়!  
অকপট আনন্দের  
নির্মল আলয় ;

চরাচর ত্রিসংসার  
সকলেই আপনার,  
স্বপনে জানে না কারে  
অবিশ্বাস কয় ;

জগতের কোন্ জ্বালা  
করেনাকো ঝালাপালা,  
সন্তোষের সুধাকর  
অন্তরে উদয়। ॥ ৯৬ ॥

রাগিণী ললিত—তাল আড়াঠেকা

বৃথায় ভ্রমিনে আর  
অসার প্রেমের আশে,  
হৃদয় প্রফুল্ল পদ্ম  
শান্তি-সুধারসে ভাসে ;

কিছুই যাতনা নাই,  
সদাই আনন্দ পাই,  
আমি যারে ভালোবাসি,  
সবে তারে ভালোবাসে! ॥ ৯৭ ॥

রাগিণী ললিত—তাল আড়াঠেকা

প্রণয় করেছি আমি  
প্রকৃতি-রমণী সনে,  
যাহার লাভ্যছটা  
মোহিত করেছে মনে ;

মুখ—পূর্ণ সুধাকর,  
কেশজাল—জলধর,  
অধর—পল্লব নব  
রঞ্জিত যেন রঞ্জনে ;

সমুজ্জ্বল তারাগণ,  
শোভে হীরকভূষণ,  
শ্বেত ঘন সুবসন  
উড়ে পড়ে সমীরণে ;  
বায়ুর প্রতি হিম্মোলে  
লতাগুলি হেলে দোলে,  
কৌতুকিনী কুতূহলে  
নাচে চঞ্চল চরণে ;



হেলিয়ে শুবক-ভরে  
মরি কত লীলা করে,  
পয়োধর ভারভরে  
ঢলে পড়ে ক্ষণে ক্ষণে

প্রফুল্ল কুসুমরাশি,  
অধরে উজ্জ্বল হাসি,  
বাজায় মধুর বাঁশি  
অলির সুধা-গুঞ্জনে ;

কমল নয়নে চায়,  
আহা কি মাধুরী তায় !  
মুনিমন মোহ যায়  
হেরিলে স্থির নয়নে ;  
পাখির ললিত তান,  
প্রাণপ্রিয়া গায় গান,  
উদাস করয়ে প্রাণ,  
সুধা বরষে শ্রবণে ;

যখন যথায় যাই,  
প্রকৃতিতো ছাড়া নাই,  
ছায়াসমা প্রিয়তমা  
সদা আছে সনে সনে !

তেমন সরল প্রাণ  
দেখিনি কারো কখনো,  
মৃদু-মধু-হাসি, যেন  
লেগে রয়েছে আননে !

হেরিয়ে তাহার মুখ  
অন্তরে পরম সুখ,  
নাহি জানি কোনো দুখ  
সদা তার সুসেবনে ;

ক্ষুধায় সুস্বাদু ফল,  
তৃষায় শীতল জল,  
যখন যা প্রয়োজন,  
জোগায় অতি যতনে ;

সাধের বসন্তকালে  
চাঁদের হাসির তলে  
নিদ্রা আকর্ষণ হলে  
চুলায় ধীরে ব্যঞ্জে ;

যাহাতে না হই দুখী,  
যাহাতে হইব সুখী,  
সর্বদাই বিধুমুখী  
আছে তার অশ্বেষণে !

(যথা যায় ভালোবাসা,  
পাছু পাছু ধায় আশা,  
ইহার কামনা নাই,  
ভালোবাসে অকারণে !

একান্ত সঁপেছে মন,  
সমভাব অনুক্ষণ,  
এত করিয়ে যতন  
করিবে কি অন্য জনে ?

যেমন রূপ লোভন,  
তেমনি গুণশোভন,  
এমন অমূল্য ধন  
কি আছে আর ত্রিভুবনে ! ॥ ৯৯ ॥

রাগিণী ললিত—তাল আড়াঠেকা

“সংগীত-শতক” প্রিয়ে !  
হল সমাপন !  
তব বিনোদন তরে  
ইহার রচন ;

বুঝিলে ইহার ভাব,  
পাইবে আমার ভাব,  
প্রেম, ধর্ম, প্রকৃতির  
হবে উদ্দীপন ;

যতই ডুবিয়ে যাবে,  
ততই আশ্বাস পাবে,  
নব নব ভাবরসে  
তৃপ্ত হবে মন ;

সুখ সুখ লোকে কয়,  
সুখ শুধু কথা নয়,  
পবিত্র প্রণয় জেনো  
তাহার কারণ ;

ভালো করে দেখো দেখো,  
অস্তুরেতে দৃষ্টি রাখো,  
সদয় সরল মনে  
করো অন্বেষণ !

যেখানে দেখিলে ছাই,  
উড়াইয়ে দেখো তাই !  
পেলেও পেতেও পার  
লুকানো রতন ;

অয়ি সহৃদয়া বালা  
কিন্নর-মধুর-গলা !  
হাসিমুখে গাও ভাই !  
জুড়াই শ্রবণ—  
শুনে জুড়াই শ্রবণ ।

“সংগীত-শতক” প্রিয়ে !  
হল সমাপন !

প্রথম সর্গ

উপহার

“গাগ্রেষু চন্দনরসো দ্বিশি শারেদ্রু  
রানন্দ এব হৃদয়ে।”  
—ভবভূতি

সর্বদাই হৃষ্ট করে মন,  
বিশ্ব যেন মরুৎর মতন ;  
চারিদিকে ঝালাপালা,  
উঃ কি জ্বলন্ত জ্বালা!  
অগ্নিকুণ্ডে পতঙ্গ পতন। ১

লোক-মাঝে দেঁতো-হাসি হাসি,  
বিরলে নয়ন-জলে ভাসি ;  
রজনী নিস্তরু হলে,  
মাঠে শুয়ে দুর্বাদলে,  
ডাক ছেড়ে কাঁদি ও নিশ্বাসি। ২

শূন্যময় নির্জন শ্মশান,  
নিস্তরু গস্তীর গোরস্থান,  
যখন যখন যাই  
একটু যেন তৃপ্তি পাই,  
একটু যেন জুড়ায় পরান। ৩

সুদুর্ভর হৃদয় বহিয়ে,  
কত যুগ রহিব বাঁচিয়ে!  
অগ্নিভরা, বিষভরা,  
রে রে স্বার্থভরা ধরা!  
কত আরো থাকিবি ধরিয়ে! ৪

কভু ভাবি ত্যেজে এই দেশ,  
যাই কোনো এ হেন প্রদেশ,  
যথায় নগর-গ্রাম  
নহে মানুষের ধাম,  
পড়ে আছে ভগ্ন-অবশেষ। ৫

গর্বভরা অট্টালিকা যায়,  
এবে সব গড়াগড়ি যায় ;  
বৃক্ষ-লতা অগণন  
ঘেরে করে আছে বন,  
উপরে বিষাদবায়ু বায়। ৬

প্রবেশিতে যাহার ভিতরে,  
ক্ষীণ প্রাণী নরে ত্রাসে মরে ;  
যথায় শ্বাপদদল  
করে ঘোর কোলাহল,  
ঝিল্লি সব ঝিঝি রব করে। ৭

তথা তার মাঝে বাস করি,  
ঘুমাইব দিবা-বিভাবরী ;  
আর করে করি ভয়,  
ব্যাঘ্রে সর্পে তত নয়,  
মানুষ জন্তুকে যত ডরি। ৮

কভু ভাবি কোনো ঝরনার,  
উপলে বঙ্কব যার ধার ;  
প্রচণ্ড প্রপাত-ধ্বনি,  
বায়ুবেগে প্রতিধ্বনি  
চতুর্দিকে হতেছে বিস্তার ;— ৯

গিয়ে তার তীরতরু তলে,  
পুরু পুরু নখর শ্বাঙ্গলে,  
ডুবাইয়ে এ শরীর,  
শবসম রব স্থির  
কান দিয়ে জল-কলকলে। ১০

যে সময় কুরঙ্গীগণ,  
সবিস্ময়ে ফেলিয়ে নয়ন,  
আমার সে দশা দেখে,  
কাছে এসে চেয়ে থেকে,  
অশ্রুজল করিবে মোচন ;— ১১

সে সময়ে আমি উঠে গিয়ে,  
তাহাদের গলা জড়াইয়ে,  
মৃত্যুকালে মিত্র এলে,  
লোকে যেম্নি চক্ষু মেলে,  
তন্মিতর থাকিব चाहিয়ে। ১২

কভু ভাবি সমুদ্রের ধারে,  
যথা যেন গর্জে একেবারে  
প্রলয়ের মেঘ-সংঘ ;  
প্রকাণ্ড প্রকাণ্ড ভঙ্গ  
আত্রমিছে গর্জিয়া বেলারে। ১৩

সম্মুখেতে অসীম, অপার,  
জলরাশি রয়েছে বিস্তার ;  
উত্তাল তরঙ্গ সব,  
ফেনপুঞ্জ ধবধব,  
গন্ডগোলে ছোটো অনিবার। ১৪

মহা বেগে বহিছে পবন,  
যেন সিঙ্ক-সঙ্গে করে রণ ;  
উভে উভ প্রতি ধায়,  
শব্দে ব্যোম ফেটে যায়,  
পরস্পরে তুমুল তাড়ন। ১৫

সেই মহা রণ-রঙ্গস্থলে,  
ভ্রক হয় বসিয়ে বিরলে,  
(বাতাসের ছুঁ রবে,  
কান বেশ ঠান্ডা রবে ;)   
দেখিগে, শুনিগে সে সকলে। ১৬

যে সময়ে পূর্ণ সুধাকর  
ভূবিবেন নির্মল অম্বর,  
চন্দ্রিকা উজ্জলি বেলা  
বেড়াবেন করে খেলা,  
তরঙ্গের দোলার উপর ; ১৭

নিবেদিব তাঁহাদের কাছে,  
মনে মোর যত খেদ আছে ;  
শুনি, নাকি মিত্রবরে,  
দুখের যে অংশী করে,  
হাঁপ ছেড়ে প্রাণ তার বাঁচে।

কভু ভাবি পল্লিগ্রামে যাই,  
নাম-ধাম সকল লুকাই ;  
চাষিদের মাজে রয়ে,  
চাষিদের মতো হয়ে,  
চাষিদের সঙ্গেতে বেড়াই। ১৯

প্রাতঃকালে মাঠের উপর,  
শুদ্ধ বায়ু বহে ঝঝঝঝ,  
চারিদিক মনোরম,  
আমোদে করিব শ্রম ;  
সুস্থ-স্মৃতি হবে কলেবর। ২০

বাজাইয়ে বাঁশের বাঁশরি,  
সাদা-সোজা গ্রাম্য গান ধরি,  
সরল চাষার সনে,  
প্রমোদ-প্রফুল্ল মনে  
কাটাইব আনন্দে সর্বরী। ২১

বরষার যে ঘোরা নিশায়,  
সৌদামিনী মাতিয়ে বেড়ায় ;  
ভীষণ বজ্রের নাদ,  
ভেঙে যেন পড়ে ছাদ,  
বাবু সব কাঁপেন কোঠায় ; ২২

সে নিশায় আমি ক্ষেত্র-তীরে,  
নড়বড়ে পাতার কুটীরে,  
স্বচ্ছন্দে রাজার মতো  
ভূমে আছি নিদ্রাগত ;  
প্রাতে উঠে দেখিব মিহিরে। ২৩

বৃথা হেন কত ভাবি মনে,  
বিনোদিনী কল্পনার সনে ;  
জুড়াইতে এ অনল,  
মৃত্যু ভিন্ন অন্য জল  
বুঝি আর নাই এ ভুবনে! ২৪

দ্বিতীয় সর্গ  
নারীবন্দনা

“इयम् गौ लक्ष्मीरियममृतवर्तिर्नयनयोः”  
—ভবভূতি

জগতের তুমি জীবিত রূপিণী,  
জগতের হিতে সতত রতা ;  
পুণ্য তপোবন সরলা হরিণী,  
বিজন কানন কুসুম-লতা। ১

পূরণিমা চারু চাঁদের কিরণ,  
নিশার নীহার, উষার আলা,  
প্রভাতের ধীর শীতল পবন,  
গগনের নব নীরদ-মালা। ২

প্রেমের প্রতিমে, স্নেহের সাগর  
করুণা নিঝর, দয়ার নদী,  
হত মরুময় সব চরাচর,  
না থাকিতে তুমি জগতে যদি। ৩

নাহি মণিময় যে রাজপ্রাসাদে  
তোমার প্রতিমা বিরাজমান,



সে যেন মগন রয়েছে বিষাদে,  
হাঁ হাঁ করে যেন শূন্যে শ্মশান। ৪

অধিষ্ঠান হলে কুঁড়ে'র ভিতরে,  
কুঁড়েখানি তবু সাজেগো ভালো ;  
যেন ভগবতী কৈলাস শিখরে,  
বসিয়ে আছেন করিয়ে আলো। ৫

নাহিকো তেমন বসন-ভূষণ,  
বাকল-বাসনা দুখিনী বালা ;  
করে দুই গাছি ফুলের কাঁকন  
গলে একগাছি ফুলে মালা। ৬

কোলে শুয়ে শিশু ঘুমায়ে ঘুমায়ে,  
আধ আধ কিবে মধুর হাসে !  
স্নেহে তার পানে তাকায়ে তাকায়ে,  
নয়নের জলে জননী ভাসে। ৭

যদি এই তব হৃদয়ের ধন,  
আচরিতে আজি হারানো যায় ;  
ঘোর অন্ধকার হের ত্রিভুবন,  
আকাশ ভাঙিয়ে পড়ে মাথায়। ৮

এলোকেশে ধাও পাগলিনী প্রায়,  
চেয়ে পথে পথে বিহুল মনে ;  
খুঁজি পাতি পাতি না পেলে বাছায়,  
কাঁদিয়ে বেড়াও গহন বনে। ৯

পুন যদি পাও বহুদিন পরে,  
হারানো রতন নয়ন-তারার ;  
ভাস একেবারে সুখের সাগরে,  
স্নেহরস ভরে পাগলপারা। ১০

করণাময়ী গো আজি মা কেমন,  
হরষ উদয় তোমার মনে !  
নাহিকো এমন পরম পাবন ;

অমরাবতীর বিনোদ-বনে। ১১

যেমন মধুর স্নেহে ভরপুর,  
নারীর সরল উদার প্রাণ ;  
এ দেব-দুর্লভ সুখ সুমধুর,  
প্রকৃতি তেমতি করেছে দান। ১২  
আমরা পুরুষ, পুরুষ নীরস,  
নহি অধিকারী এ হেন সুখে ;  
কে দিবে ঢালিয়ে সুধার কলস,  
অসুরের ঘোর বিকট মুখে। ১৩

হৃদয় তোমার কুসুম কানন,  
কত মনোহর কুসুম তায় ;  
মরি চারিদিকে ফুটেছে কেমন,  
কেমন পাবন সুবাস বায়! ১৪

নীরবে বহিছে সেই ফুলবনে,  
কিবে নিরমল প্রেমের ধারা ;  
তারকা খচিত উজ্জল গগনে,  
আভ্যময় ছায়াপথের পারা! ১৫

আননে, লোচনে, কপোলে, অধরে,  
সে হৃদি-কানন কুসুমরাশি  
আপনা-আপনি আসি থরে থরে,  
হইয়ে রয়েছে মধুর হাসি। ১৬

অমায়িক দুটি সরল নয়ন,  
প্রেমের কিরণ উজ্জলে তায় ;  
নিশান্তের শুক্তারার মতন,  
কেমন বিমল দীপতি পায়! ১৭

অয়ি ফুলময়ী প্রেমময়ী সতী,  
সুকুমারী নারী, ত্রিলোক-শোভা,  
মানস বঙ্গল কানন ভারতী,  
জগজন-মন নয়নলোভা! ১৮

তোমার মতন সুচারু চন্দ্রমা,  
আলো করে আছে আলয় যার ;

সদা মনে জাগে উদার সুষমা,  
রণে বনে যেতে কি ভয় তার! ১৯

করম ভূমিতে পুরুষ সকলে,  
খাটিয়ে খাটিয়ে বিকল হয় ;  
তব সুশীতল প্রেমতরুতলে,  
আসিয়ে বসিয়ে জুড়িয়ে রয়। ২০

তুমি গো তখন কতই যতনে,  
ফল-জল আনি সমুখে রাখ ;  
চাহি মুখপানে স্নেহের নয়নে,  
সহাস আননে দাঁড়িয়ে থাক। ২১

ননির পুতুল শিশু সুকুমার,  
খেলিয়ে বেড়ায় হরষে হেসে ;  
কোনো কিছু ভয় জনমিলে তার,  
তোমারি কোলেতে লুকাই এসে। ২২

স্ববির-স্ববির জনক-জননী,  
তুমি স্নেহময়ী তাঁদের প্রাণ ,  
রাখ চোকে চোকে দিবস রজনী,  
মুখে মুখে কর আহার দান। ২৩

নবীনা নন্দিনী কেশ, এলাইয়ে,  
রূপেতে উজ্জলি বিজলী হেন ;  
নয়নের পথে দুলিয়ে দুলিয়ে,  
সোনার প্রতিমে বেড়ায় যেন। ২৪

রোগীর আগার, বিষাদে আঁধার,  
বিকার-বিহুল রোগীর কাছে,  
পাখাখানি হাতে করি অনিবার,  
দয়াময়ী দেবী বসিয়ে আছে। ২৫

নাই আগামূল কত বকে ভুল,  
শুনে উড়ে যায় তরাসে প্রাণ ;  
হেরি ছলুছল হৃদয় ব্যাকুল,  
নয়নের নীরে ভাসে বয়ান। ২৬

সতত যতন, সদা ধ্যান-জ্ঞান,  
কীরূপে সেজন হইবে ভালো ;  
বিপদের নিশি হবে অবসান,  
প্রকাশ পাইবে তরুণ আলো। ২৭

দুখীর বালক ধুলায় ধূসর,  
ক্ষুধায় আতুর, মলিন মুখ ;  
ডাকিয়া বসাও কোলের উপর,  
আঁচলে মুছাও আনন-বুক। ২৮

পরম করুণ জননীর মতো,  
ক্ষীর-সর-ছানা-নবনী আনি,  
মুখে তুলে দাও আদরিয়ে কত ;  
গায়েতে বুলাও কোমল পাণি। ২৯

স্নেহরসে তার গলে যায় প্রাণ,  
অচলা ভকতি জনমে চিতে ;  
ভেসে ভেসে আসে জলে দু-নয়ান,  
পদধূলি চায় মাথায় দিতে। ৩০

আহা কৃপাময়ী, এ জগতীতলে,  
তুমিই পরমা পাবনী দেবী ;  
প্রাণীরা সকলে রয়েছে কুশলে,  
তোমার অপার করুণা সেবি! ৩১

তুমি যারে বাম, সেই হতভাগা,  
দুনিয়ায় তার কিছুই নাই ;  
একা-ভেকা হয়ে বেড়ায় অভাগা,  
ঘুরে ঘুরে মরে সকল ঠাই। ৩২

হিমালয়ে অসি করি যোগাসন,  
প্রেমের পাগল মহেশ ভোলা ;  
ধেয়ান তোমারি কমল চরণ,  
ভাবে গদগদ মানস খোলা। ৩৩

নিশীথ সময়ে আজো ব্রজবনে,  
মদনমোহন বেড়ান আসি ;  
কালিন্দীর কূলে দাঁড়ায়, সখনে ;  
রাধা রাধা বলে বাজান বাঁশি। ৩৪

শুনিয়ে কানুর বেণুর সে রব,  
দিগঙ্গনাগণ চকিত হয় ;  
ফল ফুলে সাজে তরু-লতা সব,  
যমুনার জল উজ্জান বয়। ৩৫

কোকিল কুহরে, ভ্রমর গুঞ্জে,  
সুধীর মলয় সমীর বায় ;  
যেন পাগলিনী গোপিনী নিকরে,  
শ্যাম কালোশশী হেরিতে ধায়। ৩৬

না হেরি সেথায় সে নীল কমলে,  
নেহারে সকলে বিকল মনে  
চরণ-প্রতিমা রয়েছে ভূতলে,  
বাজিছে নুপুর সুদূর বনে। ৩৭

আহা অবলায় কী মধুরিমায়,  
প্রকৃতি সাজায় বলিতে নারি !  
মাধুরী মালায় মনের প্রভায়,  
কেমন মানায় তোমায় নারী! ৩৮

মধুর তোমার ললিত আকার,  
মধুর তোমার সরল মন ;  
মধুর তোমার চরিত উদার,  
মধুর তোমার প্রণয়-ধন। ৩৯

সে মধুর ধন বরে যেইজনে,  
অতি সুমধুর কপাল তার ;  
ঘরে বসি, করে পায় ত্রিভুবনে,  
কিছুরি অভাব থাকে না আর! ৪০

অয়ি মধুরিমে, লোচন-পূর্ণিমে!  
সমুখে আমার উদয় হও;  
আঁকি আঁখানি তোমার প্রতিমে,  
স্থির হয়ে তুমি দাঁড়ায়ে রও। ৪১

মনের, দেহের চেহারা তোমার,  
ভেবে ভেবে আজ হইব ভোর,

আচম্বিতে এক আসিবে আমার,  
আধ ঘুম ঘুম নেশার ঘোর। ৪২

ঢলু ঢলু সেই নেশার নয়নে  
যেমতি মুরতি স্ফুরতি পাবে,  
আপনা-আপনি হৃদি দরপণে  
তেমতি আদরা পড়িয়া যাবে। ৪৩

টানিব তখন খাড়া হয়ে উঠে,  
আদরা-মাফিক দু-চারি রেখা ;  
সাজাইয়ে রং ত্রিভুবন ঘুঁটে ;  
দেখিব কেমন হইল লেখা। ৪৪

বাঁচিতে প্রার্থনা নাহিকো আমার,  
যে কদিন বাঁচি তবুগো নারী!  
উদার-মধুর মুরতি তোমার,  
যেন প্রাণভোরে আঁকিতে পারি! ৪৫

তৃতীয় সর্গ

সুরবালা

“ন প্রভাতরলং জ্যোতিরুদৈতি  
বসুধাতলান্।”  
—কালিদাস

একদিন দেব তরুণ তপন,  
হেরিলেন সুরনদীর জলে ;  
অপরূপ এক কুমারী রতন,  
খেলা করে নাল-নলিনীদলে। ১

বিকশিত নীল কমল আনন,  
বিলোচন নীল কমল হাসে,  
আলো করে নীল কমল বরণ  
পুরেছে ভুবন কমল-বাসে। ২

তুলি তুলি নীল কমল কলিকা,  
ফুঁ দিয়ে ফুটায় অফুট দলে ;  
হাসি হাসি নীল নলিনী বালিকা,  
মালিকা গাঁথিয়ে পরিছে গলে। ৩

লহরী লীলায় নলিনী দোলায়,  
দোলেতে তাহায় সে নীলমণি ;  
চারিদিকে অলি উড়িয়ে বেড়ায়,  
করি গুনু গুনু মধুর ধ্বনি। ৪

অঙ্গুরী কিম্বরী দাঁড়াইয়ে তীরে,  
ধরিয়ে ললিত করুণ তান ;  
বাজায় বাজায়ে বীণা ধীরে ধীরে,  
গাহিছে আদরে স্নেহের গান। ৫

চারিদিক দিয়ে দেবীরা আসিয়ে,  
কোলেতে লইতে বাড়ান কোল ;  
যেন অপরূপ নলিনী হেরিয়ে,  
কাড়াকাড়ি করি করেন গোলা। ৬

তুমিই সে নীল নলিনী সুন্দরী,  
সুরবালা সুর-ফুলের মালা ;  
জননীর হৃদি-কমল উপরি,  
হেসে হেসে বেশ করিতে খেলা!

হরিণীর শিশু হরষিত মনে,  
জননীর পানে যেমন চায় ;  
তুমিও তেমন বিকচ নয়নে,  
চাহিয়ে দেখিতে আপন মায়। ৮

আহা, তাঁর ভাবী আশার অম্বরে,  
বিরাজিতে রামধনুর মতো ;  
হেরিয়ে তোমায়, মনের ভিতরে,  
না জানি আনন্দ পেতেন কত! ৯

আচম্বিতে হায় ফুরাল সকল,  
ফুরাল জীবন ফুরাল আশা ;

হারায়ে জননী নন্দিনী বিহুলা,  
ভাঙিল তাহার স্নেহের বাসা! ১০

ঠিক তুমি তাঁর জীয়ন্ত প্রতিমা,  
জগতে রয়েছে বিরাজমান ;  
তেমনি উদার রূপের মহিমা  
তেমনি মধুর সরল প্রাণ। ১১

তেমনি বরণ, তেমনি নয়ন,  
তেমনি আনন, তেমনি কথা ;  
ধরায় উদয় হয়েছে কেমন,  
অমৃত হইতে অমৃতলতা! ১২

শ্যামল বরন, বিমল আকাশ ;  
হৃদয় তোমার অমরাবতী ;  
নয়নে কমলা করেন নিবাস,  
আননে কোমলা ভারতী সতী। ১৩

সীতার মতো সরল অন্তর,  
দ্রৌপদীর মত রূপসী শ্যামা ;  
কালো রূপে আলো করি চরাচর,  
কে গো এ বিরাজে মুণ্ডখা বামা! ১৪

বালিকার মতো ভোলা খেলা মন,  
বালিকার মতো বিহীন লাজ ;  
সকলেরে ভাবে ভেয়ের মতন,  
নাহিকো বসন ভূষণ গাজ। ১৫

কিবে অমায়িক বদনমণ্ডল,  
কিবে অমায়িক নয়ন-গতি ;  
কিবে অমায়িক বাসনা সকল,  
কিবে অমায়িক সরল মতি! ১৬

কথা কহে দূরে দাঁড়ায়ে যখন,  
সুরপুরে যেন বাঁশরি বাজে ;  
আলুথালু চূলে করে বিচরণ,  
মরিগো তখন কেমন সাজে! ১৭



মুখে বেশি হাসি আসে যে সময়,  
করতল তুলি আনন ঢাকে ;  
হাসির প্রবাহ মনে মনে বয়,  
কেমন সরেস দাঁড়ায়ে থাকে! ১৮

চটকের রূপে মন চটা যার,  
শোকে-তাপে যার কাতর প্রাণী ;  
বিরলে ভাবিতে ভালো লাগে তার,  
এ নীল নলিনী প্রতিমাখানি। ১৯

প্রভুত্বের মহা বাসনাসকল,  
নাচাইতে আর নারে যে জনে ;  
যশ-জাদুমন্ত্রে হইতে বিহুল,  
শরম জনমে যাহার মনে ; ২০

নট-নাটশালা এই দুনিয়ায়,  
কিছুই নূতন ঠ্যাকেনা যারে,  
কালের কুটিল কলোল মালায়,  
যাহা ঘটে যায় সহিতে পারে ; ২১

কেবল যাহার সরল পরানে,  
ঘোচেনি পাবন প্রেমের ঘোর ;  
প্রণয়া পরম দেবতার ধ্যানে,  
বসিয়ে রয়েছে হইয়ে ভোর ; ২২

তাহারি নয়নে ও রূপমাধুরী,  
যমুনা-লহরী বহিয়ে যায় ;  
স্বপনে হেরিছে যেন সুরপুরী,  
রসভরে মন পাগলপ্রায়। ২৩

সুরবালা! মম সখা সহৃদয়,  
হেরিয়ে তোমায় পাগল হেন ;  
ভূতলে হেরিলে চাঁদের উদয়,  
চকোর পাগল হবেনা কেন? ২৪

সহসা মানস্ তামস মন্দিরে,  
বিকশিল এক নূতন আলো ;

ভেদ করি অমানিশার তিমিরে,  
প্রাচী দিশা যেন হইল লাল। ৭৩

প্রকাশ পাইল সে আলো মালায়,  
অমরাবতীর বিনোদ বন ;  
কত অপরূপ তরু শোভে তায়,  
চরে অপরূপ হরিণীগণ। ৭৪

বিমলসলিলা নদী মন্দাকিনী,  
দুলে দুলে যেন মনোরি রাগে ;  
ভাঁজি কুলুকুলু মধুর রাগিনী,  
খেলা করে তার মেখলাভাগে। ৭৫

নিরিবিল এক তীরতরুতলে,  
সে সুররূপসী উদাস প্রাণে ;  
বসিয়ে কোমল নব দুর্বাদলে,  
চাহিয়ে আছেন লহরীপানে। ৭৬

বাম করতলে কপোল-কমল,  
আকুল কুন্তলে আনন ঢাকা ;  
নয়নে গড়িয়ে বহে অশ্রুজল,  
পটে যেন স্থির প্রতিমা আঁকা। ৭৭

অঙ্গুর ওড়না ভূতলে লুটায়,  
লুটায় কবরী-কুসুমমালা ;  
পারিজাত-হার ছিড়েছে গলায়,  
গলে পড়ে করে রতনবালা। ৭৮

ঘুমায় অদূরে বীণা-বিনোদিনী,  
বাঁধা আছে সুর, বাজে না তান ;  
এই কতক্ষণ যেন এ মানিনী,  
গাহিতেছিলেন খেদের গান। ৭৯

ঝরে ঝরে পড়ে তরু থেকে ফুল,  
ঠেকে ঠেকে গায় ছড়িয়ে যায় ;  
মধুকরকুল আকুল-ব্যাকুল,  
গুনুগুনু রবে উড়ে বেড়ায়। ৮০

স্বভাব-সুন্দর চাকু কলেবরে,  
বিকশে সুধমা কুসুম-রাজি ;  
সুরসীমস্তিনী অভিমানভরে,  
কেমন মধুর সেজেছে আজি! ৮১

মধুর তোমার ললিত আকার,  
মধুর তোমার চাঁচর কেশ ;  
মধুর তোমার পারিজাত-হার,  
মধুর তোমার মানের বেশ! ৮২

চোকের উপরে সব শূন্যময়,  
কাঁদিয়ে উঠিছে আপনি প্রাণ ;  
ভাবে ভেরে ভেরে ডুবিছে হৃদয়,  
ধীর নীরে যেন ডুবিছে যান। ৯৭

জ্ঞান-বলে প্রবোধিয়ে বার বার,  
বাঁধিলেন তুলে ডোবান বুক ;  
সে অবধি আহা সখার আমার,  
বিষণ্ণ হইয়ে রয়েছে মুখ! ৯৮

না জানি বিখ্যাত আরো কতদিনে  
হেরিব সখার মুখেতে হাসি!  
সে সুর-ললনা কলপনা বিনে,  
কে বাজাবে প্রাণে ভোরের বাঁশি: ৯৯

ললিত রাগেতে গলিবে পরান,  
উথুলে উঠিবে হৃদয়-মন ;  
বিষাদের নিশা হবে অবসান  
ফুটিয়ে হাসিবে কমল-বন! ১০০

তুমিই সুরবালা! সে সুররমণী,  
উষারানী হৃদি-উদয়াচলে;  
সখা-শক্তিশেল-বিশলাকরণী,  
মৃতসঞ্জীবনী ধরণীতলে। ১০১

## সমুদ্রদর্শন

“বিজ্ঞোবিবাস্ত্যানবধাণীয়-

দীর্ঘকৃতয়া রূপমিত্তয়া বা”

—কালিদাস

একি এ, প্রকাণ্ড কাণ্ড সম্মুখে আমার!  
অসীম আকাশপ্রায় নীল জল-রাশি ;  
ভয়ানক তোলপাড় করে অনিবার,  
মুহূর্তেকে যেন সব ফেলিবেক গ্রাসি। ১

আণ্ড-পাছু কোটি কোটি কি কল্লোল-মালা!  
প্রকাণ্ড পর্বত সব যেন ছুটে আসে ;  
উঃ কি প্রচণ্ড রাব! কানে লাগে তালা,  
প্রলয়ের মেঘ যেন গরজে আকাশে। ২

তুলার বস্তুর মতো ফেনা রাশি রাশি,  
তরঙ্গের সঙ্গে সঙ্গে চারিদিকে ধায় ;  
রাশি রাশি সাদা মেঘ নীলাশ্বরে ভাসি,  
ঝড়ের সঙ্গেতে যেন ছুটিয়া বেড়ায়। ৩

সমীরণ এমন কোথাও হেরি নাই,  
ঝরঝর নিরন্তর লাগে বুক-মুখে ;  
ব্রহ্মাণ্ডের বায়ু যেন হয়ে একঠাঁই,  
ক্রমাগত আসে আজি মম অভিমুখে। ৪

উড়িতেছে ফেনা সব বাতাসের ভরে,  
ঝকঝকে বড় বড় আয়নার মতন ;  
আহা মরি ও সবার ভিতরে ভিতরে,  
এক এক ইন্দ্রধনু সেজেছে কেমন! ৫

যেন এরা সসঙ্ঘমে শূন্যে বেড়াইয়া,  
দেখিতেছে জলধির তুমুল তাড়ন ;  
যেন সব সুরনারী বিমানে চাপিয়া,  
ভয়ে ভয়ে হেরিছেন দেবাসর-রণ। ৬

ফরফর-নিশান চলেছে পোতশ্রেণি,  
টলমল-ঢলঢল, তরঙ্গ দোলায় ;  
হাসিমুখী পরী সব আলুথালু বেণী  
নাচন্তু ঘোড়ায় চড়ে যেন ছুটে যায়। ৭

আপনার মনে ওহে উদার সাগর।  
গড়ায়ে গড়ায়ে তুমি চলেছ সদাই ;  
প্রাণীদের কলরবে গোরা চরাচর,  
কিন্তু তব কিছুতেই ক্রম্পেপ নাই। ৮

আহা সদাশয় সাধু উদার অন্তরে,  
থাকেন আপন ভাবে আপনি মগন !  
জনতার কলকলে তাঁহার কি করে ?  
প্রয়োজন জগতের মঙ্গল সাধন। ৯

কেন তুমি পূর্ণিমার পূর্ণ সুধাকরে,  
হেরে যেন হয়ে পড়ি বিহুলের প্রায়,  
ফুলে ওঠে কলেবর কোন রসভরে,  
হৃদয় উথুলে কেন চারিদিকে ধায় ? ১০

অথবা কেনই আমি সুধাই তোমায়,  
কর না অমন হয় প্রিয় দরশনে ;  
ভালোবাসা এ জগতে কারে না মাতায়  
সুখের সামগ্রী হেন কি আছে ভুবনে ? ১১

যখন পূর্ণিমা আসি হাসি হাসি মুখে,  
উথল হৃদয়-পরে দেয় আলিঙ্গন ;  
তখন তোমার আর সীমা নাই সুখে,  
আত্মায়ে নাচিতে থাক খেপার মতন। ১২

বড়ই মুজার মিত্র পবন তোমার ;  
তরঙ্গের সঙ্গে তার রঙ্গ নানা তর ;

গলা ধরাধরি করি ফিরি অনিবার,  
টলে টলে ঢলে ঢলে খেলে মনোহর। ১৩

বেলার কুসুম বনে পশিয়ে কখন,  
সর্বাস্ত ভূর্ভূরে করে তার পরিমলে,  
ভারে ভারে আনে ফুল চিকন চিকন।  
আদরে পরায়ে দেয় তরঙ্গের গলে। ১৪

হয়তো হঠাৎ মেতে ওঠে ঘোরতর,  
তরঙ্গের প্রতি ধায় অসুরের-প্রায় ;  
ভয়ানক দাপাদাপি করে পরস্পর ;  
পরস্পর ঘোর ঘোষে বিশ্ব ফেটে যায়। ১৫

তব কোলাহলময় কল্লোলের মাজে,  
ছোট ছোট দ্বীপ সব বড় সুশোভন ;  
যেন কলরব-পূর্ণ মানব-সমাজে,  
আপনার ভাবে ভোর এক-একজন। ১৬

কোনটিতে নারিকেল তরু দলে দলে,  
হালিগেথে দাঁড়ায়েছে মাথায় মাথায় ;  
তাহাদের মনোহর ছায়াময় তলে,  
ধবল ছাগল সব চরিয়া বেড়ায়। ১৭

কারো পরে ঘেরে আছে ভয়ংকর বন,  
করিছে স্থাপদ সংঘ মহা কোলাহল,  
নিরন্তর ঝর ঝর নির্ঝর পতন,  
প্রতিশব্দে পরিপূর্ণ গগন মণ্ডল। ১৮

কোনোটির তীরভূমে জলস্থল জুড়ে,  
জাগিছে কঠোরমূর্তি প্রকাণ্ড ভূধর ;  
ঝাড়া হয়ে উঠে গেছে মেঘরাশি ফুঁড়ে,  
দাঁড়াইয়ে যেন কোন দৈত্য ভয়ংকর। ১৯

কেহ যদি উঠি তার সূচ্যত্র শিখরে,  
হেঁট হয়ে দেখে তব তুমুল ব্যাপার,  
না জানি কি হয় তার মনের ভিতরে!  
কে এমন বীর, বুক নাহি কাঁপে যার? ২০

কোনোটি বা ফলফুলে অতি সুশোভন,  
নন্দন কানন যেন স্বর্গে শোভা পায় ;  
সজোগ করিতে কিন্তু নাহি লোকজন,  
বিধবা-যৌবন যেন বিফলেতে যায়। ২১

পর্যটক অগ্নিবৎ মরুভূমি মাজে,  
বিষম বিপাকে পড়ে চারিদিকে চায়,  
দূরে দূরে তরুণ্য ওয়েসিস সাজে,  
প্রাণ বাঁচাবার তরে ধৈর্যে যায় তায়। ২২

তেমনি তোমার তোড়ে পড়িয়া যাহারা,  
পোতভগ্ন জলমগ্ন ব্যাকুল পরান ;  
তরঙ্গের ঝাপটেতে ভয়ে জ্ঞানহারী ;  
তাদের এসব দ্বীপ আশ্রয়ের স্থান। ২৩

তোমারি হৃদয়ে রাজে ইংলন্ড দ্বীপ,  
হরেছে জগৎ-মন যাহার মাধুরী,  
শোভে যেন রক্ষকুল উজ্জ্বল প্রদীপ  
রাবণের মোহিনী কনক লঙ্কাপুরী। ২৪

এ দেশেতে রঘুবীর বেঁচে নাই আর,  
তঁার তেজোলক্ষ্মী তঁার সঙ্গে তিরোহিতা।  
কপটে অনাসে এসে রাক্ষস দুর্বীর,  
হরিয়াছে আমাদের স্বাধীনতা-সীতা। ২৫

হা হা মাত, আমরা অসার কুসন্তান,  
কোন প্রাণে ভুলে আছি তোমার যজ্ঞা।  
শত্রুগণ ঘেরে সদা করে অপমান,  
বিবাদে মলিনমুখী সজলনয়না! ২৬

যেন তুমি তপোবন-বাসিনী হরিণী,  
দৈবাৎ পড়েছ গিয়ে ব্যাঘ্রের চাতরে,  
ধুক ধুক করে বুক, থরথর প্রাণী,  
সতত মনেতে ত্রাস কখন কি করে। ২৭

দাঁড়ায়ে তোমার তটে হে মহাজলধি,  
গাহিতে তোমার গান, এল একি গান ;

যে জ্বালা অন্তর মাঝে জ্বলে নিরবধি,  
কথায় কথায় প্রায় হয় দীপ্যমান। ২৮

গড়াও গড়াও তুমি আপনার মনে!  
কাজ নাই শুনে এই গীত খেদময়,  
তোমার উদার রূপ হেরিয়ে নয়নে,  
জুড়াক এ অভাগার তাপিত হৃদয়! ২৯

ধরাধামে তব-সম কেহ নাহি পারে,  
বিস্ময়-আনন্দরসে আলোড়িতে মন ;  
অখিল ব্রহ্মাণ্ড আছে তোমার ভাণ্ডারে,  
নিসর্গের তুমি এক বিচিত্র দর্পণ। ৩০

কোথাও ধবলাকার কেবল বরফ,  
কোথাও তিমিরময় দেদার আঁধার,  
কোথাও জ্বলন-জ্বালা জ্বলে দপ্ দপ্  
সকল স্থানেই তুমি অনন্ত অপার। ৩১

কলের জাহাজে চড়ে মানব সকলে,  
দম্ভভরে চোকে আর দেখিতে না পায় ;  
মনে করে তোমারে এনেছে করতলে,  
যা খুশি করিতে পারে, কিছু না ডরায়। ৩২

কিন্তু তব ক্রক্ষেপের ভর নাহি সয় ;  
একমাত্র অবস্থার কটাক্ষ ইঙ্গিতে,  
একেবারে ত্রিভুবন হেরে শূন্যময়,  
কাত হয়ে শুয়ে পড়ে জাহাজ-সাইতে। ৩৩

চতুর্দিকে তরঙ্গের মহা কোলাহলে,  
ওঠে মাত্র আর্তনাদ দুই-একবার ;  
যেমন ঝড়ের সঙ্গে ওঠে বনস্থল,  
ডয়াকুল কুররীর কাতর চিৎকার। ৩৪

একবার মাত্র ভুড় ভুড় করে,  
মূহূর্তে মিলায়ে যায় বুদ্ধদের প্রায় ;  
মাটির পুতুল চড়ে ভেলার উপরে,  
জনমের মতো হয় রসাতলে যায়। ৩৫



পুরাকালে তব তটে কত কত দেশ,  
ঐশ্বর্য-কিরণে বিশ্ব করেছিল আলো ;  
যেমন এখন পরি মনোহর বেশ,  
কত দেশ বেলাভূমে সেজে আছে ভালো। ৩৬

দেবের দুর্লভ লঙ্কা, ভূস্বর্গ দ্বারকা,  
কালের দুর্জয় যুদ্ধে হয়েছে নিধন ;  
আলো করে ছিল রাত্রে যেসব তারকা,  
ক্রমে ক্রমে নিবে তারা গিয়েছে এখন। ৩৭

কিন্তু সেই সর্বজয়ী মহাবল কাল,  
যার নামে চরাচর কাঁপে থরথরি ;  
আপনার জয়চিহ্ন, যুগে চিরকাল  
দাগিতে পারেনি তব ললাট-উপবি। ৩৮

সত্যযুগে আদি মনু যেমন তোমায়  
হেরেছেন, হেরিতেছি আমিও তেমন ;  
কাল তব সঙ্গে শুধু গড়ায়ে বেড়ায়,  
জাহির করিতে নারে বিক্রম আপন। ৩৯

না জানি ঝড়ের কালে হে মহাসাগর,  
কর যে কি ভয়ানক আকার ধারণ।  
প্রলয়-প্রকৃপ্ত সেই মূর্তি ভয়ংকর,  
ভেবে বিচলিতপ্রায় হইতেছে মন। ৪০

যতই তোমার ভাব ভাবি হে অন্তরে,  
ততই বিশ্বয়রসে হই নিমগন ;  
এমন প্রকাশ কাণ্ড যাহার উপরে,  
না জানি কি কাণ্ড আছে ভিতরে গোপন! ৪১

আজি যদি আসি সেই মুনি মহাবল,  
সহসা সকল জল শোষেন চুষ্মকে ;  
কি এক অসীমত গভীর অতল,  
আচম্বিতে দেখা দেয় আমার সমুখে। ৪২

কি ঘোর গর্জিয়া ওঠে প্রাণী লাখেলাখ।  
কি বিষম ছটফট ধড়ফড় করে!

হঠাৎ পৃথিবী যেন ফাটিয়া দোঁকাই,  
সমুদায় জীবজন্তু পড়েছে ভিতরে। ৪৩

কোলাহলে পুরে গেছে অখিল সংসার ;  
জীবলোক-দেবলোক চকিত স্থগিত ;  
আর্তনাদে-হাহাকারে আকাশ বিদায়,  
সমস্ত ব্রহ্মাণ্ড যেন বেগে বিলোড়িত। ৪৪

আমি যেন কোনো এক অপূর্ব পর্বতে,  
উঠিয়া দাঁড়ায়ে আছি সর্বোচ্চ চূড়ায় ;  
বালুময় ঢালুভাগ পদমূল হতে  
ক্রমাগত নেমে গিয়ে মিশেছে তলায়। ৪৫

ধুধু করে উপত্যকা অতল-অপার,  
অসংখ্য দানব যেন তাহার ভিতরে,  
করিতেছে হুড়াহুড়ি যোর মুষ্ণুমার ;  
মরিয়া হইয়া যেন মেতেছে সমরে। ৪৬

ফেরোগো ও পথ থেকে কল্পনা-সুন্দরী,  
ওই দেখো যাদকুল নিতান্ত আকুল,  
ঠায় মারা যায় ওরা মরুর উপরি,  
হেরে কি অন্তর তব হয়নি ব্যাকুল? ৪৭

সেই মহাজলরাশি আনো ত্বরা করে,  
ঢেকে দাও এই মহামরুর আকার ;  
অমৃত বর্ষিয়া যাক ওদের উপরে ;  
শান্তিতে শীতল হোক সকল সংসার! ৪৮ .

এই যে দাঁড়ায়ে পুন সেই কিনারায়!  
বহিছে তরঙ্গরঙ্গে সেই জলরাশি!  
উদার সাগর দাও বিদায় আমায়!  
আজিকার মতো আমি আসি তবে আসি! ৪৯

## নভোমণ্ডল

“অ্যাপ্য স্থিতে রোদসী।”

—কালিদাস

ওহে নীলোজ্জ্বল রূপ গগন মণ্ডল,  
অমেয় অনন্ত কাণ্ড, প্রকাণ্ড আকার ;  
ব্রহ্মের অণুর অর্ধ ঋণ্ড অবিকল,  
গোল হয়ে ঘেরে আছ মম চারিধার। ১

তব তলে, এ গভীর নিশীথ সময়,  
দেখো পড়ে আছি এই ছাতের উপরে ;  
জগৎ নিদ্রাভিভূত, শুদ্ধ সমুদয়,  
ভৌ ভৌ করে দশদিক, পবন সঞ্চরে। ২

হেরিলে তোমার রূপ নিশীথ নির্জনে,  
অপূর্ব আনন্দরসে উথলে হৃদয় ;  
তুচ্ছ করি নিদ্রা আর প্রিয়া প্রিয়ধনে,  
আসিয়াছি তাই আমি হেথা এ সময়। ৩

অসংখ্য অসংখ্য তারা চোকের উপর,  
প্রান্তরে খদ্যোত যেন জ্বলে দলে দলে ;  
স্থানে স্থানে দীপ্তি দেয় নক্ষত্র নিকর,  
কত স্থানে কত মেঘ কতভাবে চলে। ৪

হালিগাঁথা ছায়াপথ, গোচ্ছা সেলিহার,  
তোমার বিশাল বক্ষে সেজেছে উচিত ;  
যেন এক নিরমল নির্ঝরের ধার,  
সুবিস্তৃত উপত্যকা-বক্ষে প্রবাহিত। ৫

শূন্যে শূন্যে মেঘমালা নাচিয়ে বেড়ায়,  
চঞ্চলা চপলামালা তব নৃত্যকরী ;  
যেন মানসরোবর লহরী লীলায়,  
উল্লাসে সন্তরে সব অলকাসুন্দরী। ৬

কোথা সে চন্দ্রমা তব শির-আভরণ,  
পবিত্র প্রেমের যিনি স্পষ্ট প্রতিরূপ,

জগৎ জুড়ায় যাঁর শীতল কিরণ,  
যাঁর সুধা লোলে সদা চকোরী লোলুপ! ৭

ধরণী দুখিনী আজি তাঁর অদর্শনে,  
ভুঙ্ক হয়ে বসিয়ে আছেন মৌনবতী ;  
ঢেকেছেন সর্ব অঙ্গ তিমির বসনে,  
প্রিয় পতি অদর্শনে সুখী কোন সতী? ৮

প্রাতঃকালে ভ্রমি আমি প্রান্তরের মাজে,  
আরক্ত অরুণছটা করিতে লোকন,  
চক্রাকার বৃক্ষাবলি চারিদিকে সাজে,  
তোমায় মস্তক পরে করিয়া ধারণ। ৯

সে সময় শোভা তব ধরে না ধরায়,  
শ্যামাঙ্গ ছুরিত হয় রতন কাঞ্চনে ;  
বলাকা নিকটে গিয়ে চামর ঢুলায়,  
নলিনী নিরখে রূপ সহাস আননে। ১০

তোমার মেঘের ছায়া দিবা দ্বিপ্রহরে,  
গঙ্গার তরঙ্গে মিশে সাজে মনোরম ;  
শ্বেত, নীল পদ্মদল যেন একস্তরে ;  
অযথা স্থানেতে যেন যমুনা-সঙ্গম। ১১

বিকালে দাঁড়ায়ে নীল জলধর শিরে,  
তোমার ললিত বালা ইন্দ্রধনু সতী ;  
থামায় সাস্থনা করে বাদল বৃষ্টিরে,  
প্রেম যেন শান্ত করে ত্রোদোদ্ধত পতি। ১২

কেতু তব দেখা দেয় কখন কখন,  
মনোহরা অপরূপা শল্পকী আকারা ;  
মুখখানি দীপ্তিমান তারার মতন,  
সর্বাস্থে মুকুতাময়ী ফোয়ারার ধারা। ১৩

চতুর্দিকে মহা মহা সমুদ্রসকল,  
লাফায়ে লাফায়ে ওঠে লঙেঘ জলধরে ;  
তোলপাড় করে করে ঘোর কোলাহল,  
তোমার কাছেতে যেন ছেলেখেলা করে। ১৪

ঘোর-ঘর্ঘর-গর্জ, উদগ্র অশনি,  
বেগভরে করে যেন ব্রহ্মাণ্ড বিদার,

দীপ্ত হয়ে ছুটে আসে দহিতে অবনি,  
কিন্তু সে নমিয়ে তোমা করে নমস্কার। ১৫

তোমার প্রকাশ ভাণ্ড অনন্ত উদরে,  
প্রকাশ প্রকাশ গ্রহ বোঁবোঁ করে ধায়,  
কিন্তু যেন তারা সব অগাধ সাগরে,  
মাছের ডিমের মতো ঘুরিয়া বেড়ায়। ১৬

কত স্থানে কত কত সমীর সাগর,  
নিরন্তর তরঙ্গিয়ে হুহু করে ;  
আবারি প্রগাঢ় নীলে তব কলেবর,  
তাকায় রয়েছে যেন প্রলয়ের তরে। ১৭

মানুষের বুদ্ধিবেগ বিদ্যুতের ছটা,  
তোমার মণ্ডলচক্রে ঘোরে চক্রাকারে ;  
ভেদ করে দুর্ভেদ্য তিমির ঘোর ঘটা,  
যা এসে সম্মুখে পড়ে, কাটে স্বরধারে ; ১৮  
কিন্তু সে যখন ধায় ভেদিতে তোমায়,  
পুনঃ পুনঃ ধাক্কা খেয়ে আসে পিছু হটে ;  
বুদ্ধি থাকে একতর বিপত্তির-প্রায়,  
অতি সূক্ষ্ম কাটিতে উন্মাদ ঘোটে ওঠে ১৯

অহো কি আশ্চর্য কাণ্ড তোমার ব্যাপার !  
ভাবিয়ে করিতে নারি কিছুই ধারণা ;  
এ বিশ্বে কিছুই নাই তাদৃশ প্রকার,  
কেবল ঈশ্বরসহ সুস্পষ্ট তুলনা। ২০

ঈশ্বরের ন্যায় তুমি সূক্ষ্ম নিরাকার,  
বিশ্বব্যাপী, বিশ্বাধার, বিশ্বের কারণ ;  
ঈশ্বরের ন্যায় সব ঐশ্বর্য তোমার,  
অথচ কিছুই নও ঈশ্বর যেমন। ২১

## রামচন্দ্র

“সমানা: স্বর্যাতা: সপতি সহৃদীজীবিতমমা:”

—কালিদাস

যখন সকলে ত্যজে গেল ক্রমে ক্রমে,  
শোক নিবারিতে নাহি পারি কোনোক্রমে।  
বিষাদ বারিদজ্বাল সুখ সুধাকরে  
ডুবাইয়ে রেখেছিল তিমির সাগরে।  
কেহ যেন যমালয়ে লইয়ে আমায়,  
ফেলে দিয়েছিল তপ্ত তেলের কড়ায়।  
মস্তক তুলিতে হয় সভয় অন্তর,  
লক্ষ্মান লৌহগদা ঘোরে ঘরঘর।  
অহহ কি ভয়ানক নরক ব্যাপার!  
বিষম জ্বলন-জ্বালা নিতান্ত দুর্ব্বার।  
কে করে সাঙ্ঘনা, রাম, তুমি রে তখন,  
হয়েছিলে বহু অংশে মম বিনোদন।  
সংস্কৃত কবিদের কি কাব্য-মাধুরী,  
সুধা-রস-ধারাবাহী রচনাচাতুরী!  
কে বলে গো দেবলোকে বীণা বাজে ভালো,  
শচীর হৃদয়ে রাজে পারিজাত-মাল।  
সরলতা-গুণে গাঁথা অমৃতের ফুল,  
এ মালার ত্রিভুগতে নাই সমতুল।  
বায়ুভরে মধু ক্ষরে, গন্ধে ভরভর,  
কোকিল কুহরে, কিবে ঝংকারে ভ্রমর।  
দেখিলে-শুনিলে দ্রব কঠিন পাষণ,  
প্রফুল্ল হইয়ে ওঠে শোকাকুল প্রাণ।  
তুমি সেই কাব্য লয়ে নিকটে বসিতে,  
মধুর গম্ভীর স্বরে পড়িয়ে যাইতে।  
শুনিয়া সন্তোষে পূর্ণ হইত হৃদয়,

দূরে যেত শোক-তাপ, শাস্তির উদয়।  
বড় খুশি হই আমি, ছাত্র পেলে ভালো,  
তুমি তাই ছিলে, ছিলে নয়নের আলো।

জননী, জনমভূমি, সবে মুখে বলে,  
কাজে কিন্তু কটা লোক সেই পথে চলে  
জন্মভূমি থাক্, জন্ম যাহার উদরে,  
মানুষ হয়েছি যাঁর কোলে খেলা করে ;  
আমার ব্যারামে হয় যাঁর উপবাস,  
হেরিলে মুখেতে হাসি যাঁর মুখে হাস ;  
ক্রন্দন শুনিলে যাঁর কৈদে ওঠে প্রাণ,  
কি করেন, কোথা যান, কত হান্ফান্ ;  
কোলে করি কত সুখ হয় যাঁর মনে,  
কথা শুনি স্নেহ-অশ্রু বহে দুনয়নে ;  
কেলেকিষ্টি, বিত্তী, ঘোর বিকট আকার,  
গরবিনী ভামিনীর দু-চক্ষের বার,  
সকলেই চটে যায় দেখিলেই ছাঁদ,  
সেও হয় যাঁর কাছে পূর্ণিমার চাঁদ ;  
রূপ-গুণ ধন-মান কিছু কাজ নাই,  
প্রাণে বেঁচে থাক বাচ্ছ, শুধু এই চাই ;  
এমন পরম ধন, জগতের সার,  
প্রাণ দিয়ে শোধ নাহি যায় যাঁর ধার,  
তাঁহাকেই আজকাল লোকে বড় মানে,  
মানের বদলে স্ত্রীর বাদী করে আনে।  
বাবু হয়েছেন রাজা, বিবি রাজারানী,  
ছোট-ছোট দাসী হোক দুখিনী জননী!  
আরোরে দুরাশা, মদে হয়েছ মাতাল,  
বিবি কি রাখিবে তোর ইহ-পরকাল?  
অবশ্য আছেন বহু হেন ভাগ্যধর,  
ধরেন জননীপদ মন্তক উপর!  
অবশ্য স্বীকার করি দুই-একজন,  
ধরেন জীবন জন্মভূমির কারণ।  
জননী জনমভূমিসম মাতৃভাষা,  
যতকিছু মঙ্গলের তাঁর প্রতি আশা।  
তাঁহার মঙ্গলে হবে দেশের মঙ্গল,  
তাঁর অমঙ্গলে হবে দেশে অমঙ্গল।  
যত তাঁর প্রতি শ্রদ্ধা হইবে সঞ্চার,  
যত তাঁর আলোচনা হইবে প্রচার,  
ততই প্রবোধ-সূর্য হইবে উদয়,

ততই জনমভূমি হবে আলোময়।  
 এই তত্ত্ব, সার তুমি বুঝেছিলে রাম,  
 মাতৃভাষা সাধনা করিতে অবিশ্রাম।  
 কৃষ্ণি, কাশী, ভারত, মুকুন্দ মহাকবি,  
 একেছেন যেসকল মনোহর ছবি,  
 সেগুলি তোমার ছিল নয়নে নয়নে ;  
 বাণী যেন বিহরেন কমল কাননে।  
 সাগরসমুদ্র রত্ন, অক্ষয় ভাণ্ডার,  
 কেহ বলে অপরাধ, কেহ কদাকার,  
 কিন্তু তুমি কর নাই কভু অযতন ;  
 বঙ্গের সকলি তব আদরের ধন।  
 বাংলা পুস্তকে ছিল অত্যন্ত মমতা,  
 দুর্দশা দেখিলে তার বুকে পেতে ব্যথা।  
 ধুলা ঝেড়ে, কোলে করে হতে হরষিত,  
 ছেলে কোলে করে যেন পিতা প্রফুল্লিত।

স্বদেশের নারীদের অদৃষ্টের দোষে,  
 পড়েছে তাহারা সবে বাগ্‌দেবীর রোষে।  
 মুর্থতা তিমিরে মন ঘোর অন্ধকার,  
 চারিদিকে ভ্রান্তি-সিদ্ধ অকুল পাথার।  
 ধ্বংস-হিংসা-কলহের তরঙ্গ ভীষণ,  
 উদ্বেগ-সন্তাপ বহে প্রচণ্ড পবন,  
 ঘোরতর অন্তর্গত বিজ্ঞান মিহির,  
 কি কর্তব্য, কি করিছে, কিছু নাই স্থির।  
 সেদিন, কি শুভ দিন হইবে উদয়,  
 যেদিনে তাদের মন হবে আলোময় !  
 একেবারে নিবে যাবে কচকচি কলহ,  
 পরিবারে পরস্পরে হবে প্রীতি-ম্নেহ।  
 সকলেই সকলের হিতে দিবে মন,  
 অহিতের প্রতীকারে করিবে যতন।  
 সকলেরি মুখে হাসি, খুসি মন প্রাণ,  
 মহানন্দে সারদার গাবে গুণগান।  
 কোথাও ললিত বালা অচল নয়নে,  
 নতমুখে শিল্প-কর্মে আছে একমনে।  
 কোথাও জননী লয়ে কুমারী-কুমার,  
 শিখান সহজে কত কথা সার-সার।  
 কোথাও যুবতী সতী প্রাণপতি সনে,  
 আছেন কবিতামৃতরস আশ্বাদনে।  
 বিনোদিনী বিদ্যার হইলে অধিষ্ঠান,



আহা সেই স্থান কিবে হয় শোভমান !  
 যেদিন কল্পনা-পথে করি বিলোকন,  
 পরম আনন্দে আমি হতেছি মগন;  
 সেদিনে তোমার ছিল সবিশেষ লক্ষ্য,  
 তার অনুষ্ঠানে হতে সর্বথা স্বপক্ষ।  
 যখন যা প্রয়োজন সেই বহি নিয়ে,  
 বেড়াইতে বামাদের বাড়ি বাড়ি দিয়ে।  
 ইহাতে সহিতে হত কতই লাঞ্ছনা,  
 ঘরে-পরে পিতৃ-স্থানে বিবিধ গঞ্জনা।  
 তবু স্বদেশীয় ভগ্নীগণের শিক্ষায়,  
 কভু আমি ভগ্নোৎসাহ দেখিনি তোমায়।  
 যাদের তেজস্বী মন খাঁটি পথে ধায়,  
 তারা কি দৃকপাত করে ওসব কথায়?  
 যাক মান, যাক প্রাণ, নাই প্রয়োজন,  
 অবশ্যই করা চাই কর্তব্য সাধন।

মানিতে আমারে তুমি গুরুর মতন,  
 করিতে মিত্রের মতো প্রীতি প্রদর্শন।  
 বিপদে সহায় ছিলে, দুখী ছিলে দুখে,  
 সম্পদে সমৃদ্ধ সখা, সুখী ছিলে সুখে।  
 দেখিলে ন্যায়ের কাব্য প্রশংসা করিতে,  
 অন্যায়-অঙ্কুরমাত্রে বিরুদ্ধ হইতে।  
 ছেলেবেলা হয় নাই বিদ্যা-আলোচনা,  
 উদ্ধত ব্যাভার ছিল তোমার তখন।  
 কিন্তু কভু মজ নাই, অসৎ আচারে।  
 পরমন্দ-পরদেষ নেশা বাভিচারে।  
 অবশ্যই মনে ছিল মহত্বের মূল,  
 নহিলে সময়ে কভু ফোটে কি সে ফুল?  
 শুধু বিদ্যা শুধু নয় মহত্ব-সাধন,  
 যার যে প্রকৃতি, ঠিক সে হয় তেমন।  
 স্বভাব হইলে সৎ বিদ্যার প্রভায়,  
 সকলের সুখকর শুভ শোভা পায়।  
 অসৎ হইলে, সৎ বলি বা কেমনে,  
 ভুজঙ্গ-মন্তক-মণি শোভে তো কিরণে।  
 চটকেতে ভুলে যারা কাছে যায় তার,  
 ছোপলে ছোপলে শেষে প্রাণে বাঁচা ভার।  
 তোমার প্রকৃতি ছিল স্বভাবসুন্দর,  
 পড়েছিল বিদ্যালোক তাহার উপর;

তাহাতেই হয়েছিল অতি মনোরম,  
 শীলতা-নম্রতা-দয়া ছিল অনুপম।  
 শেষে করি শৈশবের ঔদ্ধত্য সংহার,  
 আহা কিবে হয়েছিল নম্র ব্যবহার!  
 পাদপে ধরিলে ফল,  
 নীরদে পুরিলে জল,  
 নত হয়ে রয় কিবে শোভা মনোহর,!  
 গুণ-বিদ্যাভারভরে,  
 মানবে বিনম্র করে,  
 হেরে তারে সকলের জুড়ায় অন্তর।  
 বাঁচিয়ে থাকিলে তুমি বংশ হত আলো,  
 এ দেশের, এ জাতির ঢের হত ভালো!  
 হা হা প্রিয়গণ, অলক্ষণ সুখ দিয়ে,  
 প্রণয়-পবিত্র-প্রভা প্রকাশ করিয়ে,  
 অরুণ উদয়ে তারাগণের মতন,  
 যৌবন উদয়ে সবে হলে অদর্শন!  
 জগতের জ্বালা হতে পেয়ে অবসর,  
 নিদ্রিত রয়েছ মহানিদ্রার ভিতর।  
 তোমাদের পক্ষে এবে সম সমুদয়,  
 প্রলয়েতে বিশ্ব যেন হয়েছে বিলয়।  
 কিবা ঘোরতর বজ্র-নিদাদ ভীষণ,  
 কিবা সুমধুরতর বীণার বাদন,  
 কিবা প্রজ্জ্বলিত দিনকর খরজ্যোতি,  
 কিবা পূর্ণশশধর-নির্মল-মালতী,  
 কিবা বিদ্যুতের খেলা নীরদ মণ্ডলে,  
 কিবা কমলের শোভা ঢল ঢল জলে,  
 কিবা সাধুদের মুখে প্রশংসার গান,  
 কিবা নিন্দুকের তুণে বিবে শানা বাণ,  
 কিবা প্রিয় বান্ধবের শোক-হাহাকার,  
 কিবা শত্রু শকুনির সানন্দ চিৎকার;  
 কিছুই এখন আর অনুভূত নয়;  
 প্রলয়েতে বিশ্ব যেন হয়েছে বিলয়!  
 হায়রে মনের সাধ মনেই রহিল,  
 বসন্ত মুকুল জাল আতপে দহিল!

## বিরাগ

### দ্বিতীয় সর্গ

"O, God! O, God  
How weary, stale, flat, and unprofitable  
Seem to me all the uses of this world  
Fie on't! O, fie! 't is an unweeded garden,  
That grows to seed, things rank and gross in  
nature  
Possess it merely."

—সেক্সপিয়র

হায় রে সাধের প্রেম কত খেলা খেল,  
মানুষে কোথায় তুলে কোথা নিয়ে ফেল!  
প্রথমে যখন এলে সমুখে আমার,  
কেমন সুন্দর বেশ তখন তোমার!  
হাসি হাসি মুখখানি কথা মধুময়,  
গলিল মজিল মন, খুলিল হৃদয়!  
যত দেখি ততই দেখিতে সাধ যায়,  
যত শুনি ততই শুনিতে মন চায়।  
ভুবিয়াছি শেন আমি সুধার সাগরে,  
আসিয়াছি রতনের লুকানো আকরে।  
আহা কিবে ভাগ্যোদয়, ভালো ভালো ভালো!  
হাসিয়ে চাহিয়ে দেখি চারিদিক আলো।  
লতা সব নৃত্য করে, ফুল সব হাসে,  
সুখের লহরীমালা খেলে চারিপাশে।  
পাখি সব সুললিত স্বরে ধরে তান,  
মনের আনন্দে গায় প্রণয়ের গান।  
মেদুর সমীর হরি কুসুম সৌরভ,  
বেড়াইছে প্রণয়ের বাড়ায় গৌরব।

চারিদিকে যেন সব চারু ইন্দ্রধনু,  
 বিলসে প্রেমের প্রিয় রসময়ী তনু।  
 ও তো নয় প্রভাতের অরুণের ছটা,  
 অভিনব প্রণয়ের অনুরাগ-ঘটা।  
 প্রণয় প্রণয় বই আর কথা নাই,  
 হায়রে প্রণয়, তোর বলিহারি যাই।  
 যাহা কই, প্রণয়ের কথা পড়ে এসে,  
 যাহা ভাবি, প্রণয়ের ভাবে যাই ভেসে।  
 ঘুমায়ে স্বপনে দেখি প্রণয়ের রূপ,  
 জাগিয়ে নয়নে দেখি প্রেম-প্রতিরূপ।  
 প্রেম ধ্যান, প্রেম জ্ঞান, প্রেম প্রাণ, মন,  
 প্রেমে জন্যেতে যেন রয়েছে জীবন।  
 যেথা যাই, দিয়ে যাই প্রেমের দোহাই,  
 যাহা গাই, প্রণয়ের গুণগান গাই।  
 হৃদয়ে বিরাজ করে প্রেমের প্রতিমা,  
 শ্রবণে সঞ্চরে সদা প্রেমের মহিমা।  
 পূর্ণিমার মনোহর পূর্ণ সুধাকরে,  
 প্রেমেরি লাবণ্য যেন আছে আলো করে।  
 মেঘের হৃদয়ে নয় বিজলীর খেলা,  
 ঝলমল প্রণয়ের হাবভাব হেলা।  
 সূর্য বল, চন্দ্র বল, বল তারাগণ,  
 এরা নয় জগতের দীপ্তির কারণ ;  
 প্রেমের প্রভায় বিশ্ব প্রকাশিত রয় ;  
 তাই তো প্রেমের প্রেমে মজেছে হৃদয় !  
 হেরিয়ে তোমায় প্রেম ! হারালেম মন,  
 তুমিও মাহেন্দ্রক্ষণ পাইলে তখন।  
 ধীরে ধীরে বিস্তারিয়ে মোহিনী মায়ায়,  
 জালে-গাঁথা পাখি যেন, করিলে আমায়।  
 নড়িবার-চড়িবার আর যো নাই,  
 তুমিই যা কর, আমি যেচে করি তাই।  
 লয়ে গেলে সঙ্গে করে সেই উপবনে,  
 সুখের কানন যারে ভাবিতেম মনে।  
 যথায় নখর তরু সরস লতায়,  
 পরস্পরে আলিঙ্গয়ে সদা শোভা পায়।  
 যথায় ময়ূর নাচে ময়ূরীর সনে,  
 কোকিল-কোকিলা গায় বসি কুঞ্জবনে।

ভ্রমর-ভ্রমরী ধরি গুণুগুণু তান,  
 দূরে এক ফূলে বসি করে মধুপান।  
 কুরঙ্গিণী নিমীলনয়না রসভরে,  
 কৃষ্ণসার কণ্ঠে তার কণ্ঠয়ন করে।  
 মলয় অনিল বসি কুসুম-দোলায়,  
 সৌরভ সুন্দরী কোলে, দোলে দুজনায়।  
 অদূরে শ্যামল ক্ষুদ্র গিরির গহ্বরে,  
 উথলি বিমল জল ঝরঝর ঝরে।  
 ক্ষুদ্র ক্ষুদ্র ধারা তার ঐক্যেবৈকে গিয়ে,  
 কত ক্ষুদ্র উপদ্বীপ রেখেছে নির্মিয়ে।  
 প্রতি দ্বীপে পাতা আছে কেমন শোভন,  
 মিশ্রিত পল্লব নব কুসুম-আসন!  
 চৌদিকের দুর্বাময় হরিৎ প্রান্তরে,  
 উষার উজল ছবি ঝলমল করে।  
 মাজে মাজে রাজে তার শ্বেত শিলাতল,  
 গুড়ি গুড়ি পড়ে তাহে ফোয়ারার জল।  
 কোথাও রয়েছে ব্যোপে কাশের চামর,  
 যেন পাতা ধপ্পে পশমি চাদর।  
 কোথাও ভ্রমরমালা উড়ে দলে দলে,  
 মেঘভ্রম জনমায় অশ্বরের তলে ;  
 কোথাও কুসুমরেণু উড়িয়ে বেড়ায়।  
 বনশ্রীর ওড়না যেন বাতাসে উড়ায় ;  
 যেদিকে চাহিয়ে দেখি ভুলায় নয়ন,  
 মরি কিবে মনোহর সুখ ফুলবন!

এমন সুন্দর সেই সুখের কাননে,  
 কাটাতে ছিলেম কাল নির্জনে দুজনে।  
 আমোদে-প্রমোদে ভোর, কত হাসিখেলি,  
 কত ভালোবাসাবাসি কত মেলামেলি।  
 পরস্পর পরস্পর হৃদয়-তোষণে,  
 নিরন্তর কত মত যত্ন প্রাণপণে।  
 দেখিলে কাহারো কেহ বিরস বয়ান,  
 অগ্নি যেন একেবারে ফেটে যেত প্রাণ।  
 হরিষ হেরিলে হরষের সীমা নাই,  
 হাত বাড়াইলে যেন স্বর্গ হাতে পাই।  
 কোথাও পাইলে কিছু মনের মতন,  
 করিতেম তব করে আদরে অর্পণ।

এক ফুল ঠিকিতেম লয়ে পরস্পরে,  
 এক ফল খাইতেম, মুখামুখি করে।  
 জলে গিয়ে পড়িতেম দিতেম সাঁতার,  
 লুকাচুরি ঝাপাঝাপি এপার-ওপার।  
 হেরিতেম ময়ূরের নৃত্য অপরূপ,  
 তুলিতেম লতা-পাতা-ফুল কতরূপ।  
 যাইতেম ক্ষুদ্র দ্বীপে বিকেলবেলায়,  
 বসিতেম সুকোমল কুসুম-শয্যায়।  
 চারিদিকে জলধারা গায় ধীরে ধীরে,  
 শরীর জুড়ায় যায় শীতল সমীরে।  
 ফুলের রেণুর সঙ্গে জলের শীকর,  
 বিন্দু বিন্দু পড়ে এসে মুখের উপর।  
 পশ্চিমেতে ঢল ঢল দিনকর ছটা,  
 জরদ পাটল রক্ত রঞ্জনের ঘটা।  
 কিরণের ফুলকাটা নীরদমণ্ডলে,  
 যেন সব স্বর্ণপদ্ম ভাসে নীল জলে।  
 কোনোদিন মনোহর নিশীথসময়,  
 যে সময় পূর্ণশশী অন্ধরে উদয়,  
 অন্তরীক্ষ রত্নময়, দিশ আলোময়,  
 বনভূমি হাস্যময়, বায়ু মধুময়,  
 প্রকৃতি লাবণ্যময়, ধরা শাস্তিময়,  
 রসময় ভাবভরে, উথলে হৃদয় ;  
 সে সময় প্রান্তরের নব দুর্বাদলে,  
 বেড়াতেম, বসিতেম শ্বেত শিলাতলে ;  
 কহিতেম মনকথা নিমগন,  
 কথায় কথায় খুলে যেত প্রাণ-মন ;  
 দুজনেই গদগদ, ধরিতেম ভান,  
 গাহিতেম গলা ছেড়ে প্রণয়ের গান।  
 ভাবিতেম স্বর্গসুখ লোকে কারে বলে,  
 এর চেয়ে আরো সুখ আছে কোন স্থলে ?  
 হায়রে সাধের প্রেম তখন তোমার,  
 যেন খুলে দিয়েছিলে হৃদয়ভাণ্ডার !  
 যেন তুমি আমার নিতান্ত অনুরাগী,  
 পরান পর্যন্ত দিতে পার মোর লাগি।  
 সুখে দুখে চিরকাল রবে অনুগত,  
 হবে না থাকিতে প্রাণ প্রভু অন্য মতো

আদরে আদরে, কত যতনে যতনে  
 রাখিবে হৃদয়ে করি সুখ ফুলবনে।  
 সে সব কোথায়, ছিছি কেবল কথায়,  
 প্রেম রে এখন তুমি উবেছ কোথায়!  
 কোথা সেই সোহাগের সুখ-উপবন,  
 চকিতে ফুরায়ে গেল সাধের স্বপন।  
 বিবম বিকট এ যে বিপর্যয় স্থান,  
 অহো কি কঠোর কষ্ট, ওষ্ঠাগত প্রাণ।  
 চারিদিকে কাঁটাবন বাড়ে অনিবার,  
 ঝোপে ঝোপে মরা পশু পচে কদাকার।  
 পশিছে বিটকেল গন্ধ নাকের ভিতরে,  
 পড়িছে পূজের বৃষ্টি মাথার উপরে।  
 আচম্বিতে জন্তু এক বিকট আকার,  
 ঝাঁপিয়ে আসিয়ে, বুক চিরিয়ে আমার,  
 হৃৎপিণ্ড ছিড়ে নিয়ে প্রখর নখরে,  
 গুজড়িয়ে ধরে আছে অগ্নির ভিতরে।  
 জীবিত, কি মৃত আমি আমি জানি নাই,  
 শূন্যময় ভিন্ন কিছু দেখিতে না পাই ;  
 হায়রে সাধের প্রেম কত খেলা খেল,  
 মানুষে কোথায় তুলে কোথা নিয়ে ফেল!

## অশ্বেষণ

চতুর্থ সর্গ

“ধন্যানাং গিরিকন্দরোদরধ্রুবি  
 জ্যোতিঃ, পরং ধ্যায়তাং  
 স্মানন্দাপ্তজলং পিबन्ति শাকুনা  
 নিঃশঙ্কমঙ্কুরা স্থিতাঃ।  
 অস্মাকন্তু মনোরথো-  
 পরিচিৎপ্রাসাদবাপীতট-  
 ক্রীড়াকাননকলিমণ্ডপজুষা-  
 মাযুঃ পরং ক্ষীয়গে ॥”  
 শীতুনমিশ্র

ওহে প্রেম, প্রেম! তুমি থাকহে কোথায়,  
 কোথা গেলে বলো তব দেখা পাওয়া যায়?

গিরিতলে উপত্যকা শোভে মনোহর,  
 তরুলতা গুল্ম-তুণে শ্যামল সুন্দর।  
 ছড়ানো গড়ানো, যেন ভঙ্গ অঙ্গ ঢালা ;  
 দূরে দূরে ঘেরে আছে তুঙ্গ শৃঙ্গমালা।  
 চারিদিক নীরব, নিস্তব্ধ সমুদয়,  
 সন্তোষের চিরস্থির নির্জন আলয়।  
 যথায় প্রকৃতি দেবী সহাস আননে,  
 সাজায়েছে ধরণীতে বিবিধ ভূষণে।  
 ভূমে পাতা লতাপাতা কুসুম শয্যায়,  
 চঞ্চল অনিল শুয়ে গড়ায়ে বেড়ায়।  
 নির্ঝর সকল স্বচ্ছ সলিল উগরে,  
 তারস্বরে প্রকৃতির জয়ধ্বনি করে।  
 যথায় শান্তির মূর্তি সর্বত্র প্রকাশ,  
 সেই স্থানে তুমি কিহে করিতেছ বাস?  
 গহনে আছেন বসি মহা যোগীগণ,  
 স্বাস্থ্যবলয়িত দেহ, নিটোল গঠন।  
 পৃষ্ঠে পার্শ্বে তরঙ্গিত তাম্রবর্ণ জটা,  
 তপ্ত কাঞ্চনের মতো অঙ্গরাগ ছটা।  
 প্রভাজালে বনভূমি যেন আলোময়,  
 সাক্ষাৎ ধর্মের মূর্তি ধরায় উদয়।  
 প্রফুল্ল মুখমণ্ডল, নির্মল নয়ন,  
 অধরে উজ্জ্বল হাসি ভাসিছে কেমন!  
 তাঁহাদের অন্তরের আনন্দের মাজে,  
 আলো করি তোমারি কি মুরতি বিরাজে?  
 দুর্বাদলে শ্যামায়িত বিস্তীর্ণ প্রান্তর,  
 নির্মল পবন তাহে বহে নিরন্তর!  
 মধ্যস্থলে মনোহর নিকুঞ্জ কানন,  
 পাতায়-লতায় ঘেরা, তাঁবুর মতন।  
 শ্বেত পীত নীল কালো পাথুর লোহিত  
 নানা বর্ণ কুসুমের স্তবকে রাজিত।  
 যেন আবরিত চারু ফোলার মখমলে,  
 যেন রত্নরূপে নানা মণিশ্রেণি জ্বলে।  
 ভিতরে বসিয়ে কত পাখি করে গান,  
 সে গানে মিশিয়ে কিহে সেথা অবস্থান?  
 সরোবরে সঞ্চারিত লহরী লীলায়,  
 সুন্দরী নলিনীমালা নাচিয়ে বেড়ায়!



মধুভরে রসভরে তনু টলমল,  
 সৌরভ গৌরবভরে করে ঢল ঢল।  
 হাসি হাসি মুখ সব অরুণে হেরিয়ে,  
 হৃদয়ের আবরণ পড়িছে এলিয়ে।  
 যৌবনের মদে যেন বামা মাতোয়ারা,  
 এলোথেলো দাঁড়ায়ে দুলিছে পরী পারা।  
 তুমি কিহে সমীরের ছলে ধেয়ে ধেয়ে,  
 বেড়াও তাদের মুখে চুমো খেয়ে খেয়ে?

গোলাপ কুসুম সব বিকেলবেলায়,  
 ফুটে আছে গাছে গাছে ডগায় ডগায়।  
 রূপসীর কপোলের আভার মতন,  
 আভায় ভুলায়ে মন হাসিছে কেমন।  
 সাধুদের সুকার্যের সুবাসেব সম,  
 সুমধুর পরিমল বহে মনোরম।  
 ভূমিভাগ শোভাময়, দিকগন্ধময়,  
 সে শোভা সৌরভে কিহে তোমার নিলয়?

পূর্ণিমায় পূর্ণশশী বিরাজে আকাশে,  
 সুধাময় ত্রিভুবন নিরমল ভাসে।  
 ধরায় নিস্তব্ধ দেখে কতই উল্লাস,  
 প্রফুল্ল বদনে তাঁর মৃদু মৃদু হাস।  
 তুমি কি মিশিয়ে সেই হাসির ছটায়,  
 সুধা হয়ে গড়িয়ে পড়িছ ধরায়?

চকোর-চকোরী মরি দু-পারে দু-জনে,  
 চাহিছে তাঁদের পানে সতৃষ্ণ নয়নে।  
 জুড়াইতে তাহাদের বিরহ-দহন,  
 সুধাকর করে মুখে সুধা বরষণ।  
 চক্রবাক মিথুনের হয়ে অশ্রুজল,  
 ভাসাইছ তাহাদের হৃদয়-কমল?

বেল-জুই ফুটে সব ধপধপ করে ;  
 অনিলের সঙ্গে সঙ্গে সুগন্ধ সঞ্চরে।  
 তুমি কি সে সকলের দলের উপর,  
 শুয়ে আছ গায়ে দিয়ে চন্দ্রিকা-চাদর?

রূপের অমূল্য মণি নবীন যৌবন,  
 চাকভাঙা ঢল ঢল মধুর মতন,  
 যেন সদ্য ফুটে আছে শ্বেত শতদল,

নির্মল স্ফটিক জল যেন টলমল।  
পঙ্কের কাজের মতো তকতক করে,  
তুমি কি ঝাপায়ে পড় তাহার উপরে?

রসের লহরী ধায় তরল নয়নে,  
চঞ্চলা চপলা যেন খেলে নবঘনে।  
তুমি কি দোলায়ে গলে কুবলয় মালা,  
নয়ন-তরঙ্গে কর লুকাচুরি খেলা?

প্রফুল্ল অধরে কিবে মৃদু মৃদু হাস,  
প্রসন্ন বদনে কিবে মধু মধু ভাষ!  
তুমি কি সে হাসে ভাষে মধুমোখা হয়ে,  
হরহে নয়ন-মন সমুখেই রয়ে?

কবিদের সুধাময়ী সরলা লেখনী,  
জগতের মনোহরা রতনের খনি।  
যখন যে পথে যায় সেই পথ আলো,  
যখন যে কথা কয় তাই লাগে ভালো।  
আহা কি উদাস্ততর পদক্রমছটা,  
রসভরে ঢল ঢল গমনের ঘট!  
স্বর্গসুখা পানে যেন হয়ে মাতোয়ারা,  
ভ্রমিছে নন্দনবনে ললিত অঙ্গরা।  
শ্বেত-শতদল মালা দুলিছে গলায়,  
হেসে হেসে চায়, রূপে ভুবন ভুলায়।  
সেই বিশ্ববিনোদিনী লেখনী-অধরে,—  
সুধার সাগরে বুঝি আছ বাস করে?

হিমালয় শৃঙ্গে কুবেরের অলকায়,  
ছড়াছড়ি মণি-চুনি হয়েছে যেথায়।  
যেখানেতে পথ সব সোনা দিয়ে বাঁধা,  
স্বর্ণস্রোতস্বর্তী বলে চোখে লাগে ধাদা।  
নীলমণি-তরুশ্রেণি শোভে দুই ধারে,  
অমরপ্রার্থিত বালা তলে খেলা করে।  
যাহার মানস সরে সুবর্ণ কমল,  
মরকত মৃণালে করিছে ঢল ঢল।  
যক্ষযুবতীরা মাতি সলিল-ক্রীড়ায়,  
ঝাপায়ে ঝাপায়ে পড়ে, ভেসে ভেসে যায়,  
শত চন্দ্র খসে পড়ে আকাশ হইতে,  
শত স্বর্ণ শতদল ফোটে আচম্বিতে।

যথায় যৌবন ভিন্ন নাহিকো বয়স,  
 সুধারস ভিন্ন যাহে নাহি অন্য রস।  
 প্রণয়কলহ ভিন্ন দ্বন্দ্ব নাই আর,  
 প্রেম-অশ্রু ভিন্ন নাহি বঙ্গ অশ্রুধার।  
 যথায় আমোদ ছাড়া আর কিছু নাই,  
 আমোদের যাহা কিছু চাহিলেই পাই।  
 তথায় কি প্রেম সেই আমোদেতে মিশে,  
 বসি বসি হাসিখেলি করিছ হরিষে?

স্বর্গে মন্দাকিনী তটে স্বর্ণবালুকায়,  
 দেবেশ্বরের ক্রীড়া-উপবন শোভা পায় ;  
 উদিলে কুঞ্জের আড়ে তরুণ তপন,  
 দূরে থেকে দৃশ্য তার ডুলায় নয়ন।  
 চারিদিকে দাঁড়াইয়ে নখর মন্দার,  
 পাতার মন্দির সাজে মাথায় সবার।  
 আনত শাখার আগা স্তবকের ভরে,  
 পারিজাত ফুটে তায় ধপধপ করে।  
 সৌরভেতে ভরভর নন্দনকানন,  
 গৌরবেতে পরিপূর্ণ অখিল ভুবন।  
 কাছে কাছে গুন গুন গেয়ে গুণগান,  
 মন্ত মধুকরমালা করে মধু পান।  
 উন্মত্ত কোকিলকুল কুহ কুহ স্বরে,  
 তরু হতে উড়ে বসে অন্য তরুপরে।  
 তলে কত কুরঙ্গিনী চরিয়ে বেড়ায়,  
 শোভা হেরে চারিদিকে সবিস্ময়ে চায়।  
 বহীগণ বিনামেঘে বহি বিস্তারিয়ে,  
 কেকা রব করি করি বেড়ায় নাচিয়ে।  
 মলয় মারুত সদা বহে ঝরঝর,  
 সরস বসন্ত ঋতু জাগে নিরন্তর।  
 যথায় অঙ্গুরী নারী অমরের সনে,  
 হাসে-খেলে নাচে-গায় আপনার মনে।  
 সেই স্থান তোমার কি মনের মতন?  
 অঙ্গুরীর পাছু পাছু কর কি ভ্রমণ?

অথবা এমন কোনো বিচিত্র জগতে,  
 যাহার তুলনাস্থল নাই ভূভারতে।  
 যথা নাই সময়ের ঋতু-বসন্তপাত,  
 ক্রোধ-অন্ধ নিয়তির ক্রন্দ্র কশাঘাত।

প্রণয়ীর হৃদয় করিতে খানখান,  
 যথা নাই বিরাগের বিষদিশু বান।  
 সরল-সরস মনে করিতে দংশন,  
 কপটতা কালসর্প করে না গর্জন।  
 অপদার্থ অসারের অবজ্ঞার লাগি,  
 ফটাইতে নাই যায় মহতের ছাতি।  
 ছোট মুখ কভু নাই বড় কথা ধরে,  
 সমানের উচ্চ পদ গর্ব নাই করে।  
 পাপের বেহায়া চক্ষু ভ্যাল্ ভ্যাল্ করে,  
 কভু নাই অন্তরের নরক উগরে।  
 সকলি পবিত্র যথা, সকলি নির্মল,  
 ধর্মের যথার্থ মূর্তি আছে অবিকল।  
 অধিবাসী সুগঠন সুশ্রী বলবান,  
 স্বাভাবিক প্রভাজালে বপু দীপ্তিমান।  
 সর্বদা প্রসন্ন ভাব, উদার আশয়,  
 গৌরব মাহাত্ম্যপূর্ণ সরল হৃদয়।  
 বদনমণ্ডল নিরমল সুধাকর,  
 রাজিছে পুণ্যের প্রভা ললাট উপর।  
 বিনয় নম্রতা রাজে কাপোলযুগলে,  
 নিজ নৈসর্গিক রাগে রঞ্জি গণ্ডস্থলে।  
 সুশীলতা-শালীনতা ভূষিয়ে নয়ন,  
 সকলের প্রতি করে প্রীতি বরষণ।  
 অধরে আনন্দ-জ্যোতিঃ মৃদু মৃদু হাসে,  
 সন্তোষের ধারা স্করে সুমধুর ভাষে।  
 বরফের মতো স্বচ্ছ প্রণয়ের ভাব,  
 ইন্দ্রিয়ের বিন্দু তাহে নাই আবির্ভাব।  
 অন্তরের মাহাত্ম্যের উন্নতি সাধন  
 করিতে, উভয়ে যেন হয়েছে মিলন।  
 উভয়ে উভয়ে হেরে অশ্রুজলে ভাসা,  
 পুরাইতে নৈসর্গিক প্রেমানন্দ আশা।  
 তথায় কি আছে প্রেম হয়ে তৃপ্ত মন?  
 এখানে আমরা বৃথা করি অন্বেষণ?

[রাগিণী ললিত,—তাল আড়াঠেকা]

ওই কে অমরবালা দাঁড়ায়ে উদয়াচলে,  
ঘুমন্ত প্রকৃতিপানে চেয়ে আছে কুতূহলে!

চরণ-কমলে লেখা  
সর্বাস্ত্রে গোলাপ-আভা, সীমন্তে ওকতারা ছলে।  
যোগে যেন পায় স্মৃতি  
সদয়া করুণামূর্তি,  
বিতরেন হাসি-হাসি শান্তি-সুখা ভূমণ্ডলে।  
হয় হয় প্রায় ভোর,  
ভাঙে ভাঙে ঘুম-ঘোর,  
সুস্থপ্নরূপিণী উনি, উষারানী সবে বলে।  
বিরল তিমিরজাল,  
শুভ্র অন্ড লালে-লাল,  
মগন তারকারাজি গগনের নীল জলে।  
তরুণ-কিরগাননা  
জাগে সব দিগঙ্গনা,  
জাগেন পৃথিবী-দেবী সুমঙ্গল কোলাহলে।  
এসো মা উষার সনে  
বীণাপাণি চন্দ্রননে,  
রাঙা চরণ দু-খানি রাখো হৃদয় কমলে!

✱

কে তুমি ত্রিদিবদেবী বিরাজ হৃদি কমলে!

নখর নগনা লতা মগনা কমলদলে।

মুখখানি তল তল, আলুথালু কুন্তল,  
সনাল কমল দুটি হাসে বাম করতলে। ১

কপোলে সুধাংশু ভাস,                      অধরে অরুণ হাস,  
নয়ন করুণাসিদ্ধ প্রভাতের তারা স্থলে।    ২

মাথা খুয়ে পম্বোধরে কোলে বীণা খেলা করে,  
স্বর্গীয় অমিয় সরে জানিনে কি কথা বলে। ৩

ভাবভরে মাতোয়ারা,                      যেন পাগলিনীপারা,  
 আত্মদে আপনা-হারা মুণ্ডা মোহিনী,  
 নিশান্তের শুকতারা,                      চাঁদের সুধার ধারা,  
 মানস-মরালী মম আনন্দ-রূপিণী!  
 তুমি সাধনের ধন,                      জ্ঞান সাধকের মন,  
 এখন আমার আর কোনো খেদ নাই মলে! ৪

নাহি চন্দ্র-সূর্য-তারা,                      অনল-হিম্মোল-ধারা,  
 বিচিত্র-বিদ্যুৎ-দাম-দ্যুতি ঝলমল ;  
 তিমিরে নিমগ্ন ভব,                      নীরব নিস্তরূ সব,  
 কেবল মরুতরাশি করে কোলাহল। ৫

হিমাদ্রি শিখর 'পরে                      আচম্বিতে আলো করে  
 অপরূপ জ্যোতি ওই পুণ্য তপোবনে।  
 বিকচ নয়নে চেয়ে                      হাসিছে দুধের মেয়ে,—  
 তামসী-তরুণ-উষা কুমারীরতন।  
 কিরণে ভুবনভরা,                      হাসিয়ে জাগিল ধরা,  
 হাসিয়ে জাগিল শূন্যে দিগঙ্গনাগণে।  
 হাসিল অম্বরতলে                      পারিজাত দলে দলে,  
 হাসিল মানস-সরে কমল কানন। ৬

হরিণী মেলিল আঁখি,                      নিকুঞ্জে কুজিল পাখি,  
 বহিল সৌরভময় শীতল সমীর,  
 ভাঙিল মোহের ভুল,                      জাগিল মানবকুল,  
 হেরিয়ে তরুণ-উষা অ্যানন্দে অধীর! ৭

অম্বরে অরুণোদয়,                      তলে দুলে দুলে বয়  
 তমসা তটিনী-রানী কুলুকুলু স্বনে ;  
 নিরখি লোচনলোভা                      পুলিন-বিপিন-শোভা  
 ভ্রমেন বাঙ্গালীকি মুনি ভাবভোলা মনে। ৮

শাখি-শাখে রসসুখে                      ক্রৌঞ্চ-ক্রৌঞ্চী মুখে মুখে  
 কতই সোহাগ করে বসি দুজনায়,  
 হানিল শবরে বাণ,                      নাশিল ক্রৌঞ্চের প্রাণ.  
 রুমিরে আত্মত পাখা ধরণী লুটায়। ৯

ক্রৌঞ্চী প্রিয় সহচরে                      ঘেরে ঘেরে শোক করে,  
 অরণ্য পূরিল তার কাতর ব্রন্দনে।  
 চক্ষে করি দরশন                      জড়িমা-জড়িত মন,  
 করুণ হৃদয় মুনি বিহুলের প্রায় ;  
 সহসা ললাটভাগে                      জ্যোতির্ময়ী কন্যা জাগে,  
 জাগিল বিজলী যেন নীল নব ঘনে। ১০

কিরণে কিরণময়                      বিচিত্র আলোকোদয়,  
 ত্রিয়মাণ রবি-ছবি, ভুবন উজলে।  
 চন্দ্র নয়, সূর্য নয়,                      সমুজ্জ্বল শান্তিময়,  
 ঋষির ললাটে আজি না জানি কি জ্বলে! ১১

কিরণ-মণ্ডলে বসি                      জ্যোতির্ময়ী সুরূপসী  
 যোগীর ধ্যানের ধন ললাটিকা মেয়ে  
 নামিলেন ধীর ধীর,                      দাঁড়ালেন হয়ে স্থির  
 মুগ্ধ নেত্রে বাস্মীকির মুখপানে চেয়ে। ১২

করে ইন্দ্রধনু-বালা.                      গলায় তারার মালা,  
 সীমন্তে নক্ষত্র জ্বলে, ঝলমলে কানন ;  
 কর্ণে কিরণের ফুল,                      দোদুল চাঁচর চুল  
 উড়িয়ে ছড়িয়ে পড়ে ঢাকিয়ে আনন। ১৩

হাসি-হাসি শশি-মুখী,                      কতই কতই সুখী!  
 মনের মধুর জ্যোতি উছলে নয়নে।  
 কভু হেসে ঢল ঢল,                      কভু রোষে জ্বল জ্বল,  
 বিলোচন ছল ছল করে প্রতিক্ষেপে। ১৪

করুণ ব্রন্দন-রোল                      উত উত উতরোল,  
 চমকি বিহুলা বালা চাহিলেন ফিরে ;  
 হেরিলেন রক্তমাখা                      মৃত ক্রৌঞ্চ ভগ্ন-পাখা,  
 কাঁদিয়ে কাঁদিয়ে ক্রৌঞ্চী ওড়ে ঘিরে ঘিরে। ১৫

একবার সে ক্রৌঞ্চীয়ে                      আর বার বাস্মীকিরে  
 নেহারেন ফিরে ফিরে, যেন উন্মাদিনী ;  
 কাতরা করুণা-উঁরে,                      গান সঙ্করণ স্বরে,  
 ধীরে ধীরে বাজে করে বীণা বিষাদিনী। ১৬

সে শোক-সংগীত-কথা                      শুনে কাঁদে তরুলতা,  
তমসা আকুল হয়ে কাঁদে উভরায়।  
নিরখি নন্দিনী-ছবি                      গদ-গদ আদি কবি  
অন্তরে করুণা-সিন্ধু উথলিয়া ধায়। ১৭

রোমাঞ্চিত কলেবর,  
 প্রফুল্ল কপোল বহি বহে অশ্রুজল।  
 হে যোগেন্দ্র! যোগাসনে  
 চুলুচুলু দু-নয়নে  
 বিভোর বিহুল মনে কাঁহারে ধৈয়াও!  
 কমলা ঠমকে হাসি  
 ছড়ানো রতনরাশি,  
 অপাঙ্গে জড়ঙ্গে আহা ফিরে নাহি চাও!  
 ভাবে ভোলা খোলা প্রাণ,  
 ইন্দ্রাসনে তুচ্ছ জ্ঞান,  
 হাসিয়ে পাগল বলে পাগল সকল। ১৮

এমন করুণা মেয়ে                      আছে যাঁর মুখচেয়ে,  
ছলিতে এসেছ তাঁরে কেন গো চপলা !  
হেরে কন্যা করুণায়                  শোক-তাপ দূরে যায়,  
কি কাজ—কি কাজ তাঁর তোমায় কমলা !    ১৯

এসো মা করুণারানী,    ও বিধু-বদনখানি  
হেরি হেরি আঁখি ভরি হেরি গো আবার ;  
শুনে সে উদার কথা    জুড়াক মনের ব্যথা,  
এস আদিরিনী বাণী সমুখে আমার !  
যাও লক্ষ্মী অলকায়,    যাও লক্ষ্মী অমরায়,  
এস না এ যোগী-জন-তাপোবন-স্থলে !    ২০

ব্রহ্মার মানস-সরে                      ফুটে ঢলঢল করে  
নীল জলে মনোহর সুবর্ণ-নলিনী,  
পাদপদ্ম রাখি তায়                    হাসি-হাসি ভাসি যায়  
মোড়শী রূপসী বামা পৰ্ণিমা-যামিনী। ২১

কোটি শশী উপহাসি                      উথলে লাগ্যরাশি,  
তরল দর্পণে যেন দিগন্ত আবারে ;  
আচম্বিতে অপরূপ                      রূপসীর প্রতিরূপ  
হাসি-হাসি ভাসি-ভাসি উদয় অস্থরে। ২২  
ফটিকের নিকেতন,                      দর্শাদিকে দরপণ,



বিমল সলিল যেন করে তকতক ;  
 সুন্দরী দাঁড়ায়ে তায় হাসিয়ে যে দিকে চায়  
 সেই দিকে হাসে তার কুহকিনী ছায়া,  
 নয়নের সঙ্গে সঙ্গে ঘুরিয়া বেড়ায় রঙ্গে,  
 অবাক দেখিলে, হয় অমনি অবাক ; চক্ষে পড়ে না পলক।  
 তেমনি মানস সরে লাবণ্য-দর্পণ-ঘরে  
 দাঁড়ায়ে লাবণ্যময়ী দেখিছেন মায়া। ২৩

যেন তাঁরে হেরি হেরি, শূন্যে শূন্যে ঘেরি ঘেরি,  
 রূপসী চাঁদের মালা ঘুরিয়া বেড়ায় ;  
 চরণ-কমল-তলে নীলনভ নীলজলে  
 কাঞ্চন-কমলরাজি ফুটে শোভা পায়। ২৪

চাহিয়ে তাঁদের পানে আনন্দ ধরে না প্রাণে,  
 আনত আননে হাসি জলতলে চান ;  
 তেমনি রূপসী-মালা চারিদিকে করে খেলা,  
 অধরে মৃদুল হাসি আনত বয়ান। ২৫

রূপের ছটায় তুলি শ্বেত শতদল তুলি  
 আদরে পরাতে যান সীমন্তে সবার,  
 তাঁরাও তাঁহারি মতো পদ্ম তুলি যুগপত  
 পরাতে আসেন সবে সীমন্তে তাঁহার। ২৬

অমনি স্বপনপ্রায় বিভ্রম ভাঙিয়া যায়,  
 চমকি আপন পানে চাহেন রূপসী ;  
 চমকে গগনে তারা, ভূধরে নির্ঝরধারা,  
 চমকে চরণ-তলে মানস-রূপসী। ২৭

কুবলয়-বনে বসি নিকুঞ্জ-শারদ-শশী  
 ইতস্তত শত শত সুর-সীমন্তিনী  
 সঙ্গে সঙ্গে ভাসি যায়, অনিমেঘে দেখে তাঁয়,  
 যোগাসনে যেন সব বিহুলা যোগিনী। ২৮

কিবে এক পরিমল বহে বহে অবিরল !  
 -শান্তিময়ী দিগঙ্গনা দেখেন উল্লাসে।  
 শূন্যে বাজে বীণা-বীণি, সৌদামিনী ধায় হাসি,



হায় রে তখন মনে পড়িবে তোমার !  
 হেরিবে কাননে আসি, অভাগার ভঙ্গরাশি,  
 অথবা হাড়ের মালা, বাতাসে ছড়ায় ;  
 করুণা জাগিবে মনে, ধারা ববে দু-নয়নে,  
 নীরবে দাঁড়িয়ে রবে, প্রতিমার প্রায়। ৩৪

ভেবে সে শোকের মুখ বিদরে আমার বুক,  
 মরিতে পারিনে তাই আপনার হাতে ;  
 বেঁধে মারে, কত সয় ! জীবন যন্ত্রণাময়  
 ছারখার চুরমার বিনি বজ্রাঘাতে।  
 অন্তরাখ্যা জরজর, জীর্ণরগা চরাচর,  
 কুসুম-কানন-মন বিজন শ্মশান ;  
 কি করিব, কোথা যাব, কোথা গেলে দেখা পাব,  
 হৃদি-কমল-বাসিনী কোথারে আমার।  
 কোথা সে প্রাণের আলো, পূর্ণিমা-চন্দ্রিমাঝাল,  
 কোথা সেই সুধামাখা সহাস বয়ান।  
 কোথা গেলে সঞ্জীবনী ! মণি-হারা মহা খনি  
 অহো, সেই হৃদিরাজ্য কি যোর আঁধার !  
 তুমি তো পাষণ নও, দেখে কোন প্রাণে সও,  
 অয়ি সুপ্রসন্ন হও কাতর পাগলে ! ৩৫

দ্বিতীয় সর্গ

## গীতি

[রাগিণী কালাংড়া,—তাল যৎ]

হারায়েছি—হারায়েছি রে, সাধের স্বপনের ললনা !  
 মানস-মরালী আমার কোথা গেল বল না !  
 কমল-কাননে বালা,  
 করে কত ফুলখেলা,  
 আহা, তার মালা গাঁথা হল না !  
 প্রিয় ফুলতরুগণ,  
 সুধাকর, সমীরণ,  
 বলো-বলো ফিরে কি আর পাব না !  
 কেন এল চেতনা !

সৌম্য মূর্তি স্মৃতি-ভরা,                      পিঙ্গল বঙ্কল পরা,  
নীরদ-তরঙ্গ-লীলা জটা মনোহর ;  
শুভ্র অশ্র উপবীত                      উরস্থলে বিলম্বিত,  
যোগপাটা ইন্দ্রধনু রাজিছে সুন্দর। ২

কি এক বিপ্রম ঘটনা,                      কি এক বদন ছটা,  
 কি এক উছলে অঙ্গে লাবণ্য-লহরী!  
 মন্দাকিনী আসি কাছে                      থমকে দাঁড়িয়ে আছে.  
 থমকে দাঁড়িয়ে দেখে অমর-অমরী। ৪

দিগদ্বন্দ্বনা কুতূহলে সমীর-হিম্মোল-ছলে  
বরষে মন্দার-ধারা আবরি গগন।  
আমোদে আমোদময়, অমৃত উথুলে বয়,  
ত্রিদশ-আলয় আজি আনন্দে মগন।  
জ্যোতির্ময় সপ্তঋষি প্রভায় উজ্জলি দিশি,  
সব্রমে কসমাঞ্জলি অর্পিছেন পদতলে । ৬

সে মহাপুরুষ-মেলা,                      সে নন্দনবন-খেলা,  
 সে চিরবসন্ত-বিকশিত ফুলহার,  
 কিছুই হেথায় নাই ;                      মনে মনে ভাবি তাই,  
 কি দেখে আসিতে মন সরিবে তোমার! ৭

কেমনে বা তোমা বিনে                                      দীর্ঘ দীর্ঘ রাত্রি-দিনে  
সুদীর্ঘ জীবন-ছালা সব অকাতরে,  
কার আর মুখ চেয়ে                                      অবিশ্রাম যাব বেয়ে  
ভাসিয়ে তনুর তরী অকল সাগরে! ৮

কেন গো ধরণী-রানী                      বিরস বদনখানি,  
 কেন গো বিষম তুমি উদার আকাশ,  
 কেন প্রিয় তরুলতা                      ডেকে নাহি কহ কথা,  
 কেন রে হৃদয়—কেন অশ্রু-উদাস ! ৯

কোনো সুখ নাই মনে,  
খোলো হে অমরগণ স্বর্গের দ্বার!  
বলো কোন পদ্মবনে  
দেখিব কোথায় আছে সারদা আমার! ১০

সব গেছে তার সনে ;  
লুকায়েছ সংগোপনে,

অয়ি, একি, কেন কেন.                      বিষণ্ণ হইলে হেন!  
আনত আনন-শশী, আনত নয়ন,  
অধরে মছুরে আসি                      কপোলে মিলায় হাসি,  
থর থর ওষ্ঠাধর, স্ফোরেনা বচন। ১১

তেমন অরুণ-রেখা                      কেন কুহেলিকা-ঢাকা,  
প্রভাত-প্রতিমা আজি কেন গো মলিন!  
বলো, বলো, চন্দ্রাননে,                      কে ব্যথা দিয়েছে মনে,  
কে এমন—কে এমন হৃদয়-বিহীন!    ১২

বুজিলাম অনুমানে,                      করুণা-কটাক্ষ-দানে  
চাবে না আমার পানে, কবেও না কথা ;  
কেন যে কবে না হয়                      হৃদয় জানিতে চায়,  
সরমে কি বাধে বাণী, মরমে বা বাজে ব্যথা! ১৩

যদি মর্মব্যথা নয়, কেন অশ্রুধারা বয়।  
 দেববালা ছলাকলা জানে না কখনো ;  
 সরল মধুর প্রাণে, সতত মুখেতে গান,  
 আপন বীণার তানে আপনি মগন। ১৪

অয়ি, হা, সরলা সতী সত্যরূপা সরস্বতী!  
 চির-অনুরক্ত ভক্ত হয়ে কৃতাঞ্জলি  
 পদ-পদ্মাসন কাছে নীরবে দাঁড়িয়ে আছে,  
 কি করিবে, কোথা যাবে, দাও অনুমতি!  
 স্বরগ-কুসুম-মালা, নরক-জ্বলন-জ্বালা,  
 ধরিবে প্রফুল্ল মুখে মস্তকে সকলি।  
 তব আশ্রা সুমঙ্গল, যাই যাব রসাতল,  
 চাইনে এ বরমালা, এ অমরাবতী! ১৫

নরকে নারকী-দলে মিশিগে মনের বলে,  
 পরান কাতর হলে ডাকিব তোমায় ;  
 যেন দেবী সেইক্ষণে অভাগারে পড়ে মনে,  
 ঠেলো না চরণে, দেখো, ভুলো না আমায়! ১৬

অহহ! কিসের তরে অভাগা নরকে জরে,  
 মরু—মরু—মরুময় জীবন-লহরী ;  
 এ বিরস মরুভূমে সকলি আচ্ছন্ন ধূমে,  
 কোথাও একটিও আর নাহি ফোটে ফুল ;  
 কভু মরীচিকা-মাজে বিচিত্র কুসুম রাজে,  
 উঃ! কি বিষম বাজে, যেই ভাঙে ভুল!  
 এত যে যন্ত্রণা-জ্বালা, অবমান অবহেলা,  
 তবু কেন প্রাণ টানে! কি কবি, কি কবি। ১৭

তেমন আকৃতি, আহা, ভাবিয়ে ভাবিয়ে যাহা  
 তানন্দে উন্মত্ত মন, পাগল পরান,  
 সে কি গো এমন হবে, মোর দুখে-সুখে রবে,  
 কাঁদিয়ে ধরিলে কর, ফিরাবে বয়ান! ১৮

ভাবিতে পারিনে আর! অঙ্ককার—অঙ্ককার—  
 ঝটিকার ঘূর্ণী ঘোরে মাথার ভিতর ;  
 তরঙ্গিয়া রক্তরাশি নাকে-মুখে-চোকে আসি  
 বেগে যেন ভেঙে ফেলে ; ধরো ধরো ধরো ;— ১৯

মহান মনেরি তরে                      জ্বালা জ্বলে চরাচরে,  
পুড়ে মরে ক্ষুদ্রেরাই পতঙ্গের প্রায় ;  
জলুক যতই জ্বলে,                      পর জ্বালা-মালা গলে,  
নীলকণ্ঠ-কণ্ঠে জ্বলে হলাহল-দ্যুতি ;  
হিমাদ্রিই বক্ষ পরে                      সহে বজ্র অকাতরে,  
জঙ্গল ছালিয়া যায় লতায়-পাতায় ;  
অস্তাচলে চলে রবি,                      কেমন প্রশান্ত ছবি!  
তখনো কেমন আহা উদার বিভূতি!    ২১

হা ধিক্ অধীর হেন!                      দেখেও দেখ না কেন  
দুখে দুখী অশ্রুমুখী প্রাণপ্রতিমায়!  
প্রণয়-পবিত্র-ধনে                      সন্দেহ কোরো না মনে,  
নাগরদোলায় দোলা শিশুরি মানায়।  
সারদা সরল্য বালা,                      সবেনা সন্দেহ-জ্বালা,  
ব্যথা পাবে সুকোমল হৃদয় কমলে ॥ ২২

### ତୃତୀୟ ସର୍ଗ

## গীତି

[রাগিণী বিভাস,—তাল আড়াঠেকা]

বিরাজ সারদে কেন'এ স্নান কমলবনে!

আজো কিরে অভাগিনী ভালোবাস মনে মনে!

মলিন নলিন বেশ,  
মলিন মধুর-মূর্তি, হাসি নাই চন্দ্রাননে।  
মলিন কমল-মালা,  
আর সে অমৃত-জ্যোতি জ্বলেনাকো বিলোচনে!  
চির আদরিণী বীণা,  
কেন, যেন দীনাইনী  
ঘুমায়ে পায়ের কাছে পড়ে আছে অচেতনে।  
জীবন-কিরণ-রেখা  
অস্ত্রাচলে দিল দেখা,  
এ হৃদি-কমল দেবী ফুটিবে না আর।  
যাও বীণা লয়ে করে,  
ব্রহ্মার মানস-সরে,  
'রাজহংস কেলি করে সৰ্গ-নলিনী সনে।

আজি এ বিষণ্ণ বেশে                      কেন দেখা দিলে এসে,  
কাঁদিলে কাঁদালে দেবী জন্মের মতন!  
পূর্ণিমা-প্রমোদ-আলো,                      নয়নে লেগেছে ভালো .  
মাঝেতে উথলে নদী, দু-পারে দুজন—  
চক্রবাক-চক্রবাকী দু-পারে দুজন! ১

নয়নে নয়নে মেলা, মানসে মানসে খেলা,  
অধরে প্রেমের হাসি বিধাদে মলিন ;  
হৃদয়-বীণার মাজে ললিত রাগিণী বাজে,  
মনের মধুর গান মনেই বিলীন : ২

সেই আমি, সেই তুমি,                                 সেই এ স্বরগ-ভূমি,  
সেই সব কল্লতরু, সেই কুঞ্জবন ;  
সেই প্রেম, সেই স্নেহ,                                 সেই প্রাণ, সেই দেহ ;  
কেন মন্দাকিনী-तीरे দ-পারে দঙ্গন। ও

আকুল-ব্যাকুল প্রাণ,  
কেন এসে অভিমানে সমুখে উদয়!—  
কান্তি-শান্তি-ময় তনু,  
অপরূপ ইন্দ্রধনু,  
তেজে যেন জ্বলে মন, অটল-হৃদয়! ৪

কাতর পরান পরে                                  চেয়ে আছে প্লেহভরে,  
নয়ন-কিরণ যেন পীযুষ-লহরী ;  
এমন পদার্থে হেলি                                যাব না, যাব না ঠেলি,  
উভয়-সংকটে আজ মরি যদি, মরি।     ৫

কেন গো পরের করে                      সুখের নির্ভর করে,  
আপনা আপনি সুখী নহে কেন নয়!  
সদাশিব সদানন্দ,                      সতী বিনে নিরানন্দ,  
অশানে ভ্রমেন ভোলা খেলা দিগন্তর। ৬

হৃদয়-প্রতিমা লয়ে                      থাকি থাকি সুখী হয়ে,  
অধিক সুখের আশা নিরাশা শ্মশান ;  
ভক্তিভাবে সদা স্মরি,                  মনে মনে পূজা করি,  
জীবন-কুসমাঞ্জলি পড়ে করি দান । ৭

---

---





কে আমারে অবিরত                                  খেপায় খেপার মতো,  
জীবন-কসম-লতা কোথারে আমার! ১৫

কোথা সে প্রাণের পাখি,                      বাতাসে ভাসিয়ে থাকি  
আর কেন গান করে ডাকে না আমায়!  
বলো দেবী মন্দাকিনী!                      ভেসে ভেসে একাকিনী  
সোনামুখী তরীখানি গিয়েছে কোথায়!    ১৬

এই না, তোমাৰি তীৰে                      দেখা আমি পেনু ফিরে,  
তুলে কেন না রাখিনু বুকৈৰ ভিতৰে !  
হা ধিক্ রে অভিমান,                      গেল, গেল, গেল প্রাণ,  
করাল কালিমা ওই গ্রাসে চরাচরে !    ১৭

হারায়ে নয়ন-তারা                      হয়েছি জগৎ-হারী,  
ক্ষণে ক্ষণে আপনারে হারাই হারাই ;

ওহে ভাই, দাও বলে কোন দিকে যাব চলে,  
ওকি ওঠে ছলে ছলে, কোথায় পালাই! ১৮

ওকি, ও, দারুণ শব্দ, আকাশ-পাতাল ভব্ব ;  
 দারুণ আগুন শুধু ধু-ধু ধু-ধু ধায় ;  
 তুমুল তরঙ্গ ঘোর, কি ঘোর ঝড়ের জোর,  
 পাঁজর ঝাঁঝর মোর দাঁড়াই কোথায় ! ১৯

তবে কি সকলি ভুল! নাই কি প্রেমের মূল!  
 বিচিত্র গগন-ফুল কল্পনা-লতার?  
 মন কেন রসে ভাসে প্রাণ কেন ভালোবাসে  
 আদরে পরিতে গলে সেই ফুলহার? ২০

শত শত নব-নারী    দাঁড়ায়েছে সারি-সারি,  
নয়ন খুঁজিছে কেন সেই মুখখানি?  
হেরে হারানিধি পায়,    না হেরিলে প্রাণ যায় ;  
এমন সরল সত্য কি আছে না জানি!    ২১

ফুটিলে প্রেমের ফুল                      ঘূমে মন টুলটুল,  
আপন সৌরভে প্রাণ আপনি পাগল :

সেই স্বর্গ-সুখা পানে                      কত যে আনন্দ প্রাণে  
অমায়িক প্রেমিকে তা জানান কেবল। ২২

নন্দন নিকুঞ্জবনে                      বসি শ্বেত শিলাসনে  
খোলা প্রাণে রতি-কাম বিহরে কেমন!  
আননে উদার হাসি,                      নয়নে অমৃতরাশি ;  
অপরূপ আলো এক উজ্জলে ভুবন। ২৩

পারিজাত মালা করে,                      চাহি চাহি স্নেহভরে  
আদরে পরস্পরে গলায় পরায় ;  
মেজাজ গিয়েছে ঝুলে,                      বসেছে দুনিয়া ভুলে,  
সুখার সাগর যেন সমুখে গড়ায়। ২৪

কি এক ভাবেতে ভোর,                      কি যেন নেশার ঘোর,  
টলিয়ে ঢলিয়ে পড়ে নয়নে নয়ন ;  
গলে গলে বাহুলতা,                      জড়িমা-জড়িত কথা,  
সোহাগে সোহাগে রাগে গলগল মন। ২৫

করে কর থরথর,                      টলমল কলেবর,  
গুরুগুরু দুরুদুরু বুকের ভিতর ;  
তরুণ অরুণ ঘটা                      আননে আরক্ত ছটা,  
অধর কমল-দল কাঁপে থরথর। ২৬

প্রণয়-পবিত্র কাম,                      সুখ-স্বর্গ-মোক্ষ-ধাম!  
আজি কেন হেরি হেন মাতোয়ারা বেশ।  
ফুলধনু ফুলছড়ি                      দূরে যায় গড়াগড়ি ;  
রত্নির খুলিয়ে খোঁপা আলুথালু কেশ! ২৭

বিহুল পাগল প্রাণে                      চেয়ে সতী পতি পানে,  
গলিয়ে গড়িয়ে কোথা চলে গেছে মন ;  
মুগ্ধ মত্ত নেত্রদুটি,                      আধ ইন্দীবর ফুটি,  
দুলুদুলু ঢুলুঢুলু করিছে কেমন। ২৮

আলসে উঠিছে হাই,                      ঘুম আছে, ঘুম নাই,  
কি যেন স্বপন মতো চলিয়াছে মনে ;

সুখের সাগরে ভাসি                      কিবে প্রাণখোলা হাসি!  
কি এক লহরী খেলে নয়নে নয়নে!    ২৯

উথুলে উথুলে প্রাণ                      উঠিছে ললিত তান,  
ঘুমায়ে ঘুমায়ে গান গায় দুইজন ;  
সুরে সুরে সম্ রাখি                      ডেকে ডেকে ওঠে পাখি,  
তালে তালে ঢলে ঢলে চলে সমীরণ।    ৩০

কুঞ্জের আড়াল থেকে চন্দ্রমা লুকায়ে দেখে,  
 প্রণয়ীর সুখে সদা সুখী সুধাকর ;  
 সাজিয়ে মুকুল ফুলে আহ্বাদেতে হেলে-দুলে  
 চৌদিকে নিকুঞ্জ-লতা নাচে মনোহর।  
 সে আনন্দে আনন্দিনী, উথলিয়ে মন্দাকিনী,  
 করি করি কলধ্বনি বাহে কতহলে ॥ ৩১

এ তুল প্রাণের তুল,  
জীবনের সঞ্জীবনী অমৃত-বল্লরী ;  
এ এক নেশার তুল,  
অন্তরাঙ্গা নিদ্রাকুল,  
স্বপনে বিচিত্র-রূপা দেবী যোগেশ্বরী। ৩২

কভু বরাভয় করে,  
করেন মধুর স্বরে অভয় প্রদান ;  
কখনো গেরুয়া পরা,  
পদভরে কাঁপে ধরা ভূধর অধীর ;  
দীপ্ত সূর্য হত্যাশন  
ধক ধক দু-নয়ন,  
হংকারে বিদরে ন্যোগ, লুকায় মিহির ;  
ঘোরঘট্ট অটুহাসি  
ঝলকে পাবকরাশি ,  
প্রলায়-সাগরে যেন উঠেছে তফান। ৩৩

কভু আলুথালু কেশে                      স্বাশানের প্রান্তদেশে  
জ্যোন্মায় আছেন বসি বিষণ্ণ বদনে ;  
গঙ্গার তরঙ্গমালা                      সমুখে করিছে খেলা,  
চাহিয়ে তাদের পানে উদাস নয়নে। ৩৪

পবন আকুল হয়ে চিতাভস্মরাজ লয়ে  
শোকভরে ধীরে ধীরে শ্রীঅঙ্গে মাথায়.

শ্বেত করবীর বেলা, চামেলি-মালতীমেলা,  
ছড়াইয়ে চারিদিকে কাঁদিয়ে বেড়ায়। ৩৫

হায় ফের বিবাদিনী! কে সাজালে উদাসিনী!  
সম্বরো এ মূর্তি দেবী, সম্বরো সম্বরো!  
বটে এ শ্মশান-মাজে এলোকেশী কালী সাজে  
দানব-রুধির-রঙ্গে নাচে ভয়ংকর। ৩৬

আবার নয়নে জল! ওই সেই হলহল,  
ওরি তরে জীর্ণজরা জীবন আমার ;  
গরজি গগন ভোরে দাঁড়াও ত্রিশূল ধরে!  
সংহার-মুরতি অতি মধুর তোমার। ৩৭

আমার এ বজ্রবুক, ত্রিশূলেরো তীক্ষ্ণ মুখ,  
দাও দাও বসাইয়ে, এড়াই যন্ত্রণা!  
সম্মুখে আরক্তমুখী, মরণে পরম সুখী,  
এ নহে প্রলয়-ধ্বনি, বাঁশরি-বাজনা। ৩৮

অনন্ত নিদ্রার কোলে অনন্ত মোহের ভোলে  
অনন্ত শয্যায় গিয়ে করিব শয়ন,  
আর আমি কাঁদিব না, আর আমি কাঁদাব না,  
নীরবে মিলিয়ে যাবে সাধের স্বপন! ৩৯

তপন-তর্পণ-আল অসীম যন্ত্রণা-জাল,  
প্রশান্ত অনন্ত ছায়া অনন্ত যামিনী ,  
সে ছায়ে ঘুমাব সুখে, বজ্র বাজিবে না বুক,  
নিস্তব্ধ ঝটিকা-ঝঞ্ঝা, নীরব মেদিনী। ৪০

বাঁধো বুক, তাজো ভয়, পুণ্য এ, পাতক নয় ;  
খুনে আর পরিত্রাণে অনেক অন্তর।  
ভালোবাসা তারি ভালো, সহে যারে চিরকাল ;  
বাঁচুক বাঁচুক তারা, হউক অমর! ৪১

হবে না হবে না আর, হয়ে গেছে যা হবার,  
ধোরো না ধোরো না, বৃথা রুখো না আমাকে!

এ পোড়া পিঞ্জর রাখি                      উড়ুক পরান-পাখি,  
 দেখুক দেখুক, যদি আর কিছু থাকে!  
 ছাড়ো! আনো! যাও যাও!                      বেগে বুকে বিধে দাও!  
 ওই সে ত্রিশূল দোলে গগনমণ্ডলে! ৪২

চতুর্থ সর্গ

গীতি

[রাগিণী ভৈরবী,—তাল ঠা-ঠুংরি]

কোথা গো প্রকৃতি-সতী সে রূপ তোমার!  
 যে রূপে নয়ন-মন ভুলাতে আমার!  
 সেই সুরধুনী-কূলে                      ফুলময় ফুলে ফুলে,  
 বেড়াইতে বনবালা পরি ফুলহার।  
 নবীন-নীবদ-কোলে                      সোনার যে দোলা দোলে,  
 ক্ষণেক দুলিতে, ক্ষণে পালাতে আবার।  
 সুধাংশুমণ্ডলে বসি                      খেলিতে লইয়ে শশী,  
 হাসিয়ে ছড়িয়ে দিতে তারকারতন ;—  
 হাসি দিগঙ্গনাগণে                      ধরি ধরি সে রতনে  
 খেলিত কন্দুক-খেলা, হাসিত সংসার।  
 এ তমাকু তলাতলে                      কি বিষম জ্বালা জ্বলে,  
 কেবল জ্বলিয়ে মরি ঘোচে না অঁধার।  
 চলো, দেবী, লয়ে চলো,                      যথা জাগে হিমাচল,  
 উদার সে রূপরাশি দেখি একবার!

অসীম নীরদ নয় ;                      ও-ই গিরি হিমালয়!  
 উঁথুলে উঠেছে যেন অনন্ত জলধি ;  
 ব্যোপে দিগ্-দিগন্তর,                      তরঙ্গিয়া ঘোরতর,  
 প্লাবিয়া গগনাসন জাগে নিরবধি। ১

বিশ্ব যেন ফেলে পাছে                      কি এক দাঁড়ায়ে আছে!  
 কি এক প্রকাশ কাণ্ড মহান ব্যাপার!  
 কি এক মহান মূর্তি,                      কি এক মহান স্মৃতি  
 মহান উদার সৃষ্টি প্রকৃতি তোমার। ২

পদে পৃথ্বী, শিরে ব্যোম, তুচ্ছ-তারা সূর্য-সোম  
 নক্ষত্র, নখাগ্রে যেন গনিবারে পারে ;  
 সমুখে সাগরাস্বরী ছড়িয়ে রয়েছে ধরা,  
 কটাক্ষে কখন যেন দেখিছে তাহারে। ৩

কত শত অভ্যাদয়, কতই বিলয় লয়,  
 চক্ষের উপর যেন ঘটে ক্ষণে ক্ষণে ;  
 হরহর হরহর সুর নর থরথর  
 প্রলয়-পিনাক-রাব বাজে না শ্রবণে। ৪

ঝটিকা দুরন্ত মেয়ে, বৃকে খেলা করে ধেয়ে  
 ধরিত্রী গ্রাসিয়া সিঁদ্বু লোটে পদতলে।  
 জ্বলন্ত-অনল-ছবি ধক ধক জ্বলে রবি,  
 কিরণ-জ্বলন-জ্বালা মালা শোভে গলে। ৫

কালের করাল হাসি দলকে দামিনীরাশি,  
 কঙ্কড় দন্তে দন্তে ভীষণ ঘর্ষণ ;  
 ত্রিজগত ত্রাহি ত্রাহি , কিছুই ক্ষম্পেপ নাই ,  
 কে যোগেন্দ্র ব্যোমকেশ যোগে নিমগন!

ওই মেরু উপহাসি অনন্ত বরফ-রাশি  
 যুবন তপন করে ঝকঝক করে!  
 উপরে বিচিত্র রেখা, চারু ইন্দ্রধনু লেখা,  
 অলকা অমরাবতী রয়েছে ভিতরে—  
 লুকানো লুকানো যেন রয়েছে ভিতরে ॥ ৭

ওই কিবে ধবধব তুঙ্গ তুঙ্গ শৃঙ্গ সব  
 উর্ধ্বমুখে ধেয়ে গেছে ফুঁড়িয়া অশ্বর!  
 দাঁড়াইয়ে পাদদেশে ললিত হরিত বেশে  
 নখর নিকুঞ্জ-রাজি সাজে থরেথর। ৮

সানু আলিঙ্গিয়ে করে শূন্যে যেন বাজি করে  
 বপ্ৰ-কেলি-কুতূহলে মত্ত করিগণ ;  
 নবীন নীরদমালা সঙ্গে সঙ্গে করে খেলা,  
 দশন বিজলী-ঝালা বিলসে কেমন! ৯

ওই গণ্ডশৈল-শিরে                      ওন্দারাজি চিরে চিরে  
বিকাশে গৈরিক-ঘটা ছটা রক্তময় !  
তৃণ-তরু-নতাজাল,                  অপরূপ লালে-লাল ;  
মেঘের আড়ালে যেন অরূণ উদয় ।    ১০

কাছে কাছে স্থানে স্থানে                      নীচ-মুখে উচ-কানে  
চরিয়া বেড়ায় সব চমর-চমরী,  
সূচিকন শুভ্র কায়                                  মাছি পিছলিয়া যায়,  
অনিলে চামর চলে চন্দ্রমা-লহরী ॥ ১১

কিবে ওই মনোহারী                      দেবদারু সারি সারি  
দেদার চলিয়া গেছে কাতারে কাতার!  
দূর দূর আলঝালে,                      কোলাকুলি ডালে ডালে,  
পাতার মন্দির গাঁথা মাথায় সবার।    ১২

তলে তুণ-লতা-পাতা                      সবুজ বিছানা পাতা ;  
ছোট ছোট কুঞ্জবন হেথায়-হোথায় ।  
কেমন পাকম খরি,                      কেকারব করি করি,  
ময়ূর-ময়ুরী সব নাচিয়া বেড়ায় !     ১৩

মধ্যমে ফোয়ারা ছোট্বে,                                যেন ধুমকেতু ওঠে,  
ফরফর তুপড়ি ফোট্বে, কেটে পড়ে ফুল ;  
কত রকমের পাখি    কলরবে ডাকি ডাকি  
সঙ্গে সঙ্গে ওঠে-পড়ে, আহাদে আকল। ১৪

জলধারা বানবন,  
চমকি চরও মৃগ ঢায় চারিদিকে  
চমকি আকাশময়

স্মরণ সরসব,  
;-  
ফুটে ওঠে কুবলয়,

চমকি বিদ্যভ্রতা মিলায় নিমিত্তে ।    ১৫

একি স্থান অভিনব!    বিচিত্র শিল্পের সব  
চৌদিকে দাঁড়ায়ে আছে ঘেরিয়া আমায় ;  
গায়ে তরু-লতা-পাত।                                      থোলো থোলো ফুল গাঁথা,  
বরফের—হীরকের টোপর মাথায়।    ১৬



তলভূমি সমুদয়                      ফুলে ফুলে ফুলময়,  
 শিরোপরে লম্বমান মেঘের বিতান ;  
 আকাশ পড়েছে ঢাকা,                      আর নাহি যায় দেখা  
 তপনের সুবর্ণের তরল নিশান। ১৭

কেবল বিজলি-মালা                      বেড়ায় করিয়ে খেলা ;  
 কেন গো, বিমানে আজি অমরী-অমর !  
 তোমরা কি সারদারে                      দেখেছ, এনেছ তাবে  
 ভূষিতে এ প্রকৃতির প্রাসাদ সুন্দর ! ১৮

হা দেবী, কোথায় তুমি !                      শূন্য গিরি-ফুলভূমি !  
 কোথায়—কোথায়—হায়—সারদা—সারদা !—  
 আর কেন হাস্য-মুখে !                      হানো উগ্র বজ্র বুকে !—  
 কি ঘোর তামসী নিশি !— \*\* \*\* \* ১৯

আহা ঈশ্বর সমীরণ !                      বুঝিলে তুমি বেদন !  
 বুঝিল না সুলোচনা সারদা আমার !—  
 হা মানিনী ! মানভরে                      গেছ কোন লোকান্তরে !—  
 বলো দেব, বলো বলো কুশল তাহার ! ২০

অয়ি, ফুলময়ী সতী                      গিরি-ভূমি ভাগ্যবতী !  
 অভাগার তরে তব হয়নি সৃজন ;  
 দেখা যদি পাই তার,                      দেখা হবে পুনর্বার ;  
 হলেম তোমার কাছে বিদায় এখন ॥ ২১

ওই ওই ভুণ্ডভূমে,                      আচ্ছন্ন তুহিন ধূমে  
 রয়েছে আকাশে মিশে অপরূপ স্থান !  
 আবছা আবছা দেখা যায়                      গুহা গোমুখের প্রায়,  
 পাতাল ভেদিয়া তায় ধায় যেন বান। ২২

ফেনিল সলিলরাশি                      বেগভরে পড়ে আসি,  
 চন্দ্রলোক ভেঙে যেন পড়ে পৃথিবীতে ;  
 সুধাংশু-প্রবাহ পারা                      শত শত ধায় ধারা,  
 ঠিকরে অসংখ্য তারা ছোটে চারিভিতে !—  
 অসংখ্য শীকর-শিলা ছোটে চারিভিতে। ২৩

শুঙ্গে শুঙ্গে ঠেকে ঠেকে,  
 লম্ফে লম্ফে বৌকে বৌকে,  
 জেলের জালের মতো হয়ে ছত্রাকার,  
 ঘুরিয়ে ছড়িয়ে পড়ে ;  
 ফেনার আরশি ওড়ে,  
 উড়েছে মরাল যেন হাজার হাজার। ২৪

আবরিয়ে কলেবর  
 ঝরিয়ে সহস্র ঝর,  
 ভুণ্ডভূমি মনোহর সেজেছে কেমন!  
 যেন ভৈরবের গায়  
 আহ্বাদে উথুলে ধায়  
 ফণা তুলে চুলবুলে ফণী অগণন। ২৫

নেমে নেমে ধারাগুলি,  
 করি করি কোলাকুলি,  
 একবেণী হয়ে হয়ে নদী বয়ে যায় ;  
 ঝরঝর কলকল  
 ঘোর রাবে ভাঙে জল,  
 পশু-পক্ষী কোলাহল করিয়ে বেড়ায়। ২৬

সিংহ দুটি শুয়ে তটে  
 আনন আবরি জটে,  
 মগন রমোছে যেন ত্যাপনার ধ্যান ;  
 আলসে তুলিছে হাই,  
 কাকেও দৃকপাত নাই,  
 গ্রীবাভঙ্গে কদাচিৎ চায় নদীপানে। ২৭

কিবে ভুণ্ড-পাদমূলে  
 উথুলে উথুলে দুলে  
 টলে টলে চলেছেন দেবী সুরধনী!  
 কবির, যোগীর ধ্যান,  
 ভোলা মহেশের প্রাণ,  
 ভারত-সুরভি-গাভী, পতিত-পাবনী।  
 পুণ্যতোয়া গিরিবালা!  
 জুড়াও প্রাণের জ্বালা!  
 জুড়ায় ত্রিতাপ-জ্বালা—মা, তোমার জলে! ২৮

পঞ্চম সর্গ

## গীতি

[রাগিণী বেহাগ,—তাল কাওয়ালী]

মধুর রজনী,  
 মধুর ধরণী,  
 মধুর চন্দ্রমা, মধুর সমীর!  
 ভাগীবতী-বুকে  
 ভাসি ভাসি সুখে  
 চলে ফুলময়ী তরী ধীর ধীর।

আলুথালু কেশ,  
ঘুমায় কামিনী রূপসী রুচির !  
অপরূপ হাস  
অধরপল্লব অলপ অধীর !  
না জানি কেমন  
দেখিছে স্বপন  
মধুর—মধুর—মুরতি মদির !

বেলা ঠিক দ্বিপ্রহর !  
নিঝুম নীরব সব—গিরি, তরু, লতা ।  
কপোতী সুদূর বনে  
ঘুঘু—ঘু ককরুণ স্বনে  
কাঁদিয়ে বলিছে যেন শোকের বারতা । ১

তুষায় ফাটিছে ছাতি,  
বেড়ায় মহিষ-যুথ চারিদিকে ফিরে ।  
এলায়ে পড়িছে গা,  
লটপট করে পা,  
ধুকিয়ে হরিণগুলি চলে ধীরে ধীরে । ২

কিবে স্নিগ্ধ-দরশন,  
অতল পাতালপুরী নিবিড় গহন !  
যত দূর যায় দেখা  
ঢেকে আছে উপত্যকা,  
গভীর গভীর স্থির মেঘের মতন । ৩

কায়াহীন মহা ছায়া  
বিশ্ব-বিমোহিনী মায়া  
মেঘে শলী ঢাকা রাকা-রজনী-রূপিণী,  
অসীম কানন-তল  
ব্যেপে আছে অবিরল ;  
উপরে উজ্জলে ভানু, ভূতলে যামিনী । ৪

ঘোর ঘোর সমুদয়,  
কি এক রহস্যময়,  
শান্তিময়, তৃপ্তিময়, ভুলায় নয়ন ;  
অনন্ত বরষাকালে  
অনন্ত জলদজালে  
লুকায়ে রেখেছে যেন জ্বলন্ত তপন । ৫

পত্র-রঞ্জ ধরি ধরি  
কিরণের ঝারা ঝরি  
মানিক ছড়িয়ে যেন পড়েছে কাননে,  
চিকন শাদ্দল-দলে  
দীপ দীপ করে জ্বলে  
তারকা ছড়ানো যেন বিমল গগনে ॥ ৬

ও কি দগ দগ করে।

কুঞ্জে কুঞ্জে দাবানল হইল আকুল ;

তরু থেকে তরুপরে,

বন হতে বনাস্তরে

ছুটে, যেন ফুটে ওঠে শিমুলের ফুল—

রাশি রাশি শিমুলের ফল। ৭

ଅର୍ଚିମୁଖ ଲକ ଲକ,

ভক ভক, ধক ধক,

দাউ দাউ ধুধু ধুধু, ধায় দশদিকে ;

বাক্য বাক্য হুকা ছোটো.

বোঁবোঁ বোঁবোঁ চৰ্কি লোটে.

মাতাল ছুটেছে যেন মনের বেঠিকে। ৮

দেখিতে দেখিতে দেখ

কেবল অনল এক,

একমাত্র মহাশিখা গুঠে নিরবধি :

আশ্বেয় শিখর পারে

যেন ওঠে বেগভরে

ভীষণ গগন-মুখী আগুনের নদী। ৯

दिगङ्गनागण येन

আতঙ্কে আডষ্ট হেন,

অটল প্রশান্ত গিরি বিদ্রান্ত উদাস :

চতুর্দিকে লক্ষ্যে রাখিয়া,

যন্ত যেন রণদম্ভ

তোলপাড় করে ধায় দারুণ বাতাস—

উঃ! কি আগুন-মাখা দারুণ বাতাস! ১০

ত্রিলোক-তারিণী গঙ্গা,

তরল তরঙ্গ-রঙ্গে

এ বিচিত্র উপত্যকা আলো করি করি

চলেছ মা মহোন্মাদে !

তোমারি পলিনে হাসে,

সদর সে কলিকাতা আনন্দ নগরী। ১১

আহা, স্নেহ-মাখা নাম,

আনন্দ—আনন্দ ধাম,

প্রিয় জন্মভূমি তুমি কোথায় এখন!

এ বিজন গিরিদেশে

## প্রকৃতি প্রশান্ত বেষে

যতই সাধুনা করে, কেঁদে ওঠে মন :—

কেন মা! আমার তত কেঁদে ওঠে মন! ১২

হে সারদে দাও দেখা।

বাঁচিতে পারিলে একা,

কাতর হয়েছে প্রাণ, কাতর হৃদয় :

কি বলেছি অভিমানে

শুনো না শুনো না কানে,

বেদনা দিওনা প্রাণে ব্যথার সময়! ১৩

অহ, অহ, ওহো, ওহো,                      কি মহান সমারোহ !  
                  ঘোর-ঘটা মহাছটা কেমন উদার !  
 নিসর্গ মহান মূর্তি                      চতুর্দিকে পায় স্মৃতি,  
                  চতুর্দিকে যেন মহা সমুদ্র অপার। ১৪  
 অনন্ত ভরঙ্গমালা                      করিতে করিতে খেলা  
                  কোথায় চলিয়া গেছে, চলে না নজর ;  
 দৃষ্টিপথ-প্রান্তভাগে                      মায়ায় মিশিয়া জাগে  
                  উদার পদার্থরাজি সাজি থরেথরে। ১৫

উদার—উদারতর                      দাঁড়ায় শিখরপর  
                  এই যে হৃদয়-রানী ত্রিদিব-সুষমা !  
 এ নিসর্গ-রঙ্গভূমি,                      মনোরমা নটী তুমি,  
                  শোভার সাগরে এক শোভা নিরুপমা ! ১৬

আননে বচন নাই,                      নয়নে পলক নাই,  
                  কান নাই মন নাই আমার কথায় ;  
 মুখখানি হাসহাস,                      আলুথালু বেশবাস,  
                  আলুথালু কেশপাশ বাতাসে লুটায়। ১৭

না জানি কি অভিনব                      খুলিয়ে গিয়েছে ভব  
                  আজি ও বিহুল মত্ত প্রফুল্ল নয়নে।  
 আদরিণী, পাগলিনী,                      এ নহে শশি-যামিনী ;  
                  ঘুমাইয়ে একাকিনী কি দেখ স্বপনে? ১৮

আহা কি ফুটিল হাসি !                      বড় আমি ভালোবাসি  
                  ওই হাসিমুখখানি প্রেয়সী তোমার,  
 বিবাদেব আবরণে                      বিমুক্ত চন্দ্রাননে  
                  দেখিবার আশা আর ছিল না আমার !  
 দরিদ্র ইন্দ্রজ লাভে                      কতটুকু সুখ পাবে,  
                  আমার সুখের সিদ্ধ অনন্ত উদার ;—  
                  কবির সুখের সিদ্ধ অনন্ত উদার ! ১৯

ও বিধু-বদন-হাসি                      গোলাপ-কুসুম-রাশি,  
                  ফুটে আছে যে-জন্য নেশার নয়নে ;  
 সে যেন কি হয়ে যায়,                      সে যেন কি নিধি পায়,  
                  বিহুল পাগলপ্রায়, বেড়ায় কি বকে বকে আপনার মনে,

এসো বোন, এসো ভাই,  
হেসেখেলে চলে যাই  
আনন্দে আনন্দ করি আনন্দ কাননে!  
এমন আনন্দ আর নাই ত্রিভুবনে! ২০

এমন আনন্দ আর নাই ত্রিভুবনে!  
হে প্রশান্ত গিরি-ভূমি,  
জীবন জুড়ালে তুমি  
জীবন্ত করিয়ে মম জীবনের ধনে!  
এমন আনন্দ আর নাই ত্রিভুবনে! ২১

প্রিয়ে সঞ্জীবনী-লতা,  
কত যে পেয়েছি ব্যথা  
হেরে সে বিষাদময়ী মুরতি তোমার!  
হেরে কত দুঃস্বপন  
পাগল হয়েছে মন,  
কতই কেঁদেছি আমি করে হাহাকার! ২২

আজি এ সকলি মম  
মায়ার লহরী-সম  
আনন্দ-সাগর মাজে খেলিয়া বেড়ায়।  
দাঁড়াও হৃদয়েশ্বরী,  
ত্রিভুবন আলো করি,  
দুনয়ন ভরি ভরি দেখিব তোমায়! ২৩

দেখিয়ে মেটে না সাধ,  
কি জানি কি আছে স্বাদ,  
কি জানি কি মাখা আছে ও শুভ আননে!  
কি এক বিমল ভাতি,  
প্রভাত করেছে রাতি;  
হাসিছে অমরাবতী নয়ন-কিরণে! ২৪

এমন সাধের ধনে  
প্রতিবাদী জনে জনে,  
দ-মায়া নাই মনে, কেমন কঠোর!  
আদরে গাঁথেছে বাল্য  
হৃদয়-কুসুম-মালা,  
কৃপাণে কাটিবে কে রে সেই ফুলডোর! ২৫

পুন কেন অশ্রুজল!  
বহ তুমি অবিরল!  
চরণ কমল আহা ধূয়াও দেবীর!  
মানস-সরসী-কোলে  
সোনার নলিনী দোলে,  
আনিয়ে পরাও গলে সমীর সুধীর!  
বিহঙ্গম! খুলে প্রাণ  
ধর রে পঞ্চম তান!  
সারদা-মঙ্গল গান গাও কুতূহলে! ২৬

মাধুরী

বেশল হৃদয়ে দেখি, দেখাইতে পারিনে। ১

ওনে, সুখে হরিণীর আঁখি করে ঢুলঢুল। ২

বুঝিতে পারি না, শুধু আঁখি ভরি দেখি তায়। ৩

বিকচ আননে কিবে মৃদুল মধুর হাস! ৪

\* বলো, কারে দেখিয়াছ? কোথা গেলে দেখা পাই! ৫

অহো! বিশ্ব-পরকাশী                                  উদার সৌন্দর্যরাশি  
জলে-স্থলে-আকাশে সদাই বিরাজিত ;  
যেদিকে ফিরিয়া চাই                                  সৌন্দর্যে ডুবিয়া যাই ;  
অত্যাশ্চর্যসকলী, অয়ি                                  পরম আনন্দময়ী!—  
কে তুমি, মা! কান্তিরূপে সর্বভূতে বিভাষিত? ৬

কে ছুমি, ভকত-জন                      জুড়াইতে প্রাণ-মন  
মনের মতন তার মুরতি-ধারিণী?  
সৌন্দর্য-সাগর-মাঝে                      কে গো এ সুন্দরী রাজে,  
আকাশের নীল জলে প্রফুল্ল নিলিনী!    ৭

কে তুমি প্রাণেতে পশি,  
কান্তি-সংকলিত-কায়া অপরূপা  
করি অপরূপ আলো  
না জানি, কি মোহ-মস্ত্রে

ত্রিদিবের পূর্ণশশী,  
ললনা?  
কি বিচিত্র খেলা খেলো!  
এ অসাড় দেহ-যন্ত্রে

আপনি বিদ্যুৎবেগে বেজে ওঠে বাজনা!  
তুমি কি প্রাণের প্রাণ? তুমিই কি চেতনা?

কে তুমি, প্রাণীর বেশে                      খেলা কর দেশে দেশে  
যুগলে যুগলে সুখসন্তোগে বিহুল?  
কে তুমি মানব-দ্বন্দ্ব,                      মূর্তিমান প্রেমানন্দ,  
নয়নে নয়ন রাখা,                      আননে সুশান্ত মাথা ;  
ঢল ঢল করে কোলে শিশু শতদল?    ৯

কে তুমি জননী, পিতা, নন্দিনী, রমণী, মিতা,  
 প্রেম-ভক্তি-স্নেহ-রস-উদার-উচ্ছ্বাস?  
 কে তুমি মা জল-স্থল, মহান অনিলানল,  
 নক্ষত্র-খচিত নীল অনন্ত আকাশ?  
 কে তুমি? কে তুমি এই বিরাট বিকাশ? ১০

কোটি কোটি সূর্য-তারা  
পূর্ণ-তৃণ-তরু-প্রাণী  
ক্ষুদ্রাদপি ক্ষুদ্রতরে  
কি যেন মহান গীতি বাজিতেছে সমস্তরে।  
চাহি এ সৌন্দর্য পানে,  
কে যেন কতই রূপে একা মীলাখেলা করে!



হয়তো এদিক হবে প্রলয়-প্রবণ ;  
এদিকে যাইছে যাত্রী হইতে নিধন ।  
উদয়ের সঙ্গে সঙ্গে প্রলয় ধেয়েছে রঙ্গে,  
জীবনের সঙ্গে সঙ্গে চলেছে মরণ ।  
আপনি সময় হলে সূর্য চলে অস্তাচলে,  
আবার সময়ে হয় উদয় কেমন! ১৩

নিতি নিতি তরু-লতা                      নধর নূতন পাতা,  
কেমন প্রফুল্ল আহা কুসুম সুন্দর!  
ঝরে যায় পরম্পরা                      ব্যথিয়া নয়ন-মন,  
আবার তেমনি ফল ফোটে থর থর! ১৪

বিশ্বের প্রকৃতি এই, একেবারে লয় নেই ;  
 এক যায়, আর আসে তরুণ সৌন্দর্যে ভাসে।  
 মহাপ্রলয়ের কথা, কি বিষম বিষমতা !  
 বিশ্ব গেছে, কান্তি আছে,—অনুভবে আসে না ;  
 দেহখানি ধ্বংস হলে কান্তিটক থাকে না। ১৫

তেমনি, এ বিশ্ব থেকে  
 চাও, বিশ্ব পানে চাও  
 কোথা তুমি, কোথা আমি,  
 সূর্য-চন্দ্র দিন-রাত,  
 কোথা? কোথা? কোথা তুমি বিশ্ব-বিকাশিনী!  
 এসো মা! ঘোরাঙ্ককারে তিস্তিতে পারিনি।  
 তুমিই বিশ্বের আলো, তুমি বিশ্ব-রূপিণী। ১৬

এ বিশ্ব মন্দিরে তব                      কিবে নিভা নবোৎসব!  
আনন্দে অবোধ ছেলে                    বেড়াই হৃদয় ঢেলে।  
কে তুমি মা বিশেষরী!                দাঁড়িয়েছ আলো করি?  
সদাই সম্মুখে দেখি, তবু তোরে চিনি না।  
যখন যা আসে মনে—                  ডাকি সেই সন্ধানে।  
মা ছাড়া মায়ের কোনো নাম আমি জানি না।     ১৭



এ ব্রহ্মাণ্ডে রহস্যই সব। ২২

সকলি কি যেন এক সাধের স্বপন! ২৩

যোগীরা দেখেছে তাঁরে যোগের সাধনে। ২৪

সকলেরি আন্তরিক অতি আদর্শিণী। ২৫

দেখিতে বিহ্বল মন—

ব্রহ্মা-বিষ্ণু-মহেশ্বর চির-পরাজয়ী গো! ২৬

জগতে কিরণ দেয় তোমারি কিরণে। ২৭

উদার—উদার দৃশ্য                      এই যে বিচিত্র বিশ্ব,  
পরিপূর্ণ-প্রেম-স্নেহ                      কাহার বিনোদ গেহ!

কাহার করুণা-রসে আর্দ্র দিন-যামিনী!  
কিনি এর অধিষ্ঠাত্রী অপরূপ রূপিণী!        ২৮

আকাশ পাতাল ভূমি  
এক করে বরাভয়,  
নিয়ত প্রলয় হয় অন্য করতলে।  
দশদিকে পায় স্ফুর্তি,  
তোমার মহান মূর্তি,  
অনাদি অনন্তকাল লোটে পদতলে! ২৯

সকলি, কেবল—ভূমি।  
বিশ্বের নিয়তোদয় ;

প্রত্যক্ষে বিরাজমান,                      সর্বভূতে অধিষ্ঠান,  
তুমি বিশ্বময়ী কান্তি, দীপ্তি অনুপমা ;  
কবির যোগীর ধ্যান,                      ভোলা প্রেমিকের প্রাণ.  
মানব মনের তুমি উদার সম্মা। ৩০

“যা দেবী সর্বভূতেষু কান্তিরূপেণ সংস্থিতা  
নমস্তসৌ নমস্তসৌ নমস্তসৌ নমোনমঃ ।”

দ্বিতীয় সর্গ

গোধূলি ও নিশীথে  
গোধূলি

সুশান্ত গোধূলি বেলা!  
নদীর পুতুলগুলি ভুলিয়াছে খেলাদেলো।  
চেয়ে দেখে কুতূহলে                      সূর্য যায় অস্তাচলে,—  
কেমন প্রশান্ত মূর্তি, কোথায় চলিয়া গেল!  
লাল-নীল মেঘে মাখা,                      কিরণের শেষ রেখা  
আর নাহি যায় দেখা, আঁধার হইয়া এল। ১

বসিয়ে মায়ের কোলে                      আদর করিয়া দোলে,  
আকাশের পানে চায় তারা ফোটা দেখিতে,  
হয়েছে নতুন আলো ঠাঁদমুখের হাসিতে! ২











दशदिक् सुप्रकाश :

দশদিকে কার সব হাসিমাখা প্রতিমা

রাজে যেন ইন্দ্রধনু!

তোমার মতন তনু,

তোমার মতন কেশ,

তোমার মতন বেশ,

তোমারি মতন দেবী! আনন-মধুরিমা।

## তোমারি এ রূপরাশি

আকাশে বেড়ায় ভাসি

## তোমার কিরণজাল

ভুবন করেছে আলো,

গ্রহ-তারা-শশী-রবি,

তোমারি বিন্মিত ছবি ;

আপন লাভণ্যে তুমি বিভাসিত আপনি।

মোহিত হইয়া দ্যাখে ভক্তিভাবে ধরণী। ৩

অধরে ধরে না হাস,

মনে ওঠে কি উল্লাস?

অখিল ব্রহ্মাণ্ড বুঝি উদয় হয়েছে প্রাণে?

## ক্ষণে ক্ষণে অভিনব

মহান মাধুর্য তব!

কি যেন মহান গীতি বাজিয়াছে ঐকতানে। ৪

অমৃত সাগরে হাসে ঘুমন্ত জেমাছনা-জল,

আহা কি হৃদয়হাবী বায়ু বহে অনিরল।

ফুলের খেলার কোলে

সুধীর লহরী দোলে,

অতি দূর দৃষ্টিপথে অতি ধীর ঢল ঢল ;

ঈশৎ দোদুল্যমান প্রফুল্ল কমল বনে

কে তুমি ত্রিদিবরানী বিহর আপন মনে? ৫

কে এঁরা সঙ্গিনী সব?

লোচনের নবোৎসব,

উদার অমৃত জ্যোতি, সুদীপ্ত-কলিত কায়া,

বেড়িয়ে বেড়ায় যেন তোমারি প্রাণের ছায়া। ৬

আকুল কুশলজাল,

আননে অপূর্ব আলো,

নয়ন করুণাসিন্ধু, মূর্তিমতী দয়ামায়া ;

বেড়িয়ে বেড়ায় যেন তোমারি প্রাণের ছায়া। ৭

অমৃত সাগরে ভাসি,

बुद्धमन्द शसि शसि

আদরে আদরে তুলি নীল নলিনী আনি,

মিটায়ে মনের সাধ সাজাইছে পা দুখানি। ৮

আমিও এনেছি বালা!

প্রেমের প্রফুল্ল মালা

সৌরভে আকুল হয়ে পারিনি পরাতে গায় :

সজল নয়নে শুধু চেয়ে আছি রাঙা পায়। ৯

## नन्दन-कानन

দিগন্ত-জলাট-পটে সাধের নন্দন বন,  
আধ আধ ঘুমঘোরে যেন কি দেখি স্বপন।  
ফুটিয়াছে পারিজাত, যেন কত গুকতারা,  
উঠিয়াছে নীলাকাশে মাখিয়া সুধার ধারা। ১

অপূর্ব সৌরভময়                      কি সুখ-সমীর বয়!  
পুলকিত মনঃপ্রাণ, সাধ যায় দেখিতে,  
কতই ফুলের গাছে                      কত ফুল ফুটে আছে.  
কতই হয়েছে শোভা সে ফুল-মাধুরীতে!    ২

না জানি কেমনতর ফুলশয্যা মনোহর,  
চিরফুল ফুলদলে চাঁদের হাসির তলে  
কেমন ঘুমায় সুখে অমর-অমরীগণ!  
সমীরণ বুর্ বুর্ শ্বেদলব করে দূর,  
কেমন সুরভি শ্বাস, হাসিমাখা চন্দ্রানন। ৩

কিবে মন-মুগ্ধ-কারী, কল্পতরু সারি সারি,  
দাঁড়ায়েছে অতিথির পুরাইতে কামনা !  
মধুর অমৃত ফল, জ্যোৎস্নাময় নিশ্চল জন,  
যা চাহিবে, অজচ্ছল, নাই কোনো ভাবনা। ৪

কিছুই কামনা নাই,  
কেন বা পশিতে চাহ  
দেবতার ঘুমাবার আরামের মরমে?  
নির্জনে দাঁড়ায়ে একা

মনে মনে ভাবি তাই,  
  
  
ঘুমন্তের রূপ দেখা  
দেখে, দিগঙ্গনাগণ শিহরিবে শরমে।   ৫

ঘুমন্ত রূপের রাশি  
দেখি ঘুম ভেঙে উঠে,  
কি এক আলোয় গৃহ আলো হয়েছে কেমন!  
আলুথালু হয়ে প্রিয়া  
মুক্তদ্বার বাতায়ন,  
চাঁদের মধুর হাসি

নিজ তল্ল ভালোবাসি  
কি ফুল রয়েছে ফুটে!  
আছে সুখে ঘুমাইয়া ;  
ঝুরুঝুরু সমীরণ ;  
আননে পড়েছে আসি,

বিগলিত কুন্তল

কি মধুর চঞ্চল!

মধুর মুরতি দেবী কি মধুর অচেতন!

নিমীলিত নেত্রদুটি যেন ধ্যানে নিমগন। ৬

কপোলে কমল শোভা,

কমলার মনোলোভা ;

ভালে স্নিগ্ধ জ্যোতিষ্মতী ;

বিরাজেন সরস্বতী ;

নিশ্বাসে ফুলের বাস ;

অধরে জড়িত হাস ;

দেখি—দেখি—যত দেখিবার বাড়ে সাধ ;

মনঃপ্রাণ স্নেহে ভোর ;

নয়নে প্রেমের লোর ; .

ঘুমন্ত নীরব রূপে না জানি কি আছে স্বাদ! ৭

আহা, এই মুখখানি,

স্নেহমাখা মুখখানি,—

প্রেমভরা মুখখানি

ত্রিলোক-সৌন্দর্য আনি, কে দিল আমায়!

কোথায় রাখিব বেলো—

রাখিবার নাই স্থল,

নয়ন মুদিতে নাহি চায় ;

হৃদয়ে ধরিতে না কুলায়!

প্রিয়ে, প্রাণ ভরে দেখিরে তোমায়! ৮

উঠো, প্রেয়সী আমার—

উঠো, প্রেয়সী আমার!

জীবন-জুড়ানো ধন, হৃদি ফুলহার!

উঠো, প্রেয়সী আমার। ৯

কি জানি কি ঘুমঘোরে,

কি চোকে দেখেছি তোরে,

এ জনমে ভুলিতে রে পারিব না আর!

প্রেয়সী আমার!

নয়ন-অমৃতরাশি প্রেয়সী আমার! ১০

তোমার পবিত্র কায়্য,

প্রাণেতে পড়েছে ছায়া,

মনেতে জন্মেছে মায়া ; ভালোবেসে সুখী হই ;

ভালোবাসি নারী-নরে,

ভালোবাসি চরাচরে,

ভালোবাসি আপনারে, মনের আনন্দে রই।

প্রেয়সী আমার!

নয়ন-অমৃতরাশি প্রেয়সী আমার! ১১

তোমার মুরতি ধরে

কে এসেছে মোর ঘরে?

কে তুমি সেজেছ নারী?

চিনেও চিনিতে নারি ;

উদার লাভণ্যে তব

ভরিয়া রয়েছে ভব ;

তুমিই বিশ্বের জ্যোতি.

হৃদ্পদ্মে সরস্বতী ;

প্রেম-স্নেহ-ভক্তিভাবে দেখি অনিবার!

প্রেয়সী আমার!

নয়ন-অমৃতরাশি প্রেয়সী আমার! ১২

ওই চাঁদ অস্তে যায়, বিহঙ্গ ললিত গায়,  
মঙ্গল আরতি বাজে, নিশি অবসান ;  
উঠো, প্রেয়সী আমার!

তোমার আননখানি হেরিবারে উষারানী  
আসিছেন আলো করে হাসিছে বয়ান।  
উঠো, প্রেয়সী আমার, মেলো, নলিন নয়ান! ১৩

ত্রিলোক-সৌন্দর্য সেই প্রিয়া! তোর প্রিয়মুখ,  
হৃদয়ে রয়েছে জেগে দেব-সুদূর্লভ সুখ!  
শচীর ঘুমন্ত মুখ দেবরাজ! দেখনি?  
মহাসুখে মহীয়সী আমাদের অবনী। ১৪

যে যুগে তোমরা জাগ, সকলেরি জাগরণ ;  
এ যুগে নন্দনবনে সবে ঘুমে অচেতন।  
আমাদের মর্ত-ভূমে কেহ জাগে, কেহ ঘুমে  
সূর্য যায় অস্তাচলে, রাত্রে হয় চন্দ্রোদয়।  
এ চির-পূর্ণিমা-নিশি তেমন সুন্দর নয়। ১৫

সেই মুখ, শুভ মুখ, সেই সুখ, পূর্ণ সুখ ;  
অমরের অপরূপ স্বপ্ন-সুখ নাহি চাই।  
কে বলে? 'ধরার কাছে কালের চাতর আছে ,  
কালো কালান্তক মূর্তি আচম্বিতে পায় স্মৃতি ;  
রোগ-শোক সঙ্গে তার, চতুর্দিকে ধুমুয়ার ;  
হিহি হিহি অটুহাসে ঝলকে বিদ্যুৎ ভাসে ;  
ঘোরঘট্ট চণ্ড রব, আতঙ্কে নিস্তব্ধ সব ;  
প্রভাতে তাবার মতো কে কোথায় অস্তগত।"  
এ সকল মিথ্যা কথা, আকাশ-ফুলের লতা ;  
প্রেমের আনন্দ-ধামে মরণের ভয় নাই। ১৬

নবীন-নীবদ-কায়া, কিবে শান্তিময়ী ছায়া!  
কে যেন করুণাময়ী স্নেহে কোল দিতে চায় ;  
ক্লীড়া করি রঙ্গভূমে, বসি বসি ঢোলে ঘুমে,  
অতি শ্রান্ত-ক্লান্ত প্রাণী আপনি ঘুমায়ে যায়। ১৭

१०५

সকলেই ভাই ভাই,  
যখন যে ফল পায়  
এ দেয় উহার মুখে,  
আনন্দের সীমা নাই।  
কাড়াকাড়ি করে খায় ;  
ও পড়ে উহার বুকে ;  
কত কান্না, কত হাসি, কত মান-অভিমান।  
কোথায় আমার হয় সেই সাদা খেলা প্রাণ! ২৩

শারদ পূর্ণিমা নিশি ;  
অনন্ত কুসুমে সাজি  
অখণ্ড-মণ্ডল চাঁদ,  
স্মরি সেই ব্রজবালা  
ধীর সমীরে  
কি মধুর দশ দিশি!  
হাসে লতা-তরু-রাজি।  
প্রেমের মোহন ফাঁদ।  
আসি নটবর কালা  
যমুনাতীরে,  
জুড়াতে বিরহজ্বালা সে পুলিন-বিপিনে  
আদরে বাজান বাঁশি  
চালিয়া অমৃতরাশি।  
বঁশি বলে 'রাধে রাধে!  
কোথায় মানিনী মোর! তোমা বিনে বাঁচিনে।  
দেখা দাও অধীনে।' ২৪

নানা কথা ওঠে মনে ;  
যাব না নন্দনবনে  
যাই আমি ফিরে যাই সে কমলকাননে,  
দেখিগে যোগেন্দ্রবালা যোগ-ভোলা নয়নে। ২৫

#### পঞ্চম সর্গ

### অমরাবতীর প্রবেশপথ

দৃষ্টিপথ-প্রান্তভাগে ওই কি অমরাবতী?  
মহান বিচিত্র মূর্তি, কি উদার জ্যোতিষ্মতী!  
অতি শুভ্র মেঘমাজে  
সোনার কিরণে রাজে,  
সহস্র ধারায় যেন বহে স্বর্ণ-স্রোতস্বতী। ১

অগ্নান চাঁদের মালা  
ঘেরে ঘেরে করে খেলা,  
দূরে দূরে ইন্দ্রধনু কি সুন্দর সেজেছে!  
অতি উর্ধ্ব শিরোভাগে  
বিচিত্র পদার্থ জাগে ;  
মৃদু মৃদু দেখা যায়,  
মৃদুল কিরণ গায় ;  
ঠিক যেন ছায়াপথ।  
বিজয় পতাকা মতো  
দীর্ঘাঙ্গ আকাশে ঢেলে না জানি কি উড়েছে! ২



ওঁরা বুঝি সপ্তঋষি  
অমর নগর হতে

প্রভায় উজ্জলি দিশি  
আসিছেন পদ্মপথে?  
রোমাঞ্চ-কিরণ-জালে যেন সপ্ত সূর্যোদয়।  
শ্লিষ্ট-প্রাণা দিগঙ্গনা চমকিয়া চেয়ে রয়। ৯

তাম্র শাস্ত্র, তাম্র জটা

বিতরে বিজলি-ছটা।

আনন্দ উছলে মুখে, লোচনে কি করুণা!  
কি তপ্ত-কাঞ্চন-দেহ!

সর্বাস্ত্রে উদার স্নেহ।  
কর-পদ-তল-আভা কি উজ্জ্বল অরুণা! ১০

মহেশের স্তোত্রগানে  
'হব হর মহেশ্বর!'  
তেজোময় সঞ্চরণে

যান ব্যোম গঙ্গা-স্নানে।  
উঠিছে শঙ্কর স্বর।  
পূত করি ত্রিভুবনে  
সূর্য যেন তীক্ষ্ণ প্রভা সম্বরিয়া চলিল।  
চির-পূর্ণিমার নিশি পুন হেসে উঠিল। ১১

কারা ওই কন্যাগুলি,  
তকদের কাছে কাছে

বাহুল্য তুলি তুলি  
আদরে কুসুমে যাচে?  
করপুট-ভরা-ফুল, কারো করে হাসে মালা।

কি যেন কামনা-লাভে

গদগদ ভক্তিভাবে  
করি কলকোলাহল না জানি কি করে খেলা! ১২

নূতন সুরস্বরে,

কি যেন গান করে,  
কি যেন ভোরে সব হরষে গায় পাখি!

মধুর তানে তান ;

কাড়িয়া লয় প্রাণ।  
হেরিতে ধায় মন, কেন বা ধরে রাখি! ১৩

কে তোরা স্বর্গের মেয়ে,

জ্যোৎস্না-সলিলে নেয়ে,

কিরণ-বসন পরি আলু করি কালো চুল,  
নক্ষত্রের শিব গড়ি,

তান লয়ে মন্ত্র পড়ি,  
অঞ্জলি পুরিয়া দিস প্রফুল্ল মন্দার ফুল? ১৪

তোমাদের পানে চেয়ে

হৃদয় জড়িত স্নেহে,  
চলিতে চলে না পা, চক্ষু ফিরে আসে না।

কই গো তোদের স্নেহ?

জিজ্ঞাসা কর না কেহ!  
করেছে দারুণ বিধি—

হেথাও কি সেই বিধি!  
যে যাহারে স্নেহ করে, সে তাহারে চাহে না? ১৫



গাও আরো তুলে তান                      ত্রিপুর-বিজয় গান!  
পূজ পূজ ভক্তিভরে                      ভক্তাধীন মহেশ্বরে!  
তোদের করুন তিনি                      শুভ বাঞ্ছা প্রফুল্লিনী!  
  
যাই, বাছা, ফিরে যাই সে কমল কাননে ;  
দেখিগে যোগেন্দ্রবালা যোগ-ভোলা নয়নে!    ১৬

কে তুমি?

উদয় অচল হতে                      আপনার গৃহপথে  
আসে বুঝি ঊষারানী?          কি মধুর মুখখানি!  
এমন সন্দর মেয়ে দেখি নাই নয়ানে।

তাই বুঝি পুরমাঝে সুমঙ্গল শঙ্খ বাজে  
কন্যাগণ, বুঝি তাই আনন্দের সীমা নাই,  
আদরে আদরে আসি করে শুভ আবাহন?  
আহুদে আপনা ভুলে হেলে-দুলে ঢুলে ঢুলে  
বরষি মন্দির-ধারা পজা করে তরুণণ? ২

চাহিয়া উঁহার পানে                      কি যেন বাজিল প্রাণে,  
কতই স্মরণ করি স্মৃতিপটে ফোটে না ;  
অকারণ কি কারণ                      কেঁদে কেঁদে ওঠে মন  
এই যে কি স্বপ্ন দেখে                      চমকিয়া ঘুম থেকে  
উঠিলাম ;                      ভাবিলাম ;  
হায় সে স্বপন কেন আর মনে পড়ে না ! ৩

কেন পতিব্রতা মেয়ে! আমারও পানে চেয়ে  
করুণনয়নে তব ভরিয়া আসিল জল?  
আহা, সমসুখীদুখী, অকলঙ্ক-শশি-মুখী!  
ত্যজেছ মানবী-কায়া, ত্যজনি মানব-মায়া!  
তোমাদের আশীর্বাদে বেঁচে আছে ডুমগুল। ৫

আসা, এই কল্‌বরে                      সাজে কি এ লোকান্তরে?  
তোমায় করুণারানী! সুমধুর সেজেছে,  
স্বর্গের শোভার মাঝে কি শোভাই হয়েছে! ৭

পদে পদে বাধা পাই,  
আপনার ভাবে ডুলে  
মধুর উজ্জ্বল ভাষা,  
বুঝি কি কিন্তুত ঠ্যাকে,

তবু স্নেহে ধৈর্যে যাই ;  
কহি আমি প্রাণ খুলে  
পরিপূর্ণ-ভালোবাসা।  
মুখপানে চেয়ে দ্যাখে,

সদয়-হৃদয়ে কেহ ধীর হয়ে শোনে না ,  
বুঝিতেও পারে না ; কোনো কথা কহে না। ৯

228

তব অশ্রুকাটুকু অমৃত-অধিক ধন  
পেয়ে, এ অদ্বিত লোকে জুড়াল তুষিত মন। ১০

আজি মা অভাবে তব                      ধরাদাম নিরুৎসব,  
শ্রীহীন মলিন পতি বুঝি প্রাণে বেঁচে নাই ;  
বাছুরা শোকের ভরে                      কি যে হাহাকার করে,  
কল্পনা করিয়া আমি ভাবিতেও ভয় পাই। ১১

থাক পৃথিবীর কথা ;  
 সতীরা যে লোকে যায়  
 সতী-পদ-পরশনে  
 অকলঙ্ক রূপরশি,  
 কি এক পদার্থ আহা!  
 নির্বিকার অন্তরে  
 ভোগ করে অতি সুখে সুরবালা সখীগণ ;  
 আজি মা তোমায় পেয়ে, কি আনন্দে নিমগন,  
 কি আনন্দে কাছে আসি করিছেন আবাহন! ১২

দেখো, চারিদিকে তব  
আনন্দে উদ্ভাস-প্রায়  
তরু সব ফুলেফুল,  
কতই হরষভরে  
উথলে অমৃত সিদ্ধি,  
দিব্য-মূর্তি ছেলেগুলি,  
তোমার রথের পানে মুগ্ধ নয়নে চায়।  
কাদের সাধের ধন! আয়, তোরা বকে আয়! ১৩

ওই শুন ওই শুন                      আঘোষে তোমার গুণ  
পূরমাঝে উঠিয়াছে কি মধুর বাজনা।  
শঙ্কের মঙ্গল ধ্বনি, আগমনী-গাহনা।    ১৪

ফেলে কোথা চলে যাও,                      চাও গো মা ফিরে চাও!  
একবার প্রাণ ভরে হেরি তোর মুখখানি!  
যেস এ আনন্দধামে কেন কেঁদে ওঠে প্রাণী? ১৫

আর—কি করি হেথায়!

একটুও যে সখে স্থখী,

একটুও যে দখে দুখী,

অমরের অমরায় ওই সে চলিয়া যায়।  
কি করি হেথায়! ১৬

মনে করি ধীরে ধীরে  
নির্জনে গাঁথিয়া মালা,  
পদ্মবনে যাই ফিরে,  
পূজিগে যোগেন্দ্রবালা ;  
ফিরেও ফিরিতে নারি, কি যেন আটকে পায়।  
কি করি হেথায়! ১৭

এলেম যাদের পাশে,  
বুঝে না মনের ব্যথা,  
কই তারা ভালোবাসে,  
একটিও কহে না কথা ;  
তবু এ পাগল-প্রাণ কেন রে তাদেরি চায়!  
কি করি হেথায়! ১৮

না জানি কি ফুল দিয়া  
আপন সৌরভে কেন আপনি পাগল-প্রায়।  
গড়া, এ আমার হিয়া,  
কি করি হেথায়! ১৯

গাও সুমঙ্গল গান!  
মহান-পবিত্র-আত্মা কে তোমরা পুণ্যলোক,  
জুড়াও সতীর প্রাণ!  
অভয় অশোক হয়ে ভোগ কর সুরলোক? ২০

নন্দন-কানন-কোলে  
ঘুমান দেবতা সব!  
চলো অভিনব মনে  
জাগ্রত দেবতা তিনি  
অমৃত সাগর জল  
দিগঙ্গনা দিকে দিকে  
বাতাসে বাঁশির স্বরে  
আপনি আকাশমাঝে  
ঘুমায় স্বপন-ভোলে,  
কলিযুগ অভিনব।  
সরস্বতী দরশনে।  
সদানন্দে সুহাসিনী।  
পদতলে ঢল ঢল।  
চেয়ে আছে অনিমিখে।  
প্রাণ খুলে গান করে।  
কি মধুর বীণা বাজে!  
হৃদয় ভেদিয়া ওঠে স্তোত্রগীতি অনিবার।  
প্রেমের প্রফুল্ল ফুলে শ্রীচরণ পূজি তাঁর। ২১

মনের মুকুরতলে  
ভুবনমোহিনী মেয়ে  
আপনি বিহুলা বালা  
তুচ্ছ করি স্বর্গসুখ,  
শশী যেন স্বচ্ছ জলে,  
আপনার পানে চেয়ে  
কে তুমি করিছ খেলা?  
উথলি উঠিছে বুক।

মধুর আবেগভরে                      মধুর অধীর করে।  
 চমকি চৌদিকে চাই,                      তোমা বই কিছু নাই।  
 ত্রিভুবন তুমি মাত্র!                      দেখিতে শিহরে গাত্র ;  
     ধরিতে, অধীর মন ;  
     কি পবিত্র কি মহান কি উদার কপরাশি!  
 অহো! কি ত্রিতাপ-হারী জীবন-জুড়ানো হাসি! ২২

অয়ি—অয়ি সরস্বতী!                      তব পাদপদ্মে মতি  
     নির্মলা অচলা হয়ে থাকে যেন চিরদিন!  
 সেই বিজয়ার দিনে                      বাজায় প্রাণের বীণে,  
 ভরি ভরি দু-নয়ন                      তোর এই শুভানন  
     দেখিতে দেখিতে হই কালের সাগরে লীন! ২৩

### সপ্তম সর্গ

### মায়া

একি, একি, একি মায়া!  
 অমরার দ্বার হতে                      সম্মুখে মানবী কায়া  
     কালো রূপে আলো করে কার কুলকামিনী?  
 বিগলিত কেশপাশে                      মতিয়া মল্লিকা হাসে,  
     নলিন-নয়না সতী মৃদুমন্দগামিনী।  
 নাচে মার কোল পেয়ে                      ভুবনমোহিনী মেয়ে,  
     নাচে কালিকার কোলে স্বর্ণপাতা দামিনী। ১

ফিকি ফিকি হাসি মুখে,  
 চোকেতে কি কথা কয়,  
 'মায়ে-ঝিয়ে হাসিখুশি,  
     দেখিতে দেখিতে, কই, কোথায় মিলিয়ে গেল!  
     এ মায়া, কাহার মায়া, কেন গেল, কেন এল। ২

উড়িছে পদ্মের রেণু,  
 মায়ের কোলের কাছে  
 কি সুন্দর দরশন!  
 এরাই কি মায়া করে  
 করিল কুহক-খেলা?  
 সব যেন জ্যোৎস্নাময়,  
     ফের কেন কামধেনু?  
     নন্দিনী দাঁড়ায়ে আছে।  
     রূপে আলো পদ্মবন।  
     মানুষের মূর্তি ধরে  
     দিবসে চাঁদের মেলা,  
     নক্ষত্র ফুটিয়া রয়,

মায়াবী মুরতি ধরে নবীন নবীন ! ৩

যখন প্রথম দেখা, কোথা থেকে এলে একা  
 পীতাম্ব-সুনীল-বর্ণা এই পদ্মপথ মাজে,  
 চন্দ্রমামণ্ডলে যেন শশাঙ্ক-শ্যামিকা সাজে। ৫

গতি কিবে শুভকরী,  
আখ আখ মাতোয়ারা!  
স্নেহরব করি করি,  
দেখিতে দেখিতে আসি মিলিলে নন্দিনী-সনে।  
সুধীর তরঙ্গে তরী,  
লোচনে আনন্দধারা।  
দু-নয়ন ভরি ভরি  
জুড়াল নয়ন মন তোমাদের দরশনে। ৬

সাধ গেল ধেনুধন্যো। কোলেতে দেখিতে কন্যো।  
তাই কি মানবী রূপে পুরালে সে বাসনা?  
আজি আপনার কাছে আরেক প্রার্থনা আছে,  
পূর্ণ করো সেই আশা, যে জন্যে এ স্বর্গে আসা,  
অন্তর্যামিনী দেবী বখিতে কি পার না? ৭

জান না কি অগ্নি মুঞ্চে!                      তোমারি অমৃত-দুঞ্চে  
জীব-সঞ্জীবনী বিদ্যা লভেছে অমরগণ?  
দুর্নিবার কালবশে                      অভিজ্ঞত মহানসে  
ঘোর নিদ্রা নিমগন ;

তবু দ্যাখো দ্যাখো, আহা, কি সতেজ, কি সচেতন,  
মুখে কি জীবন্ত প্রভা। উজ্জলে নন্দনবন। ৮  
ওই পয়োধারা ধরি, তপ, জপ, যজ্ঞ করি  
মানব-দানব-রক্ষ কেবা কি না পেয়েছে!  
আমি গো সামান্য নর, প্রার্থনা সামান্যতর,  
তাও কেন এখনও অসম্পূর্ণ রয়েছে? ৯  
এসো, স্বর্ণ-কামধেনু! ওই শুন বাজে বেণু!  
কে যেন ডাকিছে মোরে, অমরার ভিতরে  
চল যাই ধীর ধীর, আমাদের পৃথিবীর  
দেখি সাধবী সাধ সব কি আনন্দে বিহরে। ১০

কেন গো কপিলা মেয়ে                      রলে মুখ পানে চেয়ে?  
 অসম্ভব শুনে যেন                      অবাক হইলে, কেন?  
 আহা, অমরপুরে বুকেছি পাব না স্থান  
 এ দেহে থাকিতে প্রাণ! ১১

মনে মনে ভাবি তাই,                      দেখে-শুনে চলে যাই ;  
 তাও তুমি নও রাজি।                      আমায়, মানবী সাজি  
 কেন স্তোভ দিতে চাও,                      দাও—পথ ছেড়ে দাও!  
 তুমি তো শ্রীমতী সতী!                      অমরার দারবতী ,

প্রার্থীর প্রার্থনা তুমি পূরাতে পার না?  
 কামধেনু নাম তবে                      জগতে কেমনে রবে?  
 আসিয়াছি নদীতীরে                      নামিতে দিবে না নীরে,  
 তুষায় ফাটিবে বুক? অহো একি যাতনা! ১২

এখন বলো কি করি                      হে গোধন-কুলেশ্বরী!  
 অথবা, তোমার চেয়ে                      সদয়া তোমার মেয়ে ;  
 তোমায় নন্দিনী রানী!                      আতিথেয়ী বলে জানি ;  
 প্রভাব যে কি বিচিত্র                      বুঝেছেন বিশ্বামিত্র।

করো গো কাতর-প্রতি কৃপাবলোকন।  
 নিদয় হয়ো না দেবী মায়ের মতন। ১৩

এই স্বর্গে বিনা দোষে                      এই কপিলার রোষে  
 অপুত্রক হইলেন দিলীপ নৃপতি।  
 বড় ব্যথা পেয়ে মনে ,                      বশিষ্ঠের তপোবনে  
 হয়ে তব অনুচর                      সেবিলেন নিরন্তর  
 ওই পাদপদ্মে রাখি দৃঢ় বাঁও মতি। ১৪

তাঁরে তুমি চন্দ্রাননে,                      আহা, সেই শুভক্ষণে  
 বর দিয়া হিমালয় গিরির গহ্বরে,  
 প্রসন্না করুণাময়ী                      দিলে পুত্র ইন্দ্রজয়ী  
 রঘুবংশ-প্রতিষ্ঠাতা রঘু বীরবরে। ১৫

ছাড়ি সে পৃথিবীপুর                      আসিয়াছি অতি দূর,  
 তোমাদের কাছে সতী!  
 পূর সেই মনস্কাম,                      দেখাও অমরধাম!

সজ্জন-সঙ্গতি কারো হয় না বিফল।  
 ফিরে গিয়ে হেথা হতে                      কি কব সে ভূভারতে?





জ্যোত্স্নায় জগৎ যেন পেয়েছে নূতন প্রাণ।  
অনুরক্ত ভক্তগণে আনন্দে করিছে ধ্যান। ২২

মানবে করুণা তিনি  
সর্বগী পরাৎপরা  
ভাস্ক ভাস্ত্রে নাহি বুঝে,  
অভিন্ন পদার্থ, আহা!

সুখ-মোক্ষ-প্রদায়িনী।  
অন্তরাষ্ট্রা আলো করা!  
হৃদয়ে না পায় খুঁজে।  
ভাবিতে পারে না তাহা।

ভেবে তাঁরে ভিন্নজন  
কি পাতক, কি যে হানি,  
কদর্যের কি অকার্য,

করে এসে আক্রমণ।  
বুঝে না তা ক্ষুদ্র প্রাণী।  
অমর্যাদ কি অনার্য!

নীচাশয় নরলোকে দেখে চটে গেল প্রাণ।  
সে ঘোর নরক, তায় জুড়াবার নাহি স্থান। ২৩

উদার স্বরগ-ধাম,  
কোথায় দাঁড়াইল বলো।

এও তার প্রতি বাম!  
দাঁড়াবার নাই স্থল।

পশিব মনের বলে এ অমরাপুরীতে।  
আপনি উথুলে যদি বেগে ধেয়ে নামে নদী,  
সম্মুখে দাঁড়িয়ে তার, কার সাধ্য রুধিতে? ২৪

থাক মায়াবিনী গাভী!  
পাবিনি আমায়।

সকল দেবতা পাবি,  
পাবিনি আমায়।

দেবতা দেখিতে ভালো,  
মায়া-দুষ্ক পানে তোর,

তাই তোর লাগে ভালো।  
তারাও নেশায় ভোর।

যে জন যেমন, বিধি তেমনে মিলায়। ২৫

জোগাতে তোমার মন  
নষ্ট হবে পরকাল।  
হায় তোর ভেড়া ভেকা  
থাকিব আপন মনে।  
ছাড়ো অমরার দ্বার।

বলি দিলে এ জীবন,  
ছিড়ে ফেলি মারাজাল।  
বৃথাই বাঁচিয়া থাকা।  
যাব না নন্দনবনে।  
দেখি আমি একবার

কি উদার, কি সুন্দর কাণ্ড হয় ভিতরে।  
ওই যে পবিত্র প্রভা,  
অহো কি পবিত্র গান,  
বেণু-বীণা-বাদ্যময়  
পিয়াসী নয়ন মোর ;

কঁদের অঙ্গের আভা?  
কি মধুর সুর-তান!  
কি সুখ-সমীর বয়!  
চরণে কি দিল ডোর!

নিঠুর কপিলা! তোর হাসি কেন অধরে? ২৬

আজি এ জন্মের মতো                      ছাড়িলাম পদ্মপথ।  
সীমা মাড়াব না আর                      কুহকিনী কপিলার।  
পয়োধর দিয়া মুখে                      সাধের স্বপন সুখে  
দেবতাদিগের মতো                      অঘোরে ঘুমাব কত?  
যেথায় দু-চক্ষু যায় সেইদিকে চলে যাই।  
কপিলার কাছে আর একটুও দাঁড়াতে নাই। ২৭

যে ফুল ফুটেছে প্রাণে,                      মেরে ফেলি কোন প্রাণে?  
দিয়ে যাই কারো তরে সাবদার চরণে।  
হৃদিফুলে রাঙা পায়,                      আপনি পৌঁছিয়া যায়।  
অন্মান, মরণহীন,  
সৌরভেতে কুতূহলী                      গুঞ্জরি বেড়ায় অলি।  
কতই কমল শোভে সে কমল-কাননে।  
ফুটেছে সকলি এর                      মহামনা মানবের  
অত্যাচার ভাবে ভোর শুভ অন্তঃকরণে। ২৮

তাহাদের পরকাল                      পবিত্র আলোয় আলো।  
দেহ ছেড়ে প্রাণ গেছে                      তবুও আছেন বেঁচে।  
তেমনি আনন্দভরে                      বেড়ান ধরণীপরে!  
কিবা হাসি-হাসি মুখ,  
শুনে সে মুখের কথা                      দূরে যায় সব ব্যথা।

নিমেষে জগৎ এক এনে দেন নয়নে,  
ব্রহ্মাণ্ড ভুলিয়া যাই, মজি সুখস্বপনে।  
স্বপনের চরাচর                      উদার—উদারতর!  
যথার্থ মরণহারী সারদার শ্রীচরণ।

কি ছার অমর এরা, ঘুমে ঘোর অচেতন। ২৯  
কি ছার কাপলা বুড়ি!                      দাঁড়ায়েছে গথ জুড়ি,  
অমরাবতীর ভেদ                      করিতে দিবে না, জেদ।  
না জানি পুরীর মাজে                      কি ব্যাপার, কে বিরাজে।  
দ্বার থেকে দেখে দেখে পুরো জানা গেল না।  
পারিজাত পুষ্পরথে                      আসি এই পদ্মপথে,  
সতী, সেই প্রবেশিল, আর ফিরে এল না! ৩০

এখনো সে মুখখানি                      হেরিতে আকুল প্রাণী।  
নাহি জানি কি সম্বন্ধ আছে তাঁর সনে।  
যতই ভুলিতে চাই, তত পড়ে মনে! ৩১

কপিলা! দুয়ার ছেড়ে দিবে না আমায়?  
কি দিয়া বাঁধানো বুক? বুঝ না পরের দুখ!  
নিতান্তই গাভী তুমি, কি কব তোমায়! ৩২

এই যে ফুটিছে প্রাণে সে শুভ কমলবন,  
রাজিছে তাহার মাঝে সেই রাঙা শ্রীচরণ!  
যতই আসিছে ধ্যান, ততই ধাইছে প্রাণ!  
দূরে কে ডাকিছে যেন, বৃথায় হেথায় কেন!  
চলিলাম খোলা প্রাণে সে কমল-কাননে।  
দেখিগে যোগেন্দ্রবালা যোগভোলা নয়নে। ৩৩

অষ্টম সর্গ

শশিকলা, স্থির সৌদামিনী ও বীণা

শশিকলা

দিকে দিকে কুঞ্জবন, পাখি সব করে গান,  
ফুটেছে বাসন্তীফুল, মন্দাকিনী কানেকান।  
অনন্ত যৌবন-ঘটা, তরল রজত-ছটা,  
আনন্দে লহরীমালা খেলিছে খুলিয়া প্রাণ। ১

গোলাপ ফুলের তরী ভাসি ভাসি চলে যায়।  
খসি পড়ি শশীকলা ঘুমায়ে রয়েছে তায়।  
আলুথালু চুলগুলি বাতাসে খেলায় খুলি,  
ফুটেছে মনের হাসি অমায়িক আননে।  
চাঁদের সাধের বাছ, কি দেখিছ স্বপনে! ২

স্থির সৌদামিনী

মেঘের মণ্ডলে পশি খেলা করে কে রূপসী,  
যেন সুরধুনী ব্যোমকেশের মাথায়।  
ফাটিয়া ফাটিয়া জটা রূপের তরঙ্গ-ছটা  
উথলি উথলি পড়ি চমকি মিলায়? ৩

নীরদ-নন্দিনী ইনি, নাম স্থির সৌদামিনী,  
সুখে লজ্জাবতী কন্যা খেলে আপনার মনে।

পাছে কেহ দ্যাখে তাকে,                      সদাই লুকায়ে থাকে  
ফটিক জলের ঘরে মেঘের নিবিড় বনে। ৪

আপনার রূপরাশি                      দ্যাখে মেয়ে হাসি হাসি,  
আননে লোচনে আহা আনন্দ ধরে না।  
দিয়েছে তাহারে বিধি                      কি যেন নুতন নিধি,  
দ্যাখে সুখে আঁখি ভরি, দেখাতে চাহে না। ৫

কহে সে রূপের কথা                      সঙ্গিনী সোনার লতা  
হরষে চঞ্চলাবালা ছুটিয়া গগনে।  
স্থির সৌদামিনী কভু পড়েনি নয়নে।  
আমি দেখেছি স্বপনে। ৬

সে শান্ত মাধুরীখানি                      ভাবিয়া জুড়ায় প্রাণী,  
বলিতে বিহুল-বাণী আঁকিতে পারি না,  
হায়, দেখাই কেমনে!  
ঘুমন্ত প্রশান্তভাবে ভাবে মনে মনে! ৭

### বীণা

বীণা! তু বিচিত্র মেয়ে ;                      সবে তোর মুখ চেয়ে,  
তুমি কি না মন্দাকিনী-তরঙ্গে ঝাঁপায়ে যাও ?  
হাসে মুখ, নাচে চুল,                      কচিমুখী পদ্মফুল!  
সমীরের সঙ্গে সঙ্গে কি গান গাহিয়া ধাও! ৮

তোর গানে ঢেলে প্রাণ                      কিন্নরে ধরেছে গান।  
মেঘের মৃদঙ্গ বাজে, তুমি তার দামিনী ;  
চমকে সপ্তমে স্বর.                      তন্তর তন্তর  
উবাও উধাও ধাও, কোথা যাও জানিনি। ৯

ধীর সমীর হতে সংগীত-অমৃত ক্ষরে ;  
প্রাবিত তৃষিত প্রাণ সুধীর সুস্নিগ্ধ স্বরে।  
নিদাঘের বৌদ্ধে দক্ষা জুড়াইতে পৃথিবীতে  
বরষা-নিশার বারি পড়ে যেন সুগভীরে। ১০

কিবা নিশা দিনমান,                      প্রাণে লেগে আছে তান।  
সুস্বপ্ন-সংগীতময়ী স্বরগের কাহিনী।  
মধুর মধুর চির-পূর্ণিমার যামিনী! ১১

## [রাগিণী কান্ধা—তাল ঝাঁপতাল]

হরষে হরষময়ী শশি-সোহাগিনী।

তারকা-কুসুম-বনে                                  খেলিছ আপনি মনে,  
      কি যেন দেখি স্বপনে মায়ায় মোহিনী।  
নীল আকাশ-তলে                                  স্বর্গের প্রদীপ জ্বলে  
আকাশ-গঙ্গার জন                              করিতেছে ঢেঁলঢ়ে,  
      কালের জটীর জালে দোলে মন্দাকিনী।

হাসিয়া উঠেছে কূল,  
হরষে অমরবালা  
এ খেলা তোমার খেলা ; তুমি মায়াবিনী!  
বাসবের সাড়া পেয়ে  
পালাল সোনার লতা  
সহস্র লোচনে চান  
ফুটেছে মন্দার ফুল,  
চারিদিকে করে খেলা,  
চমকি দামিনী মেয়ে  
বাঁধিয়া চোকের পাতা  
আর না দেখিতে পান।  
কোথায় লকাল হায় নীরদনন্দিনী!

পাতালে বাসুকী ফণী                      ছড়ায় মস্তক-মণি,  
দু-একটি শূন্যে ছুটে                      উঠেছে আলোক ফুটে,  
এমন মানিক আর কোথাও দেখিনি।

মরুত বিহুল-প্রায়                      অধীরে চলিয়া যায়,  
দাঁড়াইয়ে দিগন্তনা,                  কি উদার দরশনা!  
গভীর প্রশান্তমনা কার সীমস্তিনী।  
নীলব ধরণী-রানী,                    হাসিছে আননখানি,  
বিগলিত কেশপাশে                    কতই কুসুম হাসে  
নাচিছে আদরে মেয়ে গিরি-নির্বাসিনী।

সাগর লাফায়ে ওঠে  
আকাশ ধরিতে ধায়  
উল্লাসে উদ্ভাস ছোটে,  
কি জানি কি দেখে তায়,  
উল্লাসে চমকে গায় চঞ্চল চাঁদিনী।  
হিমাদ্রি-শিখর পর  
মধুর মোহিনী বালা  
মধুর মধুরীযন্ত্রে  
হাসিছে মানস-সর,  
মুকুরে মুরতি খেলা,  
করেছ মায়ার মন্ত্রে  
আকাশ-পাতাল একাকার একাকিনী।

## আসনদাত্রী দেবী

### গীতি

[রাগিণী ললিত—তাল কাওয়ালী।]

প্রাণ কেন এমন করে, (আমার)

কি হল কি হল রে অন্তরে!

ভ্রমি ত্রিভুবন মন

করে কার অন্বেষণ,

কাতর নয়ন কার তরে!

তাজি এই মর্তভূমি,

কোথা চলে গেলে তুমি

কি জানি কি অভিমানভরে।

তোমার আসনখানি

আদরে আদরে আনি,

রেখেছি যতন করে, চিরদিন রাখিব ;

এ জীবনে আমি আর

তোমার সে সদাচার ,

সেই স্নেহ-মাখা মুখ পাশরিতে নারিব। ১

সান্ধাৎ আমার প্রাণ

‘সারদামঙ্গল’ গান,

অসম্পূর্ণ পড়েছিল, যেন মরে গিয়েছে ;

বেসুরা বীণার মতো

জানি না কি দশা হত!

তোমারি আদরে দেবী! ফিরে প্রাণ পেয়েছে। ২

সাহিত্য-সংসারে তুমি

সুকুমার ফুলভূমি,

তোমার স্নেহের গুণে কত রকমের ফুল

ফুটে আছে থরে থরে :

কেমন সৌরভভরে

সোহাগসমীরে কিবে করিতেছে ঢুলঢুল! ৩

তোমার উৎসাহ-ধারা

বিচিত্র বিদুৎ-পারা,

কতই বোবার মুখে কত কথা ফুটেছে ;

কতই পরমানন্দে,

কত-মতো ছন্দোবন্ধে,

কত ভাব-ভঙ্গিমায়,

ইংরেজি-ফরাসি কত বাংলায় বলেছে। ৪

চলিয়া গিয়াছ তুমি,

কি বিষণ্ণ বঙ্গভূমি,

সে অবধি আজো কেন

দেশে কি হয়েছে যেন।

নিকুঞ্জ কাননে আর কোনো পাখি ডাকে না।

ভাগীরথী-তীর থেকে আর বাঁশি বাজে না!  
 মানস-সরসে হয় পদ্ম ফুটে হাসে না!  
 স্বর্গের বীণার ধ্বনি ভেসে ভেসে আসে না!  
 এ দেশে ভারতী দেবী বুঝি প্রাণে বাঁচে না! ৫

সেই প্রিয় মুখ সব, সেই প্রিয় নিকেতন,  
 সেই ছাদে তরুরাজি শুন্যে শোভে উপবন,  
 সেই জাল-ঘেরা পাখি, সেই দেখ ধরণী,  
 সেই প্রাণ-খোলা গান, সেই মধু-যামিনী,  
 কি যেন কি হয়ে গেছে! কি যেন কি হারিয়েছে!  
 কেন গো সেথায় যেতে কিছুতে সরে না মন? ৬

কবে কার আবির্ভাবে, থাকে যে কি একভাবে,  
 অভাবে সে ভাবে আর সেইসব থাকে না,  
 দোলায়ে ফুলের বন চলে গেলে সমীরণ,  
 সেই ফুল হাসে, হয়, সে সৌরভ আসে না! ৭

কে গায় কাতর গান, কেন শোকাবুল প্রাণ,  
 প্রাণের ভিতর কেন কাঁদিয়া উঠিছে প্রাণী!  
 আজি কি বিজয়া এল, তিন দিন কোথা গেল!  
 কেন মা আনন্দময়ী! কাঁদো কাঁদো মুখখানি? ৮

সুখের স্বপন, কেন চকিতে ফুরায় যেন,  
 হারালে হাতের নিধি, আর নাহি পাওয়া যায়।  
 রয়েছে স্বজনগণে যে যার আপন মনে,  
 নির্জনে বাতাস শুধু করে ওঠে 'হায়! হায়!' ৯  
 হা দেবী! কোথায় তুমি! গেছ, ফেলে মর্তভূমি!  
 সোনার প্রতিমা জলে কে দিল রে বিসর্জন!  
 কারো বাজিল না মনে, বজ্রাঘাত ফুলবনে!  
 সাহিত্য-সুখের তারা নিবে গেল কি কারণ! ১০

ওই যে সুন্দর শশী, আলো করে আছে বসি!  
 চিরদিন হিমালয়, কি সুন্দর জেগে রয়!  
 সুন্দরী জাহ্নবী চির বহে কলস্বনে;  
 সুন্দর মানব কেন, গোলাপ কুসুম যেন;  
 ঝরে যায়, মরে যায় অতি অল্পক্ষণে! ১১

আহা, সেই স্বর্গের নিবাসী,  
চলে গেছে!                                  রেখে গেছে—  
সুহৃদ জনের মনে  
যাবার সময় সেই প্রাণফাটা বিষাদের হাসি!

১৩

অমরার পদ্যপথে                      পারিজাত পুষ্পরথে  
কিরণ-কলিত-মূর্তি তোমারই মহাপ্রাণী  
অপরূপ রূপ ধরি,                      যেতেছিল আলো করি ;  
চেনো চেনো করেছিল, চিনিতে পারিনে রানী!    ১৫

তুমিও আমায় দেখে  
চক্ষে গড়াইল জল,  
কেন গো কি গেলে ব্যথা!  
বুঝি বা আমারি মতো  
এই পরিচিতজনে

চেয়েছিলে থেকে থেকে,  
মুখখানি ছলছল!  
কিজন্মো কলে না কথা?  
স্মরি স্মরি অবিরত,  
পড়ে পড়িল না মনে!

পুষ্পরথ থেকে নেমে কেন কাছে এলে না?  
সেই দেখা, শেষ দেখা ; কিছু বলে গেলে না! ১৭

১২৮



আহা সে রূপের ভাতি,                      প্রভাত করেছে রাতি !  
হাসিছে অমরাবতী, হাসিতেছে ত্রিভুবন,  
হৃদয় উদয়াচল আলো হয়েছে কেমন! ২০

१५७

কিবে শাস্তিময় মুখ! হেরে দূরে যায় দুখ,  
 প্রফুল্ল কপোল বহি গড়ায় নয়নজল।  
 যত সাধ ছিল মনে, পূর্ণ সেই শুভক্ষণে;  
 বিয়োগ-কাতর প্রাণ করুণায় সুশীতল। ৩

সে অবধি স্বপ্ন-প্রায় সদাই দেখিতে পায়  
 পঙ্কীর করুণছায়া বেড়াইছে কাছে-কাছে,  
 চারিদিকে মৃদুমন্দ অপূর্ব ফুলের গন্ধ,  
 করুণ নয়ন দুটি মুখপানে চেয়ে আছে। ৪

স্বর্গ সর্বসুখময় সতীদের পিত্রালয়,  
 সে আদরে তত স্নেহে তবুও টেকে না মন,  
 থেকে থেকে ক্ষণে ক্ষণে কার মুখ পড়ে মনে,  
 কার তরে পাগলিনী! ধরাতলে বিচরণ? ৫

“মিতং দদাতি হি পিতা মিতং ভ্রাতা মিতং সুতঃ।  
 অমিতস্যতু দাতারং ভর্তারং কা ন পূজয়েৎ?”

অহহ পবিত্র ভাষা! কি উদাত্ত ভালোবাসা!  
 কে দিল উত্তর? আহা কোন দেবী নাই জানি!  
 এ যে রামায়ণ কথা, সে যে সীতা স্বর্ণলতা,  
 কন্যা কবি বাস্মীকির, পতি তাঁর রঘুবীর  
 এ শ্লোক সীতার মুখে শুনেছি মনের সুখে।  
 আজি সেই শ্লোকগান কেন চমকায় প্রাণ?  
 কথা কয় বাতাসে কি? একি, একি, একি দেখি!

আধ-আধ বিভাসিত কার এ প্রতিমাখানি—  
 আকাশে সুন্দরী শ্যামা কার এ প্রতিমাখানি! ৬

তুমি প্রভাতের উষা, স্বর্গের ললাট-ভূষা,  
 ব্রহ্মার মানস-সরে প্রফুল্ল নলিনী গো!  
 কেন মা পৃথিবী আসি শুকায় সুখের হাসি!  
 সতী, সাধবী, পতিব্রতা! কই তোর প্রফুল্লতা!  
 কে ছিড়েছে আশালতা, কি মানে মানিনী গো! ৭

আজি মা কিসের তরে হাসি নাই বিশ্বাধরে,  
 মলিন বিষণ্ণমুখী, নেত্রে কেন অশ্রুজল!  
 ভালোমানুষের ভালে সুখ নাই কোনোকালে;  
 কঠোর নিয়তি, আরে! কতই কাঁদাবি বল! ৮

এসো না ধরায়—আর, এসো না ধরায়।  
 পুরুষ কিজ্জুত মতি চেনে না তোমায়।  
 মনঃ-প্রাণ-যৌবন                      কি দিয়া পাইবে মন।  
 পশুর মতন এরা নিতই নূতন চায়।  
 এসো না ধরায়! ৯

গোলাপ ফুলের চেয়ে                      সুন্দর, যুবতী মেয়ে,  
 মনের উল্লাসে হাসে প্রফুল্ল নলিনী ;  
 সেই পুণ্য প্রতিমায়                      আহা কি সৌন্দর্য ভায়!  
 জুড়াতে মানব-হৃদি                      কি নিধি দিয়েছে বিধি!  
 পরম আনন্দভরে                      পুণ্যাশ্রা দর্শন করে ;  
 কুরসিক পুরুষের কি ঘোর চাহনি! ১০

সরল হৃদয় লুটি                      এ ফুলে ও ফুলে ছুটি  
 ভ্রমর কলঙ্ক-কালো উড়িয়া বেড়ায়,  
 গুণ্ণু রবে ওর                      বিষাক্ত মদের ঘোর,  
 ও নহে কাহারো পতি ;                      কেন গো দাঁড়ায়ে সতি!  
 যাও মা অমরাবতী, এসো না ধরায়  
 আর এসো না ধরায়! ১১

দুর্বহ প্রেমের ভার,                      যদি না বহিতে পার,  
 ঢেলে দাও আকাশে, বাতাসে. ধরাতলে!  
 মিটায় মনের সাধ                      ঢালিয়া দিয়াছে চাঁদ  
 জগৎ-জুড়ানো হাসি ;                      প্রাণের অমৃতরাশি  
 ঢেলে দাও মানবের তপ্ত অশ্রুজলে! ১২

#### উপসংহার

বলে নাকি গেলে মা! আমায়,  
 কেন দেখা দিলে গো ধরায়!  
 শুকতারা চলে গেল,                      আলোকের রাজ্য এল,  
 তারাগণ গলে গেল কে কোথায়। ১

যেই দেশে তোমাদের বাস,  
 সূর্য সেথা যেতে পায় ত্রাস।  
 বিচিত্র সে সৃষ্টি কার্য                      উদার স্বপনরাজ্য ;  
 সর্বদা পূর্ণিমা রাতি,                      চিরপূর্ণ চন্দ্রভাতি ;  
 দূরে দূরে, স্বপ্নে স্থলে                      উজ্জ্বল নক্ষত্র জ্বলে,  
 বুরুবুরু মধুর বাতাস। ২

ত্রিধুপ্রাণ সে দেশের লোকে  
 ভালো নাহি বাসে সূর্যালোকে।  
 যখন আলোক ভায়,                      অমনি মিলায়ে যায় ;  
 রাত্রে আসে বেড়াতে ভুলোক। ৩

আহা সেই দেবী সুলোচনা,  
 ‘সারদামঙ্গল’ গানে প্রসন্ন-আননা,  
 বাড়ায়ে কোমল পাণি                      সাধের আসনখানি  
 পাতিলেন, সুধালেন বসায় আমায়  
 নিমগন মনে আমি ধেয়াই কাহায়? ৪

হায়, তিনি কোথায় এখন,  
 অস্তগত তারার মতন!  
 এতক্ষণ বরাবর                      করিলাম প্রমোত্তর।  
 দেখাতে ধ্যানের রূপ                      রচিলাম প্রতিরূপ,  
 শূন্যে যেন ইন্দ্রধনু                      কান্ত, সুজীবন্ত তনু ;  
 পরালেম আবারি আনন                      কল্পনার বিশদ বসন।  
 এ অবগুষ্ঠন মাজে                      না জানি কেমন রাজে—

কেমন সুন্দর সাজে,  
 কার মুখে করিব শ্রবণ!  
 হায়, তিনি কোথায় এখন! ৫

আবৃত আকৃতিখানি                      জীবন্ত মাধুরীখানি—  
 প্রাণের প্রতিমাখানি  
 কার করে সমর্পণ করি।  
 কোথা সেই শ্যামাঙ্গী সুন্দরী! ৬

সরল-সরস মন,                      ভাবে ভোর বিলোচন ;  
 কার আছে তাঁহার মতন।  
 মনের ঘুমের ঘোরে                      কে দেখেছে প্রাণ ভরে  
 আধ আধ মেঘে ঢাকা চাঁদের কিরণ?  
 কোথা, তুমি কোথায় এখন! ৭

প্রাণ খুলে ধরিয়াছি গান,                      আপনার জুড়াইতে প্রাণ—  
 গাহিতে তোমার গুণগান—  
 করিতে তাঁহার স্তুতি যারে করি ধ্যান।  
 করি অনুরাগ-স্নেহ                      শুনে, বা, না শুনে কেহ।

শূন্য করি বঙ্গভূমি  
বসি কোন দিব্যলোকে  
কোথায় রয়েছে তুমি,  
চিরপূর্ণ চন্দ্রালোকে  
শ্রোত্রপুটে করিতেছ পান!  
আমার এ হৃদয়ের গান। ৮

আহা সেই মুখখানি  
স্নেহমাখা মুখখানি  
কেহই দিবে না আনি আর এ ধরায়!  
কোথা—সহৃদয়া দেবী! গিয়েছ কোথায়! ৯

শুভ স্মৃতিখানি তব  
জাগিতেছে অভিনব,  
কুসুমের, আতরের সৌরভের-প্রায়  
তুমি চলে গিয়েছ কোথায়!  
সে সব প্রফুল্ল ফুল গিয়েছে কোথায়! ১০

### শোক সংগীত

ফুল ফোটে না আর সাধের বাগানে,  
মুকুলে মরিয়া যায় ব্যথা দিয়ে প্রাণে!  
তবু যেন চারিপাশে  
সদাই সৌরভ ভাসে,  
সুদূরে সংগীতধ্বনি ; কেন গো কে জানে।  
ঘুমঘোরে ভুলি ভুলি  
স্বপনে এনেছি তুলি  
এ মায়াকুসুমদাম করুণ নয়ানে  
হের দেবী করুণ নয়ানে!

আজি তবে আসি ভাই!  
কল্পনা কমলবনে  
গাও মধুকরগণে!

যাই, নিজ গৃহে যাই!  
প্রেয়সীর ঢলঢল বিকশিত আননে,  
দেখিগে যোগেন্দ্রবালা যোগভোলা নয়নে।  
প্রেমের প্রসন্ন মুখ, সারদার স্তোত্রগান,  
এ জগতে এই দুই আছে জুড়াবার স্থান!  
ইতি।

## শাস্তি-গীতি

[রাগিণী ললিত ভৈরবী,—তাল তেতালা]

প্রেমের সাগরে ফুলতরণী, চির-বিকশিত নলিনী !  
সৌরভেতে স্বর্গ হাসে, আকাশে থেমে দাঁড়ায়—  
দেখতে তোমায়, থেমে দাঁড়ায় দামিনী।

আননে চাঁদের আল, চাঁচর কুন্তলজাল,  
অধরে আনন্দজ্যোতি, নয়নে মন্দাকিনী হাসে. নয়নে মন্দাকিনী।  
কে তুমি সুষমা মেয়ে, আছ মুখপানে চেয়ে,  
আলো করে অন্তরাঙ্গা, আলো করে ধরণী।

সমীর আমোদে ভোর, ডেকে আনে ঘুমঘোর,  
মধুর—মধুর গান আলসে অবশ প্রাণ,  
কে গো, বাজায় বীণা, ঘুমায় প্রাণী,  
প্রাণ যে আমার, কি হয়ে যায় জানিনি !

জাগিয়া অচেতন, ঘুমালে জাগে মন,  
তুমি, সাধের স্বপনবালা, করুণা কমলিনী।

ও রাঙা চরণতলে, ধর্ম-অর্থ-মোক্ষ ফলে,  
তুমি, মৃত্যুর অমৃত-লতা পাপ-তাপ-হারিণী।

তোমাতে হৃদয়ে রাখি, সদাই আনন্দে থাকি,  
আমার, প্রাণে পূর্ণচন্দ্রোদয় সারা রজনী।

## নিসর্গ সংগীত

[রাগিণী ললিত—তাল কাওয়ালি,—ভজনের সুর।]

কি মহান অরুণ উদয়! (আজি রে)  
(আহা) উদার—উদার এ প্রলয়!  
প্রগাঢ় মেঘেতে ঢাকা,  
ভানু নাহি যায় দেখা,  
(কেবল) কিরণে কিরণে কিরণময়—  
(মেঘরাশি) কিরণে কিরণে কিরণময়!  
পালায়েছে সব তারা,  
চাঁদ যেন দিশে-হারা,  
(যেন) মায়ায় মোহিত সমুদয়।

গোধূলি  
১৮৯৯

## গোধূলি

নীল আকাশ মাঝে আধশশী শোভা পায়,  
ঈষৎ গোলাপি মেঘ ঘেরিয়ে রয়েছে তায়।  
উচে-নীচে তরঙ্গিয়া ভাসিছে শকুন সব,  
চাতকেরা উড়ে উড়ে করে কিবে কলরব।  
কালো মেঘে ঢাকা আছে আরক্ত রবির কায়া,  
আধই সোনার আলো আধ-আধ কালো ছায়া।  
দিগন্তে রয়েছে ঘিরে মেঘের ধবলা গিরি,  
সোনার শিখর তার দেখি আমি ফিরি-ফিরি।  
হোথায় বেগুনি মেঘ পরি যেন উড়ে যায়,  
ছড়ায় দিয়েছে কিবে জরদ ওড়না গায়।  
মগন তপন কাছে ধূমল আবরি ওঠে,  
কিবে তার বুক বয়ে লাল লাল নদী ছোটো।

অতি স্নিগ্ধ রূপবতী প্রাচী দিগঙ্গনা-রানী  
নীল বসনে কিবে ঢেকেছে অন্ননখানি !  
বায়স বাসার দিকে ঝটপট ছুটে যায়,  
পেচক কোটর থেকে এদিক-ওদিক চায়।

## শারদ পূর্ণিমা

আধ-আধ চাঁদের কিরণ !  
শারদ পূর্ণিমা আজি সেজেছে কেমন !  
লইয়ে নীরদ মালা,  
কতই করিছ খেলা,  
ক্ষণে আধ দরশন, ক্ষণে অদর্শন !

গীত নং ১  
প্রভাত হয়েছে নিশি, আসি ভাই !  
আর, প্রেমের বিরাগ রাগ নাহি চাই।  
হইব না পথহারা  
ওই জ্বলে শুকতারা !  
দূর—অতি দূর বাঁশরি শুনিতে পাই।  
কল্পনা-ললনা-বুকে  
ঘুমায়ে ছিলাম সুখে,  
দিনমণি দরশনে লাজে মনে মরে যাই।  
আসি হে জগৎবাসী,  
ভালোবাসো, ভালোবাসি !  
চারিদিকে হাসিরাশি, এমন সুদিন নাই।

গীত নং ২  
[রাগিণী ভৈরবী—তাল পোস্ত]  
প্রাণে, সহেনা—সহেনা—সহেনাকো আর !  
জীবন কুসুমলতা কোথা রে আমার।  
কোথা সে ত্রিদিব জ্যোতি,  
কোথা সে অমরাবতী,  
ফুরাল স্বপনখেলা সকলি আঁধার।



এই যে হইল আলো ;  
কই, কই, কোথা গেল ;  
কেন এল, দেখা দিল, লুকাল আবার।  
আপনি আকাশ-মাজে  
কেন সেই বীণা বাজে,  
সুখাংশুমণ্ডলে রাজে প্রতিমা তাহার—  
ওই দেখো প্রতিমা তাহার।

মৃদু মৃদু হাসি হাসি  
বিলায় অমৃতরাশি,  
করুণা-কটাক্ষ-দানে জুড়ায় সংসার।  
ফুটে ফুটে চারিপাশে  
পদ্ম-পারিজাত হাসে,  
সমীর, সুরভিময় আসে অনিবার—  
ধীরে ধীরে আসে অনিবার।

এ নীল মানস-সর,  
আহা কি উদারতর,  
উদার রূপসী শশী, সকলি উদার!  
এখনো হৃদয় কেন  
সদাই উদাস যেন,  
কি যেন অমূল্য নিধি হারায়েছে তাব।

গীত নং ৩

[রাগিণী ভৈরবী—তাল আড়া]

কোথা লুকালে,  
তোজিয়ে আমারে।  
ত্রিভুবন আলো করি এই যে জ্বলিতেছিলে!  
লুকাল তপন-শশী,  
ফুরাল প্রাণের হাসি,  
চিরদিন এ জীবন তিমিরে ডুবালে!

গীত নং ৪

[রাগিণী-বিভাস—তাল ঠা-ঠুংরি]

কি হল কি হল হল রে, কি হল আমার !  
কেন কেন ত্রিভুবন তিমিরে মগন-প্রায় !  
এলোকেশী কে-রূপসী  
বলেতে হৃদয়ে পশি  
দামিনী বজ্রাঘ্নি যেন মাতিয়ে বেড়ায় ।  
উছ, প্রাণের ভিতরে  
কেন গো এমন করে  
ধরো ধরো ধরো ধরো, জীবন ফুরায় !

গীত নং ৫  
[রাগিণী ললিত—তাল আড়াঠেকা]

সারদা—সারদা—সারদা কোথা রে আমার !  
এজন্মে তোমারে আমি দেখিতে পাব না আর !

তোজ্জে এ মরত-ভূমি,  
কোথা চলে গেলে তুমি !  
এসো দেবী, এসো এসো দেখি একবার !

সয়েছি বিরহ-ব্যথা  
ধরি ধরি আশালতা,  
কি ঘোর এ শূন্যময়, কেবল আঁধার !

তুমিও গিয়েছ চলে,  
ধরা গেছে রসাতলে ,  
বাতাস-আকাশ ভরে করে হাহাকার !

“সাগর তরঙ্গে নাচিয়া বেড়াই,  
দুরন্ত ঝটিকা-বালারে খেলাই,  
কখনো আকাশে কখনো পাতালে  
নিমেষে চলিয়া যাই ;  
ঘোর ঘোরতর দুর্ধর্ষ সমরে  
কাঁপে রণাঙ্গন বীর-পদ-ভরে,  
এক হুংকারে স্তব্ধ চরাচর,  
হরষে দেখিতে পাই। ১

“হুংকারে বিদরে অনন্ত আকাশ,  
ছুটিয়া পালায় দুর্দান্ত বাতাস,  
কোটি কোটি সূর্য ভেঙে চুরমার  
কে কোথা ছড়িয়ে পড়ে ;  
বীরশূঙ্গ সব হিমালয় হতে  
ব্যতিব্যস্ত হয়ে ছোটো শূন্যপথে,  
আকুল-ব্যাকুল ধায় উভরায়  
জীমূত প্রলয়-ঝড়ে। ২

“অলকা-অমরা কাঁপে থরথরি,  
চন্দ্রলোক ভেঙে পড়ে ঝরঝরি,  
শূন্যে শূন্যে ধরা ঘুরিতে ঘুরিতে  
কোথায় চলিয়া যায় ;  
প্রলয়-পিনাক ঘোর ঘন রব,  
ভয়ে জড়সড় যক্ষ-রক্ষ সব ;  
খেই-খেই-খেই নাচিয়া বেড়াই,  
দৃকপাত করি কায়? ৩

“দিগ্ দিগঙ্গনা আড়ষ্টের প্রায়,  
বিকট দামিনী কটমট চায়,  
ঘোর ঘর্ঘর উদগ্র অশনি  
পদমগ্নে পড়িছে লুটে ;  
হো হো! পৃথীতটে ভিত্তিতে পারে না

ব্রহ্মাণ্ড জুড়িয়া উগারিছে ফেনা  
লাফায়ে লাফায়ে পাগল সাগর  
আকাশে চলেছে ছুটে। ৪

“ঘোর কোলাহল গর্জে নীলজল,  
দুলিব অশ্বরে দেহ টলমল,  
ছড়াইয়া দিব কালো কেশরাশি  
বিজলি বেড়াবে তায় ;  
জ্বলন্ত তারকা মালাকা গলায়,  
উরজে লুটায় উরসে গড়ায়,  
ধায় ধুমকেতু দীঘল অঞ্চল  
গোমুখী নির্বর ভায়। ৫

“দুরুদুরু মেঘ-মৃদঙ্গ বাজাব,  
মধুর নিনাদে জগৎ জাগাব,  
জাগিবে মানব-দানব-দেবতা,  
নবীন হরষময় ;  
চেয়ে রবে সবে পিপাসী নয়ানে  
কুতূহলী হয়ে গগনের পানে,  
হেরিবে আনন্দে আননে আমার  
তরুণ অরুণোদয়। ৬

“প্রতি নিশীথিনী বিরাম সময়ে,  
স্ফুট-চন্দ্র-তারা ব্যোমের হৃদয়ে  
প্রসারিয়া এই সুদীর্ঘ শরীর  
শুয়ে থাকি আমি সুখে ;  
মায়াময় মম অপরূপ জ্যোতি,  
ছায়াপথ বলে যত ভ্রান্তমতি,  
ব্যোম-গঙ্গা বলে কবি পাগলেরা  
শুনি আমি হাসিমুখে। ৭

“সাগর-অশ্বরা কুসুম জোগায়,  
প্রচণ্ড পবন চামর ঢুলায়,  
দিগ্বধুবালা সেবাসখী সব  
নীরবে দাঁড়ায়ে আছে।  
নয়ন-কিরণে কমলা সঞ্চরে,  
শুভ সরস্বতী অধরে বিহরে,  
মহান অশ্বর প্রিয় প্রাণপতি  
সম্রমে প্রণয় যাচে।” ৮

মায়াময় তব জ্যোতি মনোহারী  
বটে গো কালের অজেয় কুমারী,  
মহা মহীয়সী উদার-রূপসী  
অম্বর-হৃদয়-রানী !

অলীক স্বপন জনন মরণ,  
চিরকাল তব নবীন যৌবন ;  
তোমারি সন্তোষে হাসে ত্রিভুবন,  
রোষেতে নিধন জানি । ৯

স্থির-ধীর নীল অনন্ত অপার  
এই যে বিরাট ব্যোম পারাবার,  
তুমি আভাময়ী মায়াতরী তার  
চলিয়াছ ভাসি ভাসি ;  
মৃদল মৃদল ঠেকে ঠেকে গায়  
কিরণের ফেন উছলিয়া যায়,  
দশদিক দিয়ে দেখিতে তোমায়  
ফুটেছে তারকারাশি । ১০

এ নীল আকাশ তরল আরশি,  
ব্রহ্মার বিমল মানস সরসী,  
ফুটে ফুটে তায় ভাবের কুসুম  
তারকা ছড়ায় আছে ;  
তুমি স্বপ্নময়ী রাজহংসমালা  
ঘুম-ঘোরে তাঁর কর লীলাখেলা,  
বসি, হাসি-হাসি হেরিছে চন্দ্রমা  
ধরার কোলের কাছে । ১১

অহো ! আদি-দেব-স্বপন-রূপিণী,  
অবোধ মানব কিছুই জানিনি,—  
উদাস—উদাস অনন্ত আকাশ  
চলি চলি কোথা যাও !  
কার সঙ্গে খেয়ে চলেছ কি হেতু  
চন্দ্র-সূর্য-তারা-ধরা-ধুমকেতু !  
বলো বলো বলো ওপারে কি আছে,  
কিছু কি দেখিতে পাও ? ১২

সেই কি আমার গৃহ চিরন্তন,  
এই কিরে সুদূর নাট-নিকেতন !  
কেনই কেবল হাসিতে-কঁাদিতে

এখানে এসেছি সবে।  
 চকিতে ফুরাল রস-রঙ্গ-খেলা,  
 একেলা আসিনু, চলিনু একেলা,  
 কতই সাধের বসন-ভূষণ  
 কেন গো কাড়িয়া লবে! ১৩

কেন, মায়াদেবী! ছেড়ে দাও দাও,  
 পথ রোধ করি ঘুরিয়া বেড়াও!  
 উধাও উধাও ভেদিব আকাশ,  
 দেখিব আপন দেশ;  
 ডুবিব সে মহা তমাস্ক সাগরে,  
 দূর—দূর—দূর—অতি দুরাস্তরে  
 অসংখ্য জগৎ দীপ্-দীপ্ করে  
 দীপকের পরিবেশ। ১৪

ধীরে ধীরে ধীরে তিমির গভীরে  
 উর্ধ্ব-পদতল নিম্ন-নতশিরে  
 অনন্ত আরামে ঘুমায়ে ঘুমায়ে  
 তলায়ে তলায়ে যাব!  
 মাটির শরীর তিমিরে গলিয়া  
 পরান-পুতলী উঠিছে জাগিয়া,  
 জাগিয়া উঠিছে আলোকে আলোক,  
 কি এক পুলক পাব! ১৫

দূর পদতলে তিমির সংহতি,  
 ফোটোনাকো আর আকাশের জ্যোতি,  
 জগতের কোলাহল-হাহাকার  
 কালের সাগরে লীন;  
 মধুর মধুর আলোক সঞ্চারি  
 প্রফুল্ল-মুরতি প্রাণী মনোহারী  
 কিরণ মণ্ডলে বেড়ায় সকলে,  
 কি এক মধুর দিন! ১৬

...  
 কেন কাদসিনী! দাঁড়ায়ে সমুখে  
 ঢাকিয়া রেখেছ অমৃত ময়ূষে!  
 ওই আধ-আধ চাঁদের আভাস  
 পাগল করেছে মোরে!  
 ধরি ধরি করি, ধরিতে না পারি,  
 চারিদিকে আমি কি যেন নেহারি!

কাঁদিয়া উঠেছে পরান-পুতলী,  
বেঁধোনা বন্ধন-ডোরে! ৩১

বিশ্ববিমোহিনী দেবী! চলো চলো,  
থল থল করে স্বচ্ছ নীল জল,  
অতি স্নিগ্ধ এই উদার আকাশে  
ঘুমাও আরামে মা-গো!  
জাগো সরস্বতী অমৃত-বিজলি,  
জাগো মা আমার হৃদয় উজলি,  
কিরণে কিরণে চেতাও চেতনে,  
জাগো মা, জাগো মা, জাগো! ৩২

....

## গীতি

[ঠৈরো—একতালা, ভজনের সুর]

কে রে বালা কিরণময়ী, ব্রহ্ম-রঞ্জে বিহরে!  
দিক্ প্রকাশ, বিমল ভাস, বিমল হাস অধরে!

নাচিতে নাচিতে হৃদয় ধায়,  
আকাশ ভেদিয়া কোথায় যায়,  
অপরূপ একি নয়নে ভায়!  
ভায় প্রাণের ভিতরে!

কেন দরদর নয়নে বারি,  
প্রাণ ভরে আহা হেরিতে নারি!  
কেন কেন শূন্যে বাহু পসারি!  
কেন তনু শিহরে!

কোথা সে আমার সাধের ভবন,  
কোথা প্রাণপ্রিয়া প্রিয় পরিজন,  
কোথা চন্দ্র-তারা কোথা ত্রিভুবন!  
মগন সুধার সাগরে!

অহো! মহাযোগী দাও প্রাণ খুলি,  
দাও বান্ধীকি, শিরে পদধূলি,  
গুরু-কৃপা-মোদ-ভরে ঢুলি-ঢুলি  
ভ্রমিব স্বপন-নগরে—  
চিরজীবন ভ্রমিব স্বপন-নগরে!

## মধ্যাহ্ন সংগীত

(গৌরসারঙ্গ—একতারা)

চরাচরব্যাপী অনন্ত আকাশে  
প্রখর তপন ভায়,  
দিগ্-দিগন্তর উদাস মুরতি  
উদার স্মৃতি পায়।

বিমল নীল নিখর শূন্য,  
শূন্য—শূন্য—শূন্য—অগম শূন্য ;  
দূর—অতিদূর দু-পাখা ছড়িয়ে  
শকুন ভাসিয়া যায়।

শুভ্র শুভ্র অশ্রুসাজি  
ধবলা শিখরী সাজি  
চলিয়াছে ধীরে ধীরে না জানি কোথায়!

নীরব মেদিনী, পাদপ নিঝুম,  
নত-মুখ ফুল-ফল,  
নত-মুখী লতা নেতিয়ে পড়েছে  
স্তবধ সরসী-জল ;  
শান্ত সঞ্চরণ, শান্ত অরণ্যানী,  
মুক বিহঙ্গম, মুঢ় পশু-প্রাণী,  
'ঘৃণ্—ঘৃণ্ কাতরা কপোতী  
করুণা করিয়া গায়।

স্তবধ নগর, স্তবধ ভূধর,  
স্তব্ধ হয়ে আছে উদার সাগর,  
ধূধু মরুস্থলী, বিহুল হরিণী  
চমকি চমকি চায়।

স্তবধ ভুবন, স্তবধ গগন,  
প্রাণের ভিতর করিছে কেমন,  
তৃষায় কাতর, কঠোর মরুত!  
একটুও নাহি বায়।

বিরামদায়িনী কোথা নিশীথিনী  
স্নিগ্ধ-চন্দ্র-তারা-নক্ষত্র-মালিনী



মহা-মহেশ্বর-করণা-রূপিনী  
মোহিনীমায়ার-প্রায় !

লয়ে এসো সেই মেদুর সমীর,  
ঝুরু—ঝুরু—ঝুরু, মধুর, অধীর,  
স্নেহ-আলিঙ্গনে জুড়াব জীবন,  
জুড়াব তাপিত কায় !

## সন্ধ্যা সংগীত

(ভাগিরথী তীরে—দক্ষিণে হাবড়ার সেতু এবং উত্তরে নিমতলার শ্মশান)

ডুবেছে রবির কায়, দিবা হল অবসান !  
পড়েছে প্রশান্ত ছায়া জুড়ায়ে জগৎ-প্রাণ ।  
চারিদিক সুশীতল,  
নিবে গেছে কোলাহল,  
কিবে এক পরিমল ভাসিয়া বেড়ায় !  
আলুয়ে পড়েছে ভব,  
আলুয়ে পড়েছে সব,  
আলুথালু হয়ে ধরা তিমিরে করিছে স্নান । ১

গঙ্গার স্নেহের কোলে  
সমীরণ ঘুমে ঢোলে,  
স্বপনে সঁজের তারা মেলিছে নয়ান ।  
তীর-ভূমে তরুগণে  
বসিয়াছে যোগাসনে,  
কে তুমি প্রাণের প্রাণে তুলেছ পূরবীতান ! ২

ঢুলিয়া পড়িছে মন,  
দুর্বাদলে যোগাসন,  
কি যেন স্বপন দেখি মুদিয়া নয়ন !  
নাবিকেরা খুলে প্রাণ  
দূরেতে ধরেছে গান,  
কি সুধা করিছে পান ঘুমন্ত শ্রবণ ! ৩

টুপটুপ শব্দ জলে,  
আসিতেছে পলে-পলে,  
কি জানি কি কথা বলে বুঝা নাহি যায় ;  
ঘুমায়ে ঘুমায়ে ছেলে  
কেন বাছা হেসে ফেলে,  
শুনিতে সে স্বর্গ কথা সদা প্রাণ চায় । ৪

নিখর সলিল 'পরি  
 ধীরে ধীরে চলে তরী,  
 দু-পাখা ছড়িয়ে পরী ভেসেছে আকাশে ;  
 মধুর মধুর গতি,  
 চলিয়াছে গর্ভবতী  
 সম্পূর্ণ-যৌবনা সতী পতির সকাশে। ৫

নৌকায় প্রদীপ জ্বলে,  
 তারকা ফুটেছে জলে,  
 জলতলে ঝলমলে বিশাল মশাল ;  
 লুকানো তপন-রেখা  
 ফের বুঝি যায় দেখা!  
 হারানো প্রণয় কেন এত লাগে ভালো! ৬

দু-পার জুড়িয়া সেতু,  
 যেন পড়ে ধুমকেতু,  
 যেন শুয়ে কোনো এক দৈত্য দুরাশয়,  
 লাল লাল চক্ষু মেলি,  
 নিদ্রা-মৃত্যু অবহেলি,  
 আক্রোশে শ্মশানপানে তাকাইয়া রয়। ৭

উঠিল কাসর-রোল,  
 শঙ্খ-ঘণ্টা উতরোল,  
 আরতি-প্রদীপ-মালা দোলে ঘাটে-ঘাটে ;  
 আর্দ্র হয়ে ভক্তিভরে  
 'মা—মা' শব্দ করে,  
 আনন্দের কোলাহলে দিক যেন ফাটে। ৮

আমার আনন্দ নাই,  
 আমার সে ভক্তি নাই!  
 সেই ভোলা খোলা প্রাণ হারায়ে আঁধারে,  
 করিয়া জ্ঞানীর ভান,  
 পৃষি বুকে অভিমান,  
 ঘোর পৌতলিক—সদা পূজি আপনারে!

নগরীর মনোরথ  
 পূর্ণ করি রাজপথ,  
 হাসিয়া উঠিল কিবা প্রসারিয়া কায়!  
 সুন্দরী আলোকমালা  
 সারি দিয়ে করে খেলা,  
 বাতাসে তরুর তলে খেলা করে ছায়া। ১০

আর তো লাগে না ভালো,  
কে তোরা ছালালি আলো!  
কোথায় হারাল বল ঘুমন্ত হৃদয়!  
চাহিতে আকাশপানে  
কি যেন বাজিছে প্রাণে,  
কাদিয়া উঠিছে যেন তারা সমুদয়। ১১

উদয় না হতে হয়  
শশীকলা অস্তে যায়,  
মুমূর্ষুর প্রাণ যেন ঝিকঝিক করে!  
বিষল শ্মশান-ভূমি,  
ঘুমায়ে রয়েছে তুমি।  
কার ওই চিতানল ভস্মের ভিতরে! ১২  
প্রতিদিন কোলাহল,  
প্রতিদিন চিতানল,  
প্রতিদিন জগতের উদয়-বিলয়!  
এই যে অসংখ্য তারা,  
অজয়-অমরপারা,  
এরাও কি কিনাশের বশীভূত নয়। ১৩

অনন্ত কালের সিদ্ধ,  
বিশ্ব বুদ্ধদের বিন্দু,  
এই ভাসে, এই হাসে, মিলায় আবার ;  
এসেছি বা কোথা হতে,  
ফিরে যাব কি জগতে,  
কিছুই জানি না ঠিক-ঠিকানা তাহার! ১৪

বিন্দু বিন্দু পড়ে জল,  
চঞ্চল চাতকদল  
উড়ে উড়ে অঙ্ককারে করে কলগান!  
আমি কেন এইখানে  
চাহিয়া শ্মশানপানে  
কিছুতেই নাহি পারি ফিরাতে নয়ান! ১৫

ও কে গো কাতর স্বরে  
আনমনে গান করে  
একাকিনী বিষাদিনী চেয়ে নদীপানে  
ওরো কি আমারি মতো  
হাদি-রাজ্য বজ্রাহত!  
ফোটে না কুসুম আর সাধের বাগানে! ১৬

## ধূমকেতু

(১২ আশ্বিন, বুধবার, পূর্ণিমা, ১২৮৯ সাল)

এই যে উঠেছে ধূমকেতু!

কে বলে রে অমঙ্গল-হেতু!

কি মহান শুভ্র পুচ্ছ

গ্রহ-তারা করি তুচ্ছ

ওড়ে যেন বিজয়ের কেতু! ১

ওই! শুকতারার মতন

মুখ-প্রভা প্রশান্ত কেমন!

যদিও আবৃত কায়া

কেমন উদার ছায়া!

মুখেই প্রকাশ পায় মানুষ যেমন! ২

একদিকে চন্দ্র অস্ত্র যায়,

অন্যদিকে অরুণ উদয়,

মধ্যে কেতু দীপ্তিমান

মহামনা তেজীমান

স্বর্গেরবে দাঁড়াইয়া রয়। ৩

ডুবে যাবে ক্ষণকাল পরে

তপনের কিরণ সাগরে

এখনো মুখেতে হাসি

অস্তুরে আনন্দরাশি,

মহত্ত্বের মন নাহি মরে। ৪

স্নেহেতে চাঁদের পানে চায়

যেন আলিঙ্গন দিতে যায় ;

পূর্বদিকপানে চেয়ে  
যেন মহানিধি পেয়ে  
আনন্দে আপনি চলে যায়। ৫

ধায় তিমি ধরার সাগরে,  
মহাশূন্য অনন্ত-অশ্বরে  
ধেয়ে ধেয়ে অবিরত  
বলো হে দেখিলে কত  
মহান বড়বানল প্রজ্জ্বলিছে দিগ্-দিগন্তরে! ৬

কত ক্ষুদ্র ক্ষুদ্র চন্দ্রদ্বীপ  
স্বভাবের সুধার প্রদীপ,  
তেজস্বী মনের কাছে  
স্নেহ যেন ফুটে আছে,  
হর্ষভরে করে দীপ্-দীপ্। ৭

বলো কত তোমার মতন  
ধায় ধুমকেতু অগনন,  
পথের ঠিকানা নাই,  
তারি কাছে ছুটে যাই  
পাই যারে মনের মতন। ৮

তুমি এক প্রেমের পাগল,  
আপনার ভাবে ঢলঢল,  
কে তোমায় ভালোবাসে,  
কে তোমায় উপহাসে,  
কক্ষেপ নাই সে-সকল। ৯

পতঙ্গের পাগল পরান,  
অনাসে অনলে ত্যজে প্রাণ,  
তপনের কাছে তুমি  
তাই কি এসেছ ভাই!  
বিধির কি এমনি বিধান? ১০

আসিয়াছ বর্ষদিন পরে,  
ধরণীয়ে দেখিবার তরে,

আনন্দে ভগিনী তব  
করেন মঙ্গলোৎসব,  
দিকে দিকে পাখি গান করে। ১১

কুসুমের সৌরভ লইয়া,  
সমীরণ চলিছে ধাইয়া,  
চঞ্চল চাতক সব  
করি করি কলরব  
ছুটিয়াছে উন্মত্ত হইয়া। ১২

চলেছে বকের মালা  
নীলাকাশ করি আলা  
করিবারে ব্যঞ্জন তোমায়,  
নীরদ দিয়েছে দেখা,  
আবরিতে রবিরেখা  
ওই কিবে আসে পায় পায়! ১৩

ঘেরে আছে দিগঙ্গনাগণ,  
কিবে সব প্রফুল্ল আনন,  
কেমন হরষভরে  
তোমারে বরণ করে!  
মাজে তুমি কেতু বিমোহন! ১৪

মানুষে জানে না তব মান,  
চিরকালই অমঙ্গল-জ্ঞান,  
এমন সুন্দর রূপ,  
করিয়াছে কি বিকৃপ!  
হৃদি-হীন নিছে বুদ্ধিমান। ১৫

## দেবরানী

স্বপন নগরে বেড়িয়ে বেড়াই  
 ঢুলিয়া ঢুলিয়া আপন মনে,  
 কখন বিহরি শিখরী শিখরে,  
 কখন বা ভ্রমি বিজন বনে। ১

কখনো কখনো কলপনা-যানে  
 আরোহণ করি আকাশে ভাসি,  
 দেখি বোঁ-বোঁ করে ঘোরে গ্রহ-তারা,  
 ঘোরে দূরে দূরে অনলরাশি। ২

ফিরে ফিরে চাই পৃথিবীর পানে,  
 গিরি-নদ-নদী মিলায়ে যায় ;  
 উদার সাগর ক্ষুদ্র ক্ষুদ্রতর,  
 ডোরা-ডোরা-ডোরা রেখার প্রায়। ৩

দেখিতে দেখিতে একি আচম্বিতে  
 কোথায় সে-সব উবিয়ে গেল!  
 শূন্য-শূন্য-শূন্য—মহাশূন্যময়  
 নীল নিখর আকাশ এল। ৪

আহা আহা একি সমুখে আমার,  
 একি এ বিচিত্র আলোকোদয়,  
 চন্দ্র-সূর্য নাই, অপরূপ ঠাই,  
 কোটি কোটি যেন চাঁদের কিরণে  
 সদাই কিরণময়! ৫

ভাসে নীলাশ্বরে ফুলে ফুলময়  
 প্রসারিত পথ সমুখে একি!

পদ-পরশনে চমকিয়া ফুল  
ফুটিয়ে হাসিল আমারে দেখি। ৬

ঝুরু-ঝুরু-ঝুরু গঞ্জে ভরপুর  
কেমন পাবন সমীর বায়!  
কোথা হতে ভেসে আসে মৃদুগীত,  
না জানি কে হেন মধুর গায়! ৭

না জানি কোথায় বাজে বেণু-বীণা,  
উদাস—উদাস হৃদয়-প্রাণ,  
না জানি কিসের সুরভি সৌরভ  
তর করে দেয় মগজ-স্রাণ! ৮

বিমল-সলিলা নদী মন্দাকিনী  
দুলে দুলে যেন মনেরি রাগে  
কুলুকুলু ধ্বনি আধ-আধ বাণী,  
খেলিছে কেমন মেখলাভাগে! ৯

দূরে দূরে সব নখর মন্দার  
দু-ধারে দাঁড়ায়ে আছে ;  
কত অপরূপ প্রাণী মনোহর  
বেড়িয়ে বেড়ায় কাছে। ১০

রূপে আলো করি ঘুমায় কেমন  
দেবদেবীগণ কুসুমদলে!  
নেত্র-পত্র-পঙ্খ কাঁপায়ে কাঁপায়ে  
ধীরি-ধীরি-ধীরি অনিল চলে। ১১

জ্যোতির্ময় বপু, রোমাঞ্চ কিরণে  
উজলিয়া দশদিশি,  
মন্দাকিনীতটে যোগে নিমগন  
দীপ্ত দীপ্ত সপ্তঋষি। ১২

নির্মীল লোচন, প্রফুল্ল কপোল,  
হাসিরাশি যেন ধরে না মুখে ;  
কোন সুধাপানে সদাই বিহ্বল,  
মহাসুখী কোন মহান্ সুখে? ১৩



বহি বহি পড়ে জলে অশ্রুজল,  
কনক-কমল ফুটিয়া ভায়,  
লহরী-মালায় দুলিতে দুলিতে  
হাসিতে হাসিতে ভাসিয়া যায়। ১৪

ফুলে ফুলময় কমলকানন,  
কে তুমি মা হেথা করিছ খেলা!  
ঢলঢল তব বিমল মুখানি,  
হেরে জুড়াইল প্রাণের জ্বালা। ১৫

.....

## গীতি

[রাগিণী কালাংড়া,—তাল যৎ]

এমন অপরূপ রূপ কভু হেরি নাই নয়নে!  
কে এ বালা করে খেলা কনক-কমলকাননে!

একি অপরূপ ঠাই,  
চন্দ্র নাই, সূর্য নাই,  
কোটি চন্দ্র হাসিতেছে বিমল রূপের কিরণে!

আপনি আকাশ-মাজে  
চারিদিকে বীণা বাজে,  
দূরে দূরে ইন্দ্রধনু দুলিছে নীল গগনে।  
ধরো গো আকাশবালা,  
মানস-কুসুমমালা!  
পাসরি যজ্ঞপাছালা লুটিব রাঙা চরণে!

## বাউল বিংশতি

প্রথম দল—

[বাউলের সুর—রাগিণী ভৈরবী,—তাল একতালা।]

ভবে কেউ দূষী নয়, আমিই দূষী।  
বিরোধ বিষম লেঠা, ভালোবাসি হাসিখুশি।  
বিধাতা নহেন বাম,  
সুখভরা ধরাধাম,  
হৃদয় আনন্দধামে নিরানন্দ কেন পুষি!

মার কোলে ছেলে হাসে,  
চাঁদ হাসে নীলাকাশে,  
উদয় অচলে কিবে হাসে উষা অকলুষী!

সকলি তো নিজ দোষ,  
কার প্রতি করি রোষ,  
পরে মিছে দোষী করে কেন আপনারে তুষি!

হাসো-খেলে! মনসাধে,  
কাজ নাই বিসম্বাদে,  
দু-দিনের তবে আহা কেন রে ভাই রোষারুষি! ১

দ্বিতীয় দল—

[বাউলের সুর—রাগিণী পাহাড়ি,—তাল তেতালা]

ভবের খেলা চমৎকার।  
এর, কোথাও ফাঁসি, কোথাও হাসি, কোথাও ওঠে হাহাকার।  
লক্ষ্মীদেবী হিরণ্ময়ী কিরণে কিরণ,  
পৌঁচা, বিচিত্র বাহন.

খেলে পদ্মবনে আপন মনে, পরিয়ে পদ্মের হার—  
সরস্বতী পরিয়ে পদ্মের হার।

দ্যাখে আপন ফোঁটা, গোটা সপ্ত-সমুদ্র সমান,  
যত খেঁকী-তেজীমান ;  
রাখে, প্রাণ দিয়েও পরের মান, এমন সূজন—  
হরি হে, এমন সূজন মেলা ভার!

বিশ্বশাস্ত্র-পাঠকের প্রাণ অনন্ত-উদার  
প্রেমস্নেহ পারাবার,  
মিটমিটে গ্রন্থ-কীটে মহিমা বোঝে না তার। ২

প্রথম দল—

[বাউলের সুর—রাগিণী যোগিয়া,—তাল তেতাল]

হৃদি কঠিনে,  
আমিও তো ভাই, কারো কিছু বুঝিনে।  
আহা, সেই রসের সাগর, প্রেমের আকর, ভুলেও তাঁরে ডাকিনে!  
খোলা-প্রাণ ভোলা-মন বনের পাখি,  
তুচ্ছ সুখের তরে ধরে তারে পিঞ্জরে রাখি,  
তার প্রাণটা কত কাতরে বেড়ায়. দেখেও চোকে দেখিনে।  
সরল পশু, সরল শিশু, সরল নারী,  
কতই সবাই ভালোবাসে, সবাই আমারি,  
আমি সেই, ভালোবাসা পেতে পটু, ফিরে দিতে জানিনে।  
নূতন রূপের রাশি প্রাণের হাসি হাসে যুবতী,  
মনের কুতূহলে কৌতুকিনী মধুর মুরতি,  
তার, মায়ের মতন আদর করে নয়ন ভরে হেরিনে।  
জ্যোৎস্নায় তরু-লতা মনের কথা কতই কয়ে যায়,  
বাতাসে হেলদুলে বাহু তুলে আলিঙ্গন চায় ;  
আমি, কাতান তুলে কাটতে দাঁড়াই, সাধের সোহাগ মানিনে—  
তাদের সাধের সোহাগ মানিনে!

তোমার উদার স্নেহে  
সুখে প্রাণ আছে দেহে,  
কৃপা করো, হে করুণাময় দয়ামায়া-বিহীন। ৩

দ্বিতীয় দল—

[বাউলের সুর—রাগিণী পাহাড়ি,—তাল তেতাল]

প্রেমের মানুষ চেনা যায়।  
তার, হাসি-হাসি মুখশশী, খুশি ফোটে চেহারায়া।  
সদাশিব, সদানন্দ, সরল অন্তর,  
কেহ নাহি আপন-পর ;  
সে জানে না দুনিয়াদারি, ভালোবাসে দুনিয়ায়।

আপন মনে আপনি মগন,  
চুলুচুলু ঢোলে দু-নয়ন,  
সে, কি যেন মধুর বাঁশি সদাই শুনিতে পায়। ৪

.....

প্রথম দল—

[বাউলের সুর—রাগিণী ভৈরবী অথবা পুরবী—তাল টিমে তেতাল]

বেলা নাই, বেলা নাই রে, হয়েছে যাবার বেলা!  
ভাঙা হাটে নবীন ঠাটে আরো কত খেলবি রে—  
ও পাগল মন, খেলবি রে রসের খেলা!  
চারিদিক ধূয়ার আকার,  
সমুখে বিষম ব্যাপাব,  
কোথায় পালাব এবার, কে জুড়াবে প্রাণের জ্বালা—  
আমার কে জুড়াবে প্রাণের জ্বালা? ৭

দ্বিতীয় দল—

[নিধুবাবুর সুর—রাগ ভৈরব—তাল একতাল]

সে মুখকমল সদা চলচল, হাসি-হাসি,  
সুখে দেখি রে ভাই।  
প্রেমের আনন্দ-মাঝে মরণের ভয় নাই।  
মধুর-মধুর-মধুর প্রাণ,  
মধুর-মধুর-মধুর ধ্যান,

অতি মধুর সেই—ই দিন, পূর্ণ পরিতোষ পাই।  
না জানি কোথায় কি ফুল ফোটে,  
সৌরভে হৃদয় নাচিয়া ওঠে,  
মত্ত হয়ে খোলা প্রাণে প্রেমের মহিমা গাই। ৮

প্রথম দল—

[বাউলের সুর—রাগিণী ভৈরবী—তাল একতাল্য]

সবই গেছি ভুলে,  
আমি সবই গেছি ভুলে!  
জাগো হে প্রাণের প্রাণ দাও মনের ধাঁদা খুলে।

ভিতরে কাতরে প্রাণী,  
সুখী ভেবে অভিমানী,  
মরণ যে কি বিষাদ, যেন তা জানিনে মূলে।

আহা সে পবিত্র পদ  
পূর্ণানন্দ, নিরাপদ,  
পরম সম্পদ আমার ত্যজি, পূজি নারীকূলে।

করুণ কিরণে কার  
বিকশিত প্রেম আমার,  
সৌরভে উন্মত্ত হয়ে করে দিলেম বিনিমূলে।  
স্নেহ, ভক্তি, ভালোবাসা,  
মেটে না—মেটে না আশা,  
পিপাসায় প্রাণ ওষ্ঠাগত বসি সুখা সিদ্ধ-কূলে। ৯

দ্বিতীয় দল—

[নন্দবিদায় যাত্রার সুর—রাগিণী ভৈরবী—তাল মধ্যমান]

সে দুটি নয়ন!  
জীবন আমার।  
ত্রিভুবন হাসিতেছে কিরণে তাহার।  
সে সুধাংশু করি পান  
জুড়িয়েছে মন-প্রাণ,  
হেসে-খেলে চলে যাবে, ভাবনা কি তার!

যে জন্যে এখানে আসা,  
পরিপূর্ণ সে পিপাসা ;  
রুধিয়া অন্যের আশা থাকিব না আর—  
বেশি, থাকিব না আর। ১০

...

প্রথম দল—

কোথায় !  
দাও দরশন !  
কাতর হয়েছে প্রাণ, রহে না জীবন।

চিরসাধনের ধন !  
ধ্যানে কেন অদর্শন !  
চেতন চেতনাহীন, মনে নাই মন।  
নয়ন মুদিয়া থাকি  
কে যেন মুছায় আঁখি,  
চমকি চাহিয়া দেখি বহে সমীরণ—  
শুধু বহে সমীরণ !  
থাকি বিশ্ব চরাচরে  
ডাকি মহা মহেশ্বরে,  
কেহ কি আমার ধ্বনি করে না শ্রবণ—  
কাতর-হৃদয়-ধ্বনি করে না শ্রবণ? ১৭

দ্বিতীয় দল—

[“সুর—যে যাতনা যতনে, মনে মনে মন জানে।  
পাছে লোকে হাসে শুনে, লাজে প্রকাশ করিনে।”]

কে, কে জানে, আমারে ভালোবাসে, মনে মনে।  
যখন যেখানে আছি, চেয়ে আছে মুখপানে !  
কে আমার কাছে কাছে  
সদাই আঙুলে আছে।  
দেখিবারে ডাকি প্রাণ ভরে,—  
তারে দেখিবারে ডাকি প্রাণ ভরে ;  
আকাশে প্রকাশে আসি হাসি-হাসি চন্দ্রাননে। ১৮

## জীবনীপঞ্জি

জন্ম : ১৮৩৫ খ্রিস্টাব্দের ২১ মে (৮ জ্যৈষ্ঠ ১২৪২) কলকাতায় জোড়াবাগান অঞ্চলে বিহারীলালের জন্ম। যে-গলিতে অবস্থিত পৈত্রিক বাড়িতে কবি জন্মগ্রহণ করেন, এখন সেই গলির নামকরণ হয়েছে 'বিহারীলাল চক্রবর্তী লেন'। পিতা : দীননাথ চক্রবর্তী (প্রকৃত উপাধি : চট্টোপাধ্যায়)।

শৈশব : দীননাথের প্রথম দুটি ছেলে শৈশবে মারা যাওয়াতে বিহারীলাল বংশের কুলপ্রদীপ ছিলেন। চার বছর বয়সে বিহারীলাল মাকে হারান। ঠাকুরমার আদরে শিশুর দুরন্তপনা বাড়ে। বাল্যকালে তিনি কিছুটা ছিপছিপে ও কাহিল ছিলেন। সেই সময়ে প্রচলিত নিয়মানুসারে হাঁটপথে শ্রীক্ষেত্রে তীর্থদর্শনে যান। অঙ্গসঞ্চালন ও প্রভূত আহাৰ্য-গ্রহণের ফলে তাঁর শরীর গড়ে ওঠে। দীর্ঘাকৃতি, সবলকায়, খাড়া দেহ ও হাট-পুষ্ট শরীরের অধিকারী বিহারীলাল কৈশোর থেকে সাহসী ও অকুতোভয় ছিলেন।

শিক্ষা : প্রথাগত বিদ্যাশিক্ষায় অনাগ্রহ ছিল। কয়েকমাস জেনারেল অ্যাসেমব্লিজ ইনস্টিটিউশনে এবং তিন বছর সংস্কৃত কলেজে পড়েছিলেন বলে জানা যায়। পরে বাড়িতে দেবনাথ মুখোপাধ্যায়, রামকমল ভট্টাচার্য ও কৃষ্ণকমল ভট্টাচার্যের কাছে সংস্কৃত ও ইংরেজি ভাষা শিক্ষা করেন।

বিবাহ : ১৮৫৪ সালে প্রতিবেশী কালিদাস মুখোপাধ্যায়ের কন্যা অভয়া দেবীর সঙ্গে বিহারীলালের বিবাহ হয়। বিবাহের চার বছর পরে মৃত-সন্তান প্রসবকালে সূতিকাগৃহে বিকারগ্রস্ত হয়ে অভয়ার দেহাবসান ঘটে। 'বন্ধুবিরোগ' কাব্যে 'সরলা' নামে তৃতীয় সর্গে কবির পত্নীস্মৃতি লিপিবদ্ধ আছে। ১৮৬০ সালে পিতা দীননাথ বিহারীলালের দ্বিতীয়বার বিবাহ দেন। পাত্রী নবীনচন্দ্র মুখোপাধ্যায়ের কন্যা কাদম্বরী দেবী। 'বঙ্গসুন্দরী' কাব্যের 'প্রিয়তমা' নামে নবম সর্গে সম্ভবত তিনি কাদম্বরী দেবীর কথাই বলেছেন।

কর্মজীবন : বিহারীলালের প্রতিভামহ মনোহর হালিশহরের জনৈক সুবর্ণবণিকের দান গ্রহণ করে 'পতিত' হন এবং কলকাতায় এসে বসবাস শুরু করেন।

সেই সময় থেকে চক্রবর্তী-পরিবার পুরুষানুক্রমে কলকাতার সুবর্ণবণিক সম্প্রদায়ের পৌরোহিত্য-কার্য করেন। দীননাথের পরে বিহারীলালও সুবর্ণবণিক সম্প্রদায়ের পৌরোহিত্য-কর্মকে জীবিকা হিসেবে গ্রহণ করেন।

পত্রিকা-চালনা : পূর্ণিমা (১৭ ফেব্রুয়ারি ১৮৫৯), সাহিত্য-সংক্রান্তি (১৩ মে ১৮৬৩),  
অবোধ-বন্ধু (এপ্রিল ১৮৬৩)।

গ্রন্থ : স্বপ্নদর্শন (গদ্যরূপক কাব্য) ১৮৫৮; সঙ্গীত-শতক (১৮৬২);  
বঙ্গসুন্দরী (১৮৭০); নিসর্গসন্দর্শন (১৮৭০); বঙ্কুবিশ্রাম (১৮৭০);  
প্রেমপ্রবাহিনী (১৮৭০); সারদামঙ্গল (১৮৭৯)।

মৃত্যুর পরে প্রকাশিত। (গ্রন্থাবলী : স্বর্গীয় কবি বিহারীলাল  
চক্রবর্তী-বিরচিত : অমিনাশচন্দ্র চক্রবর্তী-সম্পাদিত)। প্রথম খণ্ড,  
১৯০০ (সারদামঙ্গল, মায়াদেবী, শরৎকাল, ধূমকেতু, দেবরানী,  
বাউল-বিংশতি, সাধের আসন, কবিতা ও সংগীত)। দ্বিতীয় খণ্ড,  
১৯১৩ (বঙ্গসুন্দরী, নিসর্গসন্দর্শন, বঙ্কুবিশ্রাম, প্রেমপ্রবাহিনী, স্বপ্নদর্শন,  
সঙ্গীতশতক)।

মৃত্যু : ১৮৯৪ খ্রিস্টাব্দের ২৪ মে (১১ জ্যৈষ্ঠ ১৩০১) ৫৯ বছর বয়সে  
কলকাতায় তাঁর মৃত্যু হয়।